

MAT.
C O R D E R I I
C O L L O Q U I O R U M

SCHOLASTICORUM,

Libri IV.

Diligenter recogniti.

Protrepticon,

Ad bene vivendi, rectèque loquendi
studiosos.

Ca'vinus didicit quo præceptore Latine
Grammaticèque loqui: Quantum hic author erat !
Hinc bene vivendi documenta aptèque loquendi,
O pueri, à teneris imbibite unguiculis.



L O N D I N I,

Excudebat Ben. Griffin, pro
Societate Typographorum

1700.



M

ju
fu
S.
m
pe
m
er
ap
pe
fu
se
p
a
Q
h
t
c
c
m
e
M
C
p
e
e

MATURNI CORDERII

in Colloquiorum suorum libros

PRÆFATIO.

ANNUS agitur minimè quinquagesimus, ex quo; susceptà dicendi pueros provincià, in hanc cogitationem tatus incubui, quâ possem ratione efficere, ut pueri pietatem bonosque mores cum humanarum literarum studiis coniungerent. Quamvis enim, cùm Parisiis primùm eo munere fungi cœpi, (cùm in aliis gymnasiis tum in Rehmensi, S. Barbaræ, Lexoviensi, Marchiano, Navarræo) nondum mihi verum Evangelii lumen illuxisset; sed in profundis superstitionum tenebris demersus jacerem: discipulos tamen meos bona fide semper, non solum ad humanitatis studia, sed etiam ad cultum divinum adhortabar; si tamen eo nomine appellare licet profanos illos falsa Ecclesiæ ritus, quos ego penè ab incunabulis hauseram; & Deo acceptos esse mihi persuaseram. Me autem in illo instituto constanter perseverasse, satis idonei sunt testes libelli aliquot à me diversis temporibus editi; in quibus scribendis semper mihi consilium fuit ad utrumque, h. rum simul pueros formare: idem testari possunt & mei discipuli, è quorum ingenti numero cùm supersint ad hanc usque diem plerique celeberrimi Viri; unus tamen potissimum in præsentia mihi occurrit, ex iis quos Parisiis docui, præstantissimus ille vir, Jonnes Calvinus, quem honoris causâ nomino. Ex quo autem misertus Pater clementissimus mentem verâ sui Evangelii cognitione illustravit, multò etiam ardentius id propositum persequutus sum. Quod & Nivernensis Schola, & aliquantò post etiam Burdegalensis (ad quam, Lutetià profugus propter Evangelicâ doctrinâ professionem, me contulerim) per triennium experta est. Sed cùm & plenior Evangelii cognitio deinde accessisset, & liberior etiam, imò verò prorsus libera, mihi esset: ejus professio; tum

PRÆFATIO.

verò voti mei compis, reeddi vehementiori desiderio quam unquam antea concupivi. Atque id testari hac Schola Genevensis jampridem potuit, in qua, relicta Burdegalensi, docui: potuit & Neocomensis, cujus per annos circiter septem fui Moderator, (de Neocomo autem in Helvetiorum finibus sita loquor:) potuit & Lausannensis id testari, ubi Gymnasiarcha partes annos totos duodecim, magnificentissimorum minorum Bernarum auspicio, sustinui: potuerunt (inquam) una cum Genevensi haec quoque schola id testari: sed & nunc eadem mihi testis esse potest; cum in eam me secundò Pater ille benignissimas senectutis meae misertus, (quæ annum octogesimum quintum attigit) tanquam in portum tutissimum, post infinitos labores & multa pericula receperit. Ex quo tempore sapissimè mecum cogitavi, quâ potissimum re inservire illi possem, qui me per totam vitam tanta benignitate prosequutus esset, meque tot laboribus & periculis liberasset. Cum autem Robertus Stephanus, amicorum meorum intimus, (quo primum doctore ad Evangelii cognitionem usus fueram) me, ut aliàs sæpe, ad scribendum aliquid pueris vehementer hortaretur, & adminicula quæcunque necessaria essent, polliceretur, atque aded jam me benignissimè suis sumptibus aleret, animum ad eam rem appellare cæpi. Sed (prò dolor!) Robertus ille meus haud multo post hac vita ad Christum, non sine maximo literarum detrimento, commigravit. Neque tamen ego incepto destiti, sed aliquot opuscula scribere sum aggressus, quibus me consulturum puerorum studiis sperabam, si quando mihi manum illis extremam imponere liceret. Verùm enimverò, ex quo tempore ad hanc docendi provinciam (Deo iræ volente) sum revocatus, sic animum abjeci, ut vix sperare possem aliquid unquam edendi mihi datum iri spatium: propterea quod (ut semper antea feceram) me ad satisfaciendum discipulis ita dederam, ut nè successivas quidem horas mihi liberas relinquerem: & quamvis permulti sæpe mecum agerent, adeoque precibus efflagitarent, ut tandem aliquid ad puerorum utilitatem in lucem emitterem; nemo tamen persuadere poterat, ut mihi exirent è manibus, quæ iudicio meo nondum satis probarentur. Anno tamen superiore, cum docendi

PRÆFATIO.

endi adjutor ex animi sententia mihi dono Dei obligasset venit in mentem chartulas meas, præsertim vetustiores, diligentius excutere; inter quas occurrerunt hæc nostra Colloquia, quæ jam ferè triennium (quasi sopita) in musæolo meo latuerant. Ea igitur, velut à somno exercitata, cum in manus sumpsissem, placuit matutinis horis (id est, tempore mihi à docendi provincia vacuo) recognoscere aliquot etiam augere colloquiis, & quantum res ipsa patiebatur, expolire. Peractâ recognitione, visum est opusculum communicare cum quibusdam viris doctissimis, qui cum meum in eo consilium probassent, dignumque censuissent quod pueri cum Grammaticæ rudimenti haberent in manibus, ego, persuasus frequenti eorum hortatione, permisi ut in publicum ederetur. Sunt enim hæc nostra colloquia ejusmodi, quæ (nisi me fallit animus) bonæ indolis pueros magnopere juvare possint ad eas res consequendas, quas ego semper in votis habui, & in quibus ut pueri exercerentur, omni professionis meæ tempore potissimum laboravi: hoc est, (ut supra dixi) ad pietatem & bonos mores cum literarum elegantia conjungendos. Equidem fateor aliis opus esse ad eam rem adjumentis, præterquam his, quæ puerilia sunt colloquia: sed tamen si pueri, diligenti magistrorum exhortatione assiduè incitati, in his lætandis sese oblectarint, futurum confido, ut non solum purius & honestius sermones inter se conferre assuescant, sed à pravis etiam colloquiis abstinere, quibus (ut ait Apostolus ex Menandro) mores boni corrumpuntur. Hic etenim, præter linguæ Latinæ simplicem puritatem, multa interjecta sunt modo ad pietatem & Dei timorem admonitiones, modo præcepta salutaria de moribus, passim verò documenta sive exempla ad rectè vivendum accommodata: ut interim taceam, quot modis unâ & eâdem operâ excitari & acui possit puerorum ingenium, & ad prudentiam, & ad judicium comparandum; ubi scilicet alter alterum hortatur, admonet, arguit, liberèque reprehendit: porro in his ipsis libellis sic induxi loquentes pueros, ut etiam obiter, & quasi aliud agens, parentes, pedagogos, præceptores quoque minùs diligentes, de suo quemque in tractandis puerilibus ingeniis, officio complu-

PRÆFATIO.

ribus in locis commonefaciam. Sed de Colloquiorum usu atque utilitate hactenus. Reliquum est, ut illa pueri, in quorum usum conscripta sunt, eo, quo scripsimus, animo complectantur & legant; iisque, quamdiu opus erit, fruantur. Quid si quid fructus ex eorum lectione se percepisse intellexerint, ei gratias agant immortales, qui nobis ad ea scribenda & animum & facultatem suppeditavit. Interea quoque meminerint, preces ad ipsum Deum saepe & ex animo pro hujus Civitatis amplissimo Senatu & prudentissimis Magistratibus fundere: sub quorum felici administratione, Deo sua gratia providente, tranquillam vitam agimus, studiaque nostra in ipsius gloriam feliciter prosequimur.

DATUM GENEVÆ, VIII.

Idus Februar.

Anno Christianæ Redemptionis
MDLXIII.

Ætatis autem nostræ
LXXXV.

MATU-

MATURINI CORDERII COLLOQUIORUM SCHOLASTICORUM

Libri Quatuor.

A D

Pueros in quotidiano tempore paulatim
exercendos.

LIBER I.

COLLOQ. I.

Bernardus Claudius.

S Alve, *Claudi*. C. Tu quoque saluus sis, *Bernarde*. B. Ludamus paulisper. C. Quid ais ineptule? Vix Scholam ingressus es, & jam de ludo loqueris? B. Nè irascaris, quæso. C. Non irascor. B. Quid ergò sic exclamas? C. Accuso tuam stultitiam. B. Non licet igitur ludere? C. Imò licet; at cùm tempus est. B. Vah! tu nimium sapias. C. Utinam tantum saperem satis: sed mitte me, quæso, ut repetam quæ mox reddenda erunt præceptorì, B. Æquum dicis: volo ego quoque tecum repetere, si tibi placet. C. Eho! quid hoc est? quid sibi vult ista tam subita mutatio? nonne tu modò loquebaris de lulu? B. Loquebar quidem; sed non seriò. C. Cur simulabas? B. Ut paucis tecum fabularer. C. Quis prodest? B. Etiam rogas? nunquam audivisti ex præceptore? C. Nunc mihi non occurrit: quid, inquam, prodest confabulari? B. Ad nos in *Latina* lingua exercendos. C. Profecto rectè putas, & ego te nunc magis amo. B. Habeo tui gratiam: agè repetamus prælectionem; nam brevi præceptor aderit.

COLL. 2.

Stephanus, Præceptor.

SAlve, præceptor. *P.* Salvus sis, mi *Stephane*. Unde venis tam multò mané? *S.* E cubiculo nostro, *P.* Quando surrexisti? *S.* Paulo ante sextam, præceptor. *P.* Quid ais? *S.* Sic est, ut dico. *P.* Tu nimis es matutinus; quis te expergefecit? *S.* Frater meus. *P.* An precatus es Deum? *S.* Cum primùm frater me pexuit, precatus sum. *P.* Quomodo? *S.* Flexis genibus & conjunctis manibus. Dixi *precationem Dominicam* cum gratiarum actione. *P.* Quà linguâ? *S.* *Anglicâ*. *P.* O factum bene! quis te misit ad me? *S.* Nemo. *P.* Quid ergo? *S.* Ulro veni. *P.* Mi animule, quàm pulchrum est sapere! Nonne est jentandi tempus? *S.* Nondum esurio. *P.* Quid vis igitur? *S.* Volo reddere nomina quotidiana, si tibi placet audire me. *P.* Quidni placeret? tenes igitur memoria? *S.* Teneo, gratias Deo. *P.* Agè; pronuntia. *P.* Sed mihi soles præire *Anglicè*; & ego *Latine* respondeo. *P.* Bene mones; penè istud oblitus eram; responde igitur. *S.* Expecto ut proponas.

P. The head. *S.* Caput. *P.* The top of the head. *S.* Vertex.

P. The fore-part. *S.* Sinciput.

P. The hinder-part. *S.* Occiput.

P. Nunc responde *Anglicè*.

P. Caput. *S.* The head.

P. Vertex. *S.* The top of the head.

P. Sinciput. *S.* The fore-part.

P. Occiput. *S.* The hinder-part.

P. Quid si nunc solus dicas omnia? *S.* Facile dicam.

P. Ego verò te libenter audiam.

S. Caput, the head.

Vertex, the top of the head.

Sinciput, the fore-part.

Occiput, the hinder-part.

Nonne bene dixi, præceptor? *P.* Quàm optimè. *S.* Laudetur Dominus Deus. *P.* O pulchrum verbum! Ito nunc petitum ab ancilla jentaculum. *S.* Malim abs te acci-

accipere, præceptor, si tibi non est molestum. P. O quàm te amo de isto verbo ! agè, sequere me : dabo tibi aliquid boni, quia tuum rectè fecisti officium. Quid est hoc ? S. Panis candidus, *White bread*. P. Quid hæc sunt ? S. Ficus aridæ, *Dry figs*. P. Numera. S. Una, duæ, tres, quatuor, quinque, sex. P. O lepidum capitulum ! Jenta nunc otiose.

C O L L. 3.

A. B.

VIS jentare mecum ? B. Non habeo jentaculum. A. Quid ? non attulisti ? B. Ego domè jentaveram. A. Itâne semper facis ? B. Minimè, sed quia bene manè surrexeram sic matri placuit me tractare. A. Profit tibi : ego igitur solus jentabo. B. Et interim studebo.

C O L L. 4.

Magister, Discipulus.

E Sne paratus ad reddendum studii tui rationem ? D. Paratus, ut mihi videor. M. Redde igitur, & esto præsentis animo. D. Hoc matutino tempore primùm pronuntiavimus carmen ex *Catone* : deinde ejus interpretationem *Latine & Anglicè* reddidimus : postremò bini tractavimus singulas partes orationis, cum attributis & significatione. M. Rectène fecisti officium tuum ? D. Puto me satisficisse præceptorì magnà ex parte. M. Vide nè mentiaris : nam ego illum percontabor. D. Ut voles, præceptor ; nihil hâc in re metuo. M. Agè, pergamus. Meridie quid habetis reddere ? D. Habemus declinare verbum *Possum, Latine & Anglicè*. M. Nihil præterea ? D. Nihil. M. Ego te istud aliàs docui : nonne tenes memorià ? D. Non auiam affirmare, donec tentavero, M. Declina in primas personas : cætera tibi erunt facilissima. D. *Indicativus Possum, I can ; poteram, I was able ; potui, I have been able ; potueram, I had been able ; potero, I shall be able.*

Imperativus deest.

Optativus. Utinam possim, *God grant I can*; utinam possem, *would to God I could*: utinam potueram, *God grant I have been able*; utinam potuissem, *would to God I had been able*.

Subjunctivus. Ut possim, *that I may*; ut possem, *that I might*: quamvis potuerim, *although I have been able*; quamvis potuissem, *although I had been able*: cum potuero, *when I shall be able*. M. Declina totum Infinitivum.

D. Infinitivi modi præsens & præteritum imperfectum, *Posse, to may or can*: præteritum-perfectum & plusquam-perfectum, *Potuisse, to have or had been able*: Cætera desunt. M. Cur hoc verbum *Possim* caret futuro infinito? cur item participio in *rus*? D. Quia non habet supinum, M. Quid tum? D. Illæ enim voces à supino formari solent. M. Da exemplum in aliquo verbo integro. D. Ut à supino *Lectū* sit *Lecturus*, & à *Lecturus* sit *Lecturum esse*, M. Rectè sanè. Sed cur prætermisisti participii præsens à verbo *Possim*, cum sit in usu *Potens potentis*? D. Quia (ut sæpe nos docuisti) *Potens* non est participium, licèt à *Possim* veniat. M. Quid ergò est? D. Nomen adjectivum. M. Probè meministi; utinam sic pergas semper! D. Spero indies meliora per Dei gratiam. M. Ego quoque idem tecum spero. Nunc restat, ut dicas Præteritum cum prole. D. *Potui, potueram, potuerim, potuero, potuissem, potuisse*. M. Dic terminationes. D. *Possim. I am able, posse, to be able*. M. Hæc hætenus: ecce! ecce! vocamur ad prandium.

C O L L. 5.

C, D.

Quando vis prandere? D. Ego jam prandi. C. Quotâ hora? D. Sesiui octava. C. Tam mane igitur prandetis? D. Sic ferè solemus in æstate: Vos autem? C. Non prandemus ante sesiui decimam: interdum ab undecima. D. Pater! cur non citius? C. Expectandus est pater, dum

dum è curià redierit. *D.* Tu igitur non potes adesse aulæ in cantione *Psalmorum*. *C.* Rarò admodum, interdum, *D.* Quomodo excusaris? *C.* Exemptus sum illo munere. *D.* Quis te exemit? *C.* Didascalus, patris mei monitu. *D.* Ergòne omnes senatorum filij habent hujusmodi privilegium? *C.* Habent, modò patres jubeant. *D.* Nonne mater posset dare tibi prandium ante reditum patris è Senatu? *C.* Posset quidem, sed pater vult à me expectari. *D.* Quamobrem? *C.* Quia sic illi placet. *D.* Nunc mihi tacendum est: os enim mihi occlusisti. *C.* Cur tu es tam curiosus percontator? *D.* Puer sum; & pueri semper cupiunt aliquod scire novi. *C.* Fateor: sed est modus in rebus, ut præceptor nos sæpe docet. *D.* Ergo discedamus, ut te pransum conferas. *C.* Ignosce, quæso, si qua in re te offenderim. *D.* Ego abs te idem peto: ego, inquam, potius, qui te offendere potui loquacitate meâ; sed interim nihil mali cogitans.

COLL. 6.

F. G.

UBI hodie cibum cepisti? *G.* Apud hospitem meum, *F.* Quanti prandisti? *G.* Sex quadrantibus. *F.* Quid cæna, quanti constitit? *G.* Tantidem. Tu vero quanti aleris quotidie? *F.* Pluris quàm tu. *G.* Quanti igitur? *F.* Quatuor assibus.

COLL. 7.

Choletus, Colloquarius.

UNde venis? *Co.* Foris. *Ch.* Cur prodieras? *Co.* Ut irem domum. *Ch.* Quid eo? *Co.* Petitum libros meos. *Ch.* Eho! cur non attuleras? *Co.* Oblitus eram. *Ch.* Siccine soles jentaculum aut merendam oblivisci? *Co.* Rarissimè. *Ch.* Profecto magna fuit negligentia. *Co.* Imo maxima: sed quid agas? pueri sumus. *Ch.* Quid si præceptor tuum factum sciret? *Co.* Fortasse pœnas darem. *Ch.* Ain' tu fortasse? proculdubio vapulares. Non te pudet sine libris in scholam venire? *Co.* Non so-

lans,

lūm pudet, sed piget etiam; veruntamen nē me accus-
ses, obsecro. *Cb.* Nihil minū8 cogito; sed possum diffi-
mulare, quin ego te reprehendam. *Co.* Istud (credo e-
quidem) amicē facis: itaque boni consulo. *Cb.* Id satis
mihi: eamus intro in auditorium. *Co.* Tempus est;
jam decuriones exigunt scripturæ rationem.

C O L L. 8.

Puer, Pædagogus.

PRæceptor, licētne pauca? *Pæ.* Loquere audacter.

Pu. Ego & condiscipuli mei hoc ferē toto triduo li-
bris affixi sumus, licētne paulisper animum ludo relaxare?

Pæ. Dic igitur aliquam sententiam.

Pu. *Interpone tuis interdum gaudia curis,*

Ut possis animo quemvis sustinere laborem.

Pæ. Dic etiam versus *Anglicos*, si memoriā tenes.

Pu. *Mirth with labour sometimes put in ure,*

That better thou thy labour mayst endure.

Pæ. Quām rectē dixisti omnia! *Pu.* Est Deo gratia.

Pæ. Addendum posthac erit aliquid. *Pu.* Quidnam, præ-
ceptor? *Pæ.* Qui dedit mihi ingenium & mentem bonam.

Pu. Sed quis me illa docebit verba? *Pæ.* Ea scribam tibi
in commentariolo tuo, ut ediscas. Sed dic mihi quæso,

Quis te docuit istam orationem, quām pronuntiasti?

Pu. *Camparus* heri dederat mihi scriptam, & ego memo-
riæ mandavi. *Pæ.* Profectō ego te amo, mi *Daniel*, ob

istam diligentiam. *Pu.* Ago tibi gratias præceptor.

Permittisne igitur ut ludamus? *Pæ.* Sanē. Abi, renuncia

condiscipulis tuis. *Pu.* Faciam. *Pæ.* Quid dices illis? *Pu.*

Id, quod me docuisti aliquando. *Pæ.* Sed volo prius ex

te audire. *Pu.* *Gaudete pueri; en! affero vobis jucundum*

runentiam: Ego vobis impetravi ludendi potestatem. *Pæ.* Euge

probè meministi. Ito nunc jam.

C O L L. 9.

Conradus, Daniel.

Repetamus nomina quotidiana, ut certius reddamus
Rei præceptori. *D.* Bene mones; præito mihi, hester-

an

na. C. Dic *Latine*, *An eye*. D. Oculus.

C. *The right eye*. D. Oculus dexter.

C. *The left eye*. D. Oculus sinister.

C. *Both the eyes*. D. Ambo oculi. C. Probè tenes.

D. Nunc audi an rectè solus dicam. C. Agè, audio.

D. *An eye*. C. Debes enumerare in digitis, ut docet præceptor.

D. Quid prodest istud? C. Ad memoriam juvandam.

D. Quid hoc sibi vult? C. Non audivisti multoties?

D. Ego sum obliviosus: quid agerem?

C. Esto diligentior ad ea retinenda quæ perceperis.

D. Quod me fideliter mones, pergratum facis.

C. Agè, ad rem redi.

D. *An eye*, Oculus. *The right eye*, Oculus dexter.

The left eye, Oculus sinister.

Both the eyes, Ambo Oculi. C. Quàm rectè omnia dixisti!

D. Repetamus etiam hodierna. C. Placet: at tu vicissim præito mihi.

D. *A hand*. C. Manus.

D. *The right hand*. C. Manus dextra.

D. *The left hand*. C. Manus sinistra.

D. *Both the hands*. C. Ambæ manus. D. Restat, ut solus dicas.

C. *A hand*, Manus.

The right hand, Manus dextra.

The left hand, Manus sinistra.

Both the hands, Ambæ manus. D. O si tam bene di-

ceremus coram præceptore! C. Quid obstat? D. Quia

timemus. C. Et tamen errata nostra satis humaniter

corrigit. D. Nescio quid hoc sibi velit: Ego semper

sum timidus in principio. C. Istud est quodammodo

naturale omnibus, ut audivimus ex præceptore. D.

Nunc repetendum esset *Latine* & *Anglicè*; sed præ-

ceptorem venientem video. C. Ingrediamur.

COLL. 10.

A. B.

DIC Latine, *Let us say our lesson together.* B. Repetamus una prælectionem. A. Hæc oratio quot habet partes? B. Tres. A. Discerne singulas nominatim. B. *Repetamus* est verbum: *Una* adverbium: *Prælectionem*, nomen. A. Declara paulo minus. B. Tu igitur præito mihi, ut solet præceptor. A. *Repetamus.* B. *Repeto, repetis, repetere*, conjugationis tertiæ, sicut *Lego, legis, legere.* Præteritum, *repetivi*: Supinum, *repositum*: Participia, *repositus, & repositurus.* A. *Una.* B. Non declinatur quia est adverbium hoc in loco; Anglice, *together.* A. *Prælectionem.* B. *Prælectio, prælectionis, f. g. the lesson or lecture.*

COLL. 11.

A. B.

EAmus una repetitum. B. Quid ego repeterem? Nonne satis est, quod solus repetiverim? A. Si tantum semel aut bis repetieris, id parum est ad edificandum. B. Imò circiter decies repetivi. A. Id quidem sufficit. B. Quid igitur vis amplius? A. Si vis certissime reddere coram præceptore, opus est cum aliquo repetivisse. B. Istud ego nesciebam: sed tibi libenter assentior. A. Faciamus ergo quod ego te monebam. B. Equidem non recuso: incipe.

COLL. 12.

Gentilis, Isaacus.

TEnesne memoriâ prælectionem? I. Propemodum. G. Visne repetamus una? I. Maxime velim. G. Incipe igitur. I. Faciam libenter: sed tu attentè audi, ut me corrigas, si quid erravero. G. Agedum. I. *Fac sumptum propere.* G. Errasti: incipiendum fuit ab hesternâ. I. Bene admones: nunc incipiamus. *Iratus de re incerta contendere noli; Impedit ira.* G. Peccas accentu *ira.* I. *Impedit ira animum nē.* G. Distingue post animum. I. *Impedit*

dit: ira animum, nè possit cernere verum. Fac sumptum pro-
perè, cum res fiderat ipsa: Dandum etenim. G. Iterum pec-
cas accentu? Repete, I. Dandum etenim est aliquid, cum
tempus postulat, aut res. G. Vidēsne te erravisse quater?
I. Video. G. Et observasti locos? I. Observavi. G. Sic ti-
bi facilius cavebis. I. Me miserum! putabam me recte
tenere. G. Sic mihi quoque solet accidere, quoties me-
moriam non est bene confirmata. I. Felix qui memoriam
bonam habet. G. Magnum Dei beneficium. Sed tem-
pus abit; audi nunc me. I. Audio, pronuntia. G. *Iratus*
de re incerta contendere noii. I. Hem! præceptor adest,
tace, ut illum salutemus.

COLL 13.
Clemens, Felix.

Nihilne est, quod reddamus hodie præceptori? F.
Nihil, nisi de *Grammaticæ rudimentis*. C. Quidnam?
F. Inspice librum tuum, invenies notas in quinque lecti-
ones, quas præceptor nobis præscripsit. Q. Quando istud
fuit? F. Die *Veneris*, horà quartà. C. At ego tunc non
interfui. F. Ergo plagas meruisti. C. Siccine iudicas, se-
vere iudex? occupatus eram domi, nec abieram in iussu
præceptoris. F. Est; sed tamen debuisti postridie quæ-
rere quid pridie actum esset. C. Meam culpam confiteor;
sed cedo librum tuum, quæso ut videam quid nobis red-
dendum sit. F. Accipe, & eadem operà signato quæ a præ-
ceptore nobis præscripta sunt. F. Faciam diligenter;
neque posthac (ut spero) me accusabis negligentæ.

COLL 14.
Comes, Oliverius

Quid actum est in auditorio horà tertià? G. Tractatæ
sunt orationis partes ex prælectione. C. Nihilne
amplius? O. Dixissem, nisi me interpellasses. C. Erravi;
perge. O. Postea dictavit præceptor argumentum *An-
glium* hodie vertendum. C. Quando reddendum? O.
Cras meridie. G. Jamne vertisti? O. Utinque. C. Dicta
mihi

mihi, Quæso vernaculum. N. Accipe, festina; nam habeo aliquid scribere.

COLL. 15.

Sylvius, Gervasius.

Quid agis? G. Repeto tecum. S. Quid repetis? G. Præscriptum hodiernum præceptoris. S. Tenésne memoriâ? G. Sic opinor. S. Repetamus unâ: sic uterque nostrum rectius pronuntiabit coram præceptore. G. Tu igitur incipe, qui me provocâsti. S. Age, attentus esto, nè me sinas aberrare. G. Sum promptior ad audiendum, quam tu ad pronuntiandum.

COLL. 16.

Accoratus, Curtius.

Visne tecum repetere prælectionem? C. Volo. A. Tenésne? C. Non satis rectè fortasse. A. Age, faciamus periculum. C. Quid igitur expectamus? A. Ubi voles, incipe. C. Atqui tuum est potius incipere. A. Quid ita? C. Quia me invitâsti. A. Æquum dicis; attende igitur. C. Istic sum.

COLL. 17.

Crispus, Sandrotus.

Jamæ tenes quæ reddenda sunt horâ tertiâ? S. Teneo. C. Eo quoque. S. Ergò confabulemur paulisper. C. Sed si intervenerit observator, putabit nos garrire. S. Quid times, ubi nihil timendum est? Si venerit, non deprehendet nos in otio, aut in re malâ. Audiat, si velit, nostrum colloquium. C. Optime loqueris: secedamus aliquò in angulum, nè quis nos impediat.

COLL. 18.

Trimundus, Messer.

NON decet hic otari, aut garrire; dum præceptor expectatur. M. Quid ais? Non decet? Imò verò non licet, nisi volumus vapulare. T. Tu igitur, audi me, dum prælectionem pronuntio: ego deinde te audiam. M. Age, pronuntia.

COLL.

COLL. 19.

E. F.

CUR non scribis? *F.* Jam scripsi meam paginam: tu verò? *E.* Eo scriptum in area. *F.* Quid ita? *E.* Quia serenum est cœlum. *F.* Festina, tempus abit: & mox exigitur ratio.

COLL. 20.

Titus, Valerius.

CUR non scribis? *V.* Quia non libet. *T.* Atqui præceptor iusserat. *V.* Scio: sed est mihi aliquid legendum prius; præterea nihil habeo, quod nunc scribam. *T.* O si velles mihi scribere! *V.* Quidnam? *T.* Habeo describenda dictata præceptoris. *V.* Quæ dictata? *T.* In *Ciceronis Epistolas*. *V.* Libenter describam tibi: sed expecta feriatum diem proximum. *T.* Expectabo igitur: sed nè fallas, quæso. *V.* Nec sciens, nec volens fallam.

COLL. 21.

Damon, Audax.

Visne mihi describere prælectionem? *A.* Cur non habes? *D.* Quia hesterno die fui occupatus. *A.* Accipe librum meum, & describe. *D.* Non ignoras me lentius scribere: & tu citius totum descriperis, quam ego quatuor aut quinque versiculos. *A.* Quære tibi alium scriptorem; nunc ego tibi non possum dare operam. *D.* Cur non? *A.* Est mihi aliud negotium, idemque pernecessarium. *D.* Nolo te urgere, nec possum quidem: sed saltem commoda tuum codicem. *A.* Accipe; utere ut libet, modò nè abutare. *D.* Nihil est, quod hic verearis.

COLL. 22.

Augustinus, Observator domesticus.

Licetne ire cubitum, condiscipule? *O.* Cur ante horam? *A.* Quia tertia est mihi surgendum. *O.* Quamobrem? *A.* Scribendi causâ. *O.* Quid habes scribere? *A.* Literas ad patrem. *O.* Cur non petis à præceptore veniam? *A.* Eene mones, estne in musæolo? *O.* Puto esse: visse.

B

COLL.

COLL. 23.

Padagogus, Puer.

UNde venis? *Pu.* Venio interné. *P.* Quod erat tibi negotium infra? *Pu.* Iveram redditum urinam. *P.* Sede nunc ad mensam, & mane in cubiculo donec rediero. *Pu.* Quid agam interea? *P.* Edisce prælectionem in diem crastinum; ut eam mihi reddas ante cœnam. *Pu.* Jam edidici præceptor. *P.* Lude igitur. *Pu.* Sed nullos habeo collutores. *P.* Satis multos invenies in hac vicinâ, ex tuis etiam condiscipulis. *Pu.* Nihil id curo nunc: malim (si tibi placet) ediscere de *Catechismo*, in diem *Dominicum*. *P.* Ut libet. *Pu.* Si quis te quæret, quid illi dicam? *P.* Dic me prodûle, sed mox reversurum.

COLL. 24.

Padagogus, Abrahamus Puer.

HEus! *Abrahamæ.* *A.* Mem! præceptor. Pone libros; jam satis toto die studuisti: para te, ut eamus ambulatum. *A.* Nonne à cœnâ præstaret? *P.* Salubrior est ante cibum exercitatio corporis. *A.* Memini ex te audire. *P.* Narra *Socratis* dictum in eam sententiam. *A.* Cum *Socrates* usque ad vespertinam contentius ambularet, interrogatus quare id faceret, respondit, Se quo melius cœnaret, obsonare famam ambulando. *P.* Probè meministi: quis auctor? *A.* *Cicero*: sed quò prodibimus, præceptor? *P.* Extra urbem. *A.* Mutabône calceos? *P.* Muta, nè illos novos pulvere conspargas: sume etiam umbellam, nè solis ardor infuscet tibi faciem. *A.* Jam paratus adsum. *P.* Nunc sane prodeamus. *A.* Vocabône ex vicinâ unum aut alterum comitem? *P.* Rectè admones; sic enim jucundior erit deambulatio: nam per viam sermones inter vos conferetis, & in umbra colludetis alicubi. *A.* Sic etiam excitabitur tibi appetentia. *P.* Ego lento gradu præcedam; ubi nactus eris comites, vos me per portam ripariam sequimini. *A.* Nos igitur illuc expectabis? *P.* Certó. *A.* Quid si nullos invenero? *P.* Nihilominus sequere me: audistíne? *A.* Audivi præceptor.

COLL.

COLL. 25.

Hersenius, Gimardus.

A Quo emisisti istam chartam? *G. A Fatina. H. Estne bona? G. Melior quàm ista tua, ut opinor. H. Nihil miror. G. Cur istud dicis? H. Quia fortasse carior. G. Nescio. H. Quanti emisisti scapum? G. Solido & semisse: tu verò quanti? H. Solido & pluris. G. Quanti igitur? H. Quinque quadrantibus. G. Non malè profectò emisisti. H. Quinetiam mercator dedit mihi auctarium. G. Quodnam quæso? H. Schiedam chartæ bibulæ. G. O me imprudentem, qui oblitus sum petere! H. Ego nè petivi quidem, sed ultro ille dedit. Et hoc, inquit, addo tibi, ut me revisas. G. Sic solent emptores allicere. H. Nec mirum: suum quisque commodum quærit. G. Sed quid agimus, hodierni pensi immemores? H. Exiguum est: satis temporis nobis restat.*

COLL. 26.

Ancellus, Fontanus

M Eministis me tibi nuper dedisse chartam mutuò? *F. Quidni meminerim! non adeo sum obliviosus. A. Quot erant schedæ? F. Quatuor. A. Cur non reddidisti? F. Expectavi dum haberem codicem. A. Habuistine tandem? F. Tantùm hodie. A. Unde nactus es? F. Petivi à præceptore. A. Ubi? F. In bibliotheca ejus. A. Quid ille? dedistne libenter? F. Misit me ad hypodidascalum, qui statim dedit codicem. A. Non antè in suum codicem retulit? F. Nihil dare solet, quàm prius inscribat. A. Audivi ex patrè id esse viri prudentis. F. Præsertim, si reddenda est ratio. A. Sed quibus indiciis dare tibi ausus est? F. Ostendi illi manu mea scriptum in libello meo: sic enim, ut scis, facere solemus. A. Reddes ergò mihi mutuum? F. A prandio statim, nè dubites.*

COLL. 27.

Francus, Marcus.

Pennæ istæ, quas circumfers suntne venales? *M. Etiam si se emptor obtulerit. F. Ostendat: vah, quàm sunt*

molles! *M.* Tales deciderunt ex alis nostrorum anserum: sed tenta diligenter; sunt aliæ aliis firmiores. *F.* Satis video quales sint; quot vis dare pro quadrante? *M.* Tantum sex. *F.* Quid ais? sex? malletm emere à mercatoribus, qui *Lutetia* & *Lugduno* huc adferunt. *M.* Quasi nesciam quanti vendantur. Audivi ex fratre, qui dat operam scriba hujus civitatis, se emisse *Lutetia* singulis assibus. *F.* Aliter *Lutetia*; aliter *Geneva* vivitur: sed non opus est tot verbis, vis dare duodecim? *M.* Hui, duodecim! quasi ego furatus sim! *F.* Istud non dico; sed vide num tibi placeat conditio. *M.* Vis uno verbo dicam? *F.* Dic, quæso, satis jam garrutum est. *M.* Dabo tibi novem, modò promiscuè de mea manu accipias. *F.* Nugas agis; ego sine delectu nollem accipere quinque. Vale: alibi inveniam satis. *M.* Per me licet: heus! heus! redi. *F.* Cur me revocas? *M.* Accipe si vis, octo; nec à me plures expecta. *F.* Cedò totum fasciculum, ut deligam arbitrato meo. *M.* Tene; delige ut voles. *F.* Vide nunc, & si libet, numera. *M.* Sunt viginti quatuor: constat numerus. Sed miror te nullas accepisse ex ala extrema: sunt enim firmiores. *F.* Scio; sed habent caulem breviorcm. Accipe pretium. *M.* Bene vertat Deis utrique nostrum. *F.* Idem tecum opto, atque precor. Sed quando afferes meliores pennas? *M.* Nescio an meliores possim, sed, ut spero brevè plures afferam, cum ad vos domum profisciscar. *F.* Sùntne vobis multi anseres? *M.* Triginta & amplius. *F.* Papæ! quantus grex anserum? ubi pascuntur? *M.* Scies aliàs, non licet mihi diutius hinc morari. Vale *France*. *F.* Cura ut valeas *Marce*.

COLL. 28.

Othomanus, Philobertus.

Visne mihi dare unicam pennam? *P.* Non sic dantur mihi! *O.* Hem! rem tantillam mihi negas? quid, si magnum quid rogarem? *P.* Fortasse repulsam ferres. *O.* Credo equidem: agè, non peto dono, saltem commodabis? *P.* Non recuso, modò nè abutare. *O.* Non abutar. *P.* Cave nè hinc pedem moveas. *O.* Nusquam moveo.

COLL.

COLL. 39.

Mercator, Bertrandus.

A Cuistine pennam meam? *B.* Jamdudum. *M.* Quâ formâ scripturæ? *B.* Mediocri. *M.* Maluissem ad minus literas. *B.* Debuisti prædicere. *M.* Oblitus eram. *B.* Parùm refert; mucronem facillè mutabo: I petiturum. *M.* Sed ubi reliquisti? *B.* Super mensam hypocausti. *M.* In quâ parte? Ubi studere soleo.

COLL. 30.

Pistonus, Joshua.

H Abesne duas aut tres pennas? *J.* Sunt mihi tantùm duæ. *P.* Da mihi unam commodatò. *J.* Non faciam. *P.* Cur non? *J.* Nè abutaris. *P.* Memineris; fortasse aliquando me frustrà rogabis aliquid. *J.* Atqui jubet *Christus* malo bono compensandum. *P.* Nondum istud didici. *J.* Tamen discas oportet, si cupis esse *Christi* discipulus. *P.* Quid cupio magis? *J.* Disce igitur magistrum imitari. *P.* Discam progressu temporis. *J.* Præstaret nunc incipere, dum per tempus licet. *P.* Nimis urges; nondum complevi annum octavum, ut airmarer. *J.* Semper est bene agendi tempus; sed interim nè mihi, quæso, succenseas: jocabar enim ut te ad colloquendum invitarem tantisper, dum sumus otiosi. Ecce tibi penna, eaque non omnino pessima. *P.* Reddam tibi statim, cùm aliquid descripsero. *J.* Nolo mihi reddas. *P.* Quid igitur faciam? *J.* Quicquid voles: à me enim tibi dono datur. *P.* Gratiam habeo maximam

COLL. 21.

Henricus, Gualtherius.

Unde redis tam anhelus? *G.* A foro. *H.* Quid illino assers? *G.* Scalpellum. *H.* Quanti emisisti? *G.* Duobus assibus. *H.* Estne bonum? *G.* Est à *Germania*, ut dixit mercator: vide notam. *H.* Ego minimè novi: sed non satis prudenter facis, qui fids cuilibet mercatori. *G.* Quid facerem? *H.* Debuisti aliquem peritum adhibere, qui tibi

optimum diligeret. *G.* Hic erravi fateor : sed hoc me consolatur, quod mercator habet vir bonus, utpote Professionis Evangelicæ. *H.* Quasi nulli sint fallaces ejusmodi. *G.* Puto esse plurimos. Sed hæc omittamus : quin potius experiamur ipsum scalpellum. *H.* Experientia docebit nos. *G.* Accipe & tenta obsecro. Non enim probavi nisi levissimè, idque inter emendum. *H.* Papæ ! quis te docuit tam prudenter eligere ? *G.* Rogas ? non meministi præceptorem nobis dicere tam sæpè, Deum esse solum, qui bona doceat ? *H.* Profectò hic optimè te docuit. *G.* Ago illi ex animo gratias ; & precor, ut me semper doceat parere suæ voluntati. *H.* Ego quoque idem precor ; nec solum nobis, sed etiam piis omnibus. *G.* Facis ut plum decet puerum. Sed éstne tempus, ut conferamus nos in auditorium ? *H.* Sic est. Sume libros, & camus unâ.

COLL. 32.

Michael, Renatus.

HAbésne scalpellum ? Habeo. *M.* Oro te, commoda mihi parumper. *R.* Quando reddes ? *M.* Cum primùm duas pennas exacuero. *R.* Accipe ; sed eâ lege, ut integrum reddas. *M.* Eâ conditione acceptum intelligo, etiamsi nihil addidisses. *R.* Intelligenti (ut vulgò dicitur) pauca sufficiunt.

COLL. 33.

Sordetes, Manasses.

EMistine scalpellum, ut nuper volebas ? *M.* Non emi. *S.* Quid obstitit ? dixeras enim mihi empturum te hodie. *M.* Dixeram quidem ; sed mihi postea in mentem venit præstare ut expectem mercatum proximè futurum in hâc ipsâ urbe. *S.* Quid facies lucri ? *M.* Et minoris emam, & melioris notæ : nempe ex *Germaniæ* officinis. *S.* Quis tibi istud consilium dedit ? *Hieronymus* noster. *S.* Bene fecit. Debemus enim amicis bonum consilium semper dare. *M.* Tantùmne igitur amicis ? *S.* Imò & inimicis, fateor ; quia sic jubet *Christus* præceptor noster opti-
mas.

mus. *M.* Utinam doctrinam ejus bene infixam memorizæ conseruemus, eamque perpetuò sequamur! *S.* Faxit ille Spiritus bonus, cujus unius instinctu animi nostri ad bene agendum accenduntur. *M.* Bene precaris.

COLL. 34.

Campanus, Languinus.

Habésne multos libros? *L.* Non admodum *C.* Sed quos habes? *L.* Rudimenta Grammatica, Colloquia Scholastica, Terentium, Epistolas Ciceronis cum Gallica interpretatione, Catonem, Dictionarium, Testamentum Anglicum, Psalmos cum Catechismo, præterea librum chartaceum ad scribendum dictata præceptoris. Tu verò quos habes? *C.* Omnes habeo quos enumerasti, præter *Catonem, Terentium, & Ciceronis Epistolas.* Cur enim libros haberem, qui non præleguntur in classe nostra? *L.* At ego, dum sumus otiosi, lego interdum illos: ut semper aliquid addiscam novj, præsertim in lingua Latina, & honestis moribus, *C.* Prudenter facis, mi *Languine.* O me miserum, qui nunquam didici quid sit studiosum esse! *L.* Disce igitur. Præstat enim serò quàm nunquam discere.

COLL. 35.

Simeon, Hageus.

Commoda mihi *Virgilium* tuum in duos dies, si nullo incommodo tuo id fieri potest, *H.* Profectò non possum. *S.* Cur non? *H.* Qui *Gerardus*, qui his diebus à me commodatò acceperat, pignori apposuit. *S.* Ain' tu, pignori? *H.* Sic est, ut dico, *S.* Quanti oppignoravit? *H.* Tribus (ut ait) assibus. *S.* O hominem ingratum! *H.* Tantùmne ingratum? *S.* Imò verò & ingratum & malum. Sed nunquid ille rem tuam oppignorare potuit, te inconsulto? *H.* Potuit, ut factum vides. *S.* Non tamen debuit. *H.* Rem acutegisti: sed quid facerem? *S.* Rogas? defer eum ad præceptorem. *H.* Malo istam pati injuriam, quàm committere, ut miser vapulet. *S.* Bene facis, dummodo tuum reddat. *H.* Redder, spero. *S.* Unde redderet? Ait se brevi accipiurum à patre pecuniam. *S.* Quid si te fallit? *H.* Fieri potest: sed tamen aliquot dies expectabo quid

postea sit futurum; deinde consilium capiam. S. *Consilio re-
cto nihil est tutius.* H. Meministi probè; sic enim præce-
ptor dictitavit nobis: sed nunquid vis aliud? S. Ut bene
tibi sit. H. Et tibi optimè.

COLL. 25.

Granatus, Forestus.

Visne mihi commodare tuum *Terentium*? F. Volo e-
quidem, modò illum repetas à *Conrado*, cui uten-
dum dedi. G. Quo signo vis repetam? F. Nempe hoc, quòd
ejus habeo *Epistolas*. G. Id mihi satis est. F. Sed quando
reddes? G. Cum descripsero contextum, in tres aut qua-
tuor prælectiones. F. Matura igitur; nè meo studio in-
commodes. G. Maturabo. F. Sed, heus tu, cave ne macules;
alioquin ægre commodabo posthac. G. Nempe indignus
essem beneficio.

COLL. 37.

Augustinus, Rodrigus.

Quis iste novus liber deauratus, quem tam magni-
ficè ostentas? R. *Terentius*. A. Ubi impressus? R.
Lutetia. A. Quis tibi dedit eum? R. Emi pecunià meà.
A. Unde nactus eras pecuniam? R. Stulte, istud quaris?
quasi verò furatus sim? A. Absit à me id cogitare: sed ani-
mì causà id rogabam. R. Nec ego seriò dictum tuum re-
prehendi: sed eo more joculari solemus cum familiaribus.
A. Nihil joculari prohibet, modò nè Deus offendatur. Sed
agè, ad propositum revertamur: de quo emisisti *Terentium*
istum? R. De *Clemente*. A. Illòne bibliopola circumfo-
raneo? R. Maximè. A. Quanti constitit? R. Decem assi-
bus. A. Nihilnè ampliùs? R. Nihil omninò. A. Profectò
satis vlle pretium. R. Præsertim cùm auratus, adeòque
elegantè compactus sit. A. Erantne codices alii similes?
R. Duo vel tres. A. Deduc me quæso ad illum. R. Eamus.

COLL. 38.

Edvardus, Bildus.

Nonne hic liber est tuus? B. Ostende mihi: agnosco
meum, ubi invenisti? E. In auditorio nostro. B. A-

go tibi gratias, quòd eum collegeris. *E.* Atqui nunc notandus es, si summo jure vellem tecum agere. *B.* Quid ita? *E.* Nescis leges nostras Scholasticas? *B.* Ipsæ etiam leges cupiunt, ut jure regantur. *E.* Quo jure reguntur leges nostræ? *B.* Æquitate, & præceptoris arbitrio, nempe qui nobis eas privatim condiderit: præterea, non solet tam severus esse in eo, quod vel negligentia vel oblivione peccatum est. *E.* Sic sæpe expertus sum. Sed quoquo modo peccaveris, dicenda erit causa coram observatore. *B.* Non timeo causam dicere, ubi nihil est periculi. *E.* Tacco. *B.* Sed quæso, quid opus est ut id sciat observator? hic enim Deus nihil offensus est. *E.* Age, celabo. *B.* Bene facies. *E.* Sed, heus! memento par pari referre, si fortè mihi acciderit aliquod delictum ejusmodi. *B.* Æquum & bonum dicis: meminero.

COLL. 39.

Calliatus, Germanus.

CUR non reddis mihi librum? *G.* Expecta in crastinum diem: nondum satis usus sum. *G.* Libenter expectabo. *G.* Referam tibi gratiam, Deo volente. *C.* Pro tantillo beneficio nullam expectabo gratiam. *G.* Tantùm est meum agnoscere.

COLL. 40.

Noxus, Capellus.

Vidistine librum meum? *C.* Quem librum quæris? *N.* *Ciceronis Epistolæ.* *C.* Ubi reliqueras? *N.* Oblitus eram in auditorio. *C.* Tua fuit negligentia. *N.* Fateor: sed interim indica, si quem scias accepisse. *C.* Cur non ades præceptorem? solet enim (ut scis) quæ à nobis relicta sunt aut ferre in musæolum, aut alicui dare qui reddat. *N.* Bene mones. O me obliviosum, cui id in mentem non venit.

COLL. 41.

Ezekiel, Beatus.

VISÀ me magnam inire gratiam? *B.* Nihil libentius fecerim, si quidem penes me res ipsa est. Sed quid est

in quo tibi commodare possim. *E.* Da mihi mutuò asses decem. *B.* Non tantum nunc habeo, sed majorem partem. *E.* Quantum quæso? *B.* Nescio, nisi crumenam inspexero: ecce tibi octo asses cum semisse. *E.* Solos septem accipio, non enim te vacuare prorsus volo. *E.* Parum refert, totum, si vis, accipe. *F.* Ago tibi gratias: credo hoc pecuniæ satis fore negotio meo, cum aliquantula, quam ipse habeo. *B.* Ut liber. *E.* Amo te de ista tam exprompta benignitate. *B.* Si quid aliud possim, nè parcas. *E.* Reddam totum, Deo volente, cum primùm pater ad me miserit. *B.* Nè sis magnoperè sollicitus; nondum est opus mihi.

COLL. 42.

David, Nicolaus.

Potèrne mihi mutuò dare aliquantulum pecuniæ?
N. Quantum petis? *D.* Quinque asses, si tibi est commodum. *N.* Nontot habeo. *D.* Quot igitur? *N.* Tantum quatuor. *D.* Bene sanè. Da mihi istos quatuor. *N.* Dabo (si vis) dimidium. *D.* Cur non totum? *N.* Quia sunt mihi opus duo. *D.* Da igitur duos quæso. *N.* Sed tibi non sufficient. *D.* Peram ab aliquo alio. *N.* Accipe igitur hos duos: Quando reddes? *D.* Die (ut spero) *Sabbati*, cum pater ad forum venerit. *N.* Esto igitur memor. *D.* Nè timeas.

COLL. 43.

Pasquetus, Custos

DA mihi duos asses mutuò. *C.* Nunc mihi non est promptum dare. *P.* Quid obstat? nam scia te his diebus accepisse pecuniam. *C.* Accepi quidem; sed emendi sunt libri, & alia mihi necessaria. *P.* Nolo tuum commodum remorari. *C.* Ubi emero quæ mihi sunt opus, si quid superfit, faciam te libenter participem. *P.* Interea igitur sperans expectabo; sed quid si nihil tibi superfuerit? *C.* Statim dicam tibi, nè frustra diutius expectes. *P.* Quando emes ea, quæ decrevist? *C.* Cras (ut spero) aut ad summum perendie. *P.* Benè habet, tempus est brevissimum.

COLL

COLL. 44.

Morellus, Borussardus.

Abiitne pater tuus? *B.* Abiit. *M.* Quotâ horâ? *B.* Primâ pomeridianâ. *M.* Quid dixit tibi? *B.* Multis verbis nonuit me, ut diligenter studerem. *M.* Utinam sic facias! *B.* Faciam, Deo juvante. *M.* Ecquid pecuniâ dedit tibi? *B.* Dedit, ut fere solet. *M.* Quantum? *B.* Nihil ad te. *M.* Fateor: sed tamen quid facies istâ pecuniâ? *B.* Emam chartam, & alia quæ mihi sunt usui. *M.* Quid si amiseris? *B.* Æquo animo ferendum erit. *M.* Quid si fortè eguero? dabisne mutuò? *B.* Dabo, & quidem libenter. *M.* Habeo tibi gratiam.

COLL. 45.

Columbanus, Fontanus.

Satisne usus es scalpello meo? *F.* Satis. *C.* Redde igitur, *F.* Accipe: ago tibi gratias. *C.* Nihil est quòd agas. *F.* Sed ignosce, quòd non ultrò & citiùs reddiderim. *C.* Ea de re nihil sum offensus: non enim debemus offendi, nisi cùm Deum offendi videmus. *F.* Rectè sentis.

COLL. 46.

Bergerius, Nepos.

Commoda mihi parumper cultellum tuum. *N.* Semper aliquid commodatò petis: accipe, quin emeres potiùs. *B.* Non habeo pecuniam. *N.* Cur non petis? *B.* Unde peterem? *N.* A patre. *B.* Non est in hac urbe. *N.* Ubi igitur? *B.* Præregre profectus est. *N.* Quò? *B.* *Bernam.* *N.* Quod die? *B.* Nudiustertius. *N.* Quando est reversurus? *B.* Cras, ut speramus: sic epim dixit proficiscens. *N.* Bene vertat Deus.

COLL. 47.

Columbirius Simo.

Restârne tibi multum panis? *S.* Satis, gratia Deo. *C.* Visne dare mihi mutuò? *S.* Libenter. *C.* Sed forte tibi non sufficiet. *S.* Inò, ut spero. *C.* Ad quod usq; tempus? *S.* Ad diem Veneris. *C.* Unde habebis postea? *S.* Dò.

S. Domo C. Quis afferet? S. Egomet ibo petitum.
C. Quando? S. Ipso die Veneris. C. Da mihi mutuò se-
quil-gram. S. Quis appendet? C. Uxor præceptoris aut
ancilla. S. Eamus petitum ex arca mea. C. Quin ito solus:
ego te in culina expectabo.

COLL. 48.

I. T.

ORO te, da mihi ex pane tuo. T. Mihi non habeo ni-
mis; tamen volo tibi impertire: accipe. I. Gratias
ago tibi. T. Non est quod agas ob rem tantulam. Sed dic,
quæso: cur non attulisti? I. Quia nemo erat domi nostræ
qui mihi daret. T. Tu verò cur non accipis? I. Non au-
deo, nisi det mater. T. Bene facis; sed audi bonum con-
siliū. I. Ausculto ut audiam: dic quæso. T. Cū pran-
dio finito, tollantur mensæ reliquæ, petito merendam tu-
am, eamque in peram statim recondito: ita fiet, ut nun-
quam inanis venias. I. De ientaculo autem quid suades?
T. Ut petas in exitu cœnæ, & idem facias, quod dixi tibi
de merenda. I. Nunquam vidi melius consiliū dari.
T. Fac igitur ut memineris: cūm voles, utere. I. Ego verò
utar, quoties opus est.

COLL. 49.

A. B.

DA mihi frustum panis. B. Nonne habes? A. Si habe-
rem, non peterem. B. Cur non attulisti? A. Dicam.
postea; sed da interim, quæsumam esurio vehementer.
B. Cape. H. Huius tantillum? B. Etiam quereris? A. Non
immitto, das parvè nimis. B. Vide quantum restat?
dedi ferè dimidium. A. Ago tibi grarias; dedisti abunde:
sed iocabar. B. Nunc responde: cur non attulisti panem
domo? A. Nemo erat, qui daret. B. Nemo? A. Prorsus
nemo. B. Quid mater. A. Aberat domo. B. Quid cæteri?
A. Omnes erant occupati. B. Cur tute non accipiebas?
A. Nunquam auderem tale quidpiam. B. Cur non?
A. Mater perpetuò verat, nè quid attingam sine permissu
eius. B. Dura mater. A. Tuo quidem iudicio, qui indulgen-
torem habes. B. Non dico indulgentem; sed certè libera-
lem

lem. *A.* Quomodo te tractat? *B.* Suavissimè, omninóque ex animi sententia. *A.* Fortasse in tuam perniciem. *B.* Avertat Deus Optimus Maximus. *A.* Non equidem invidéo. *B.* Cur ergò istud dicis? *A.* Ut interim te moneam, *Omnes licentiâ deteriores fieri.* *B.* Benè facis: sed quid censés? Nonne uti licet parentum bonitate; *A.* Certè licet, modò nè abutaris. *B.* Quomodo aburimur! *A.* Rogas? cùm aut patris aut matris indulgentiam in malum vertimus. *B.* Rectè dicis: sed quoruscunque id facit? *A.* Imò, ferè omnes, nisi qui à Domino Deo prohibentur. *B.* Quis potest bonus esse, nisi per Dei gratiam? *A.* Ergò (ut sæpè monemur à præceptore) precandus est, ut Spiritu suo nos bonos & sanctos efficiat. *B.* Gaudeo te non attulisse jentaculum. *A.* Quamobrem? *B.* Quia hoc nostro colloquio mihi videor multùm profecisse. *A.* Ego quoque non parùm. *B.* Tuâ operâ id factum est. *A.* Imò beneficio Dei, qui quidem ita voluit. *B.* Credo equidem. *A.* Et hic igitur, & in cæteris agnoscamus bonitatem ejus. *B.* Valdè id æquum est. *A.* Imò valdè necessarium, siquidem volumus ingrati animi crimen effugere. *B.* O sermone jucundissimum! *A.* Gratiæ Deo immortales, per Jesum Christum. *B.* Ita velim.

COLL. 50.

Discipulus primus ex victoribus, Præceptor, Nomenclator.

PRæceptor vñne dare præmiolum? *P.* Quamobrem?
D. Victoriæ causâ. *P.* Ubi sunt compares tui? *D.* Ad-
sunt *Hugo & Audax.* *P.* Heus, Nomenclator, sumne hi
victores hâc hebdomadè? *N.* Habent notas omnium pau-
cissimas. *P.* Ergo sunt victores; quid aliud ex te quæro?
Vos igitur quod præmium petitis? *D.* Quod tibi placua-
erit. *P.* Quo tandem jure debeo? *E.* Ex promisso. *P.* Æ-
quum dicitis. *Quicquid enim resèdè promissum est, præstari
debet.* *D.* Sic ex te didicimus. *P.* Ecce vobis pennæ
singulæ ad scribendum! ac nè puteris vulgare esse; ex-
earum sunt genere, quæ vulgò *Hollandicæ* appellantur.
D. Gratias agimus præceptor. *P.* Quia potius agite Deo
omni

omnium honorum auctori, qui dat studiis vestris successus prosperos : vos autem in literarum studio pergite diligenter. *D.* Vabimus operam, quantum juvabit ille Pater optimus. *P.* Sine ejus ope vana sunt nostra omnia.

COLL. 51.

Observator, Capparonus.

UNde venis, *Capparone* ? *C.* Domo. *O.* Quid affers illic ? *C.* Merendam. *O.* Quis tibi permiserat exire ? *C.* Præceptor ipse. *O.* Unde istud probabis ? Adeamus illum ut consulamus. *O.* At vide quid agas ! *C.* Hâc in re nihil timeo. *O.* Adeone securus es ? *C.* Qui verum dicit, nihil timere debet. *O.* Vera quidem ista est sententia, sed quoruscunque non mentitur ? *C.* Certus sum me nihil mentiri nunc. *O.* Propemodum persuades mihi. Abi : credo tibi, quia in mendacio nunquam te deprehendi. *C.* Est Deo gratia : Quem precor ut me integrum & purum custodiat. *O.* Utinam ex animo omnes precarentur ! recipere nunc te, ut edas merendam tuam.

COLL. 52.

Giraldus, Eliel.

QUI sunt victores hâc hebdomade ? *E.* Ubi eras, cùm rationes redderentur. *G.* Accersitus à patre fueram : sed qui sunt victores ? dic sodes. *E.* Ego & *Puteanus*. *G.* Jâne habuisti præmium ? *E.* Habuimus. *G.* Quodnam ? *E.* Duodenas juglandes. *G.* Hui ! quale præmium ! *E.* Eho, inepte, æstimas ergo præmium ex rei pretio ? *G.* Hic nihil aliud video æstimandum. *E.* Sordidus es, qui lucro sic inhias. Non meministi verbum præceptoris ? *G.* Quod verbum ? *E.* Non lucri sed honoris causâ datur præmium. *G.* Nunc reminiscor, quasi per nebulam. Post-hac ero diligentior. *E.* Sic tandem sapiēs.

COLL. 53.

Galatinus, Burchardus.

Euge, dimissi sumus ad ludum, audistine ? *B.* Quidni audirem ? cùm egomet adfuerim. *B.* Placétne paulisper

lisper confabulari? deinde ludemus unâ. B. Malleſem ego prius ludere. G. Atqui difficile eſt ludum abrumpere. B. Planè verum dicis, & ego in me ſic experior. G. Quoniam igitur placet tibi mea ratio, da nobis aliquid argumenti ad confabulandum. B. Imò tuum eſt dare, ut qui me laceſſiveris. G. Æquum dicis; redde nomina *Latine*, quæ tibi *Anglice* proponam. B. Qua de re propones? G. De ſupelleſtili. B. Tentabo reſpondere: modò ne plura quam decem proponas. G. Enumerabo in digitis, nè fortè numerum excedam. Audi igitur. B. Iſſe ſum. G. A *cup-board*. B. Abacus. G. A *bench*. B. Sella. G. A *candleſtick*. B. Candelabrum. G. A *caldron*. B. Ahenum. G. A *pair of bellows*. Follis. G. A *pillow*. B. Pulvinar. G. A *biſſer*. B. Cervical. G. *Linnen cloth*. B. Linteum. G. A *pot of earth*. B. Olla. G. A *flagon of wine*. B. Oenophorum. G. Erraſti ſemel. B. Ubi? G. Dixiſti linteum pro lodice. B. Fateor: debeo tibi ſemel victoriam. G. Nunc viciffim propone ut redimas, ſi potes. B. Vis reſpondere de eduliis? G. Ut liber? B. *Freſh meat*. G. Caro recens. B. *Pork*. G. Suilla. B. *Veniſon*. G. *Ferina*. B. *Veniſon of a wild-bear*. G. Aprugna. B. *Sod milk*. G. Lac decoctum. *Whey*. G. Serum vel ſerum lactis. B. *New cheeſe*. G. Caſcus recens. B. *Pottage*. G. Jus carniū. B. *Fiſh ſod*. Piſcis elixus. B. *Pickle*. G. Condimentum. B. Falleris. G. Quid ergo eſt? B. *Intinctus*. G. Condimentum volo. B. At ego nolo contendere. G. Quis contendit? conſulamus. B. Qui prius ludamus; illud fiet poſteriùs. G. Age, fiet, nè amittamus ludendi occaſionem.

COLL. 54.

Mofes, Olevitanus.

I Amdudum tædet me toties repetere ſuſus Scholaſticos.
 O. Quid facias igitur? M. Eamus in hortum noſtrum.
 O. Quid agemus? M. Ambulabimus, colloquemur, Dei beneficia in ejus operibus commemorabimus. O. Nihil ſane jucundius, ſed interim petenda eſt à præceptore venia. M. Jam impetravi mihi, & item uni, quem vellem ducer

ducere. *O.* Benè res habet; eamus, ducente Deo.
M. Precor, ut nos custodiat. *O.* Ego quoque idem precor tecum.

COLL. 5.

Sulpitius, Munchius.

Impetrâssis ludendi facultatem? *M.* Imperravimus: *S.* Ad quod utque tempus? *M.* Ad cœnam usque. *S.* Qui dederunt versus? *M.* Primi & secundi. *S.* Quid cæteræ classes? *M.* Primus quisque decurio trium proximarum classium pronuntiavit unam è sacris literis sententiam. *S.* Nonne precari ellis, ut solemus? *M.* Precati, & quidem præsentè ludimagistro: tu verò ubi eras? *S.* Iveram domum, à matre accersitus. *M.* Nunc igitur quid agere cogitas? *S.* Ludere sesquihoram; deinde ad studium me recipere. *M.* Viâ tu, ut tibi sim collutor? *S.* Quidni velim; *M.* Quo lûtu nos exercebimus? *S.* Nullus est mihi jucundior pilâ palmariâ. *M.* Nec mihi quidem. *S.* Visamus igitur, an cæteri partes sortiti sint: nam si soli ludeamus, minus esset voluptatis. *M.* Visamus satè.

COLL. 56.

M. R.

Visne ire mecum? *R.* Quò properas? *M.* Ad lacum. *R.* Quid eò? *M.* Lotum pedes. *R.* I sanè; nunc lotionè mihi opus non est. *S.* Sed interlm parùm fabulabimur. *R.* Nè fabulari quidem nunc velim. *M.* Atqui utilis est confabulatio; duntaxat de honestis rebus. *R.* At mihi utilior est ad valetudinem exercitatio corporis. *M.* Quid si mansero tecum? *R.* Prudenter facies, & nos pilâ palmariâ colludemus. *M.* Bene vertat Deus: maneo. *R.* Âtq; lotum una tecum ibo: cûm scilicet longius erit temporis spatium. *M.* Ad ludum igitur nos accingamus. *R.* Nulla est in me mora.

COLL. 57.

Vincentius, Bonus.

Cur hodie non lûsisti nobiscum? *B.* Non erat mihi ludendi spatium. *V.* Quid habes negotiî?
B. Non

B. Non absolveram pensum meum. V. Quod pensum?
 B. Dimidium exemplaris restabat mihi perscribendum.
 V. Perfecistine? B. Perfeci. V. Laudo tuam diligentiam : ludes alias otiose? B. Cum voluerit Deus. V. Responde dicis: nam absque voluntate ejus fieri nihil potest.

COLL. 58.

*Primus puer, Præceptor, Secundus puer,
 & Tertius.*

S. Alve, præceptor. Præ. Sit vobis salus à Christo; *Pueri*. Amen. P. Jamne repetivistis? Pri. Etiam præceptor. P. Quis docuit vos? Pri. Subdoctor. P. Quid nunc vultis? Sec. Ut per te liceat nobis parum per ludere. Præ. Non est ludendi tempus. Ter. Non petimus omnibus, sed nobis parvulis tantum. Præ. Atqui pluit, ut videtis. Sec. Ludemus in pergula. P. Quo lusu? Sec. Aciculis, vel juglandibus. P. Quid mihi dabitis? Pri. Dicemus nomina. P. Quot dicetis singuli? Sec. Duo. P. Dicite igitur. Pri. *Paper*, Charta. *Ink*, Atramentum. Dixi. Sec. *A Book*, Liber; *A little book*, Libellus. Dixi. Ter. *A Cherry*, Cerasum; *Walnuts*, Juglandes. Diximus. P. Quam belii estis homunculi? Ludite ad cœnam usque. *Pueri*. Gratiæ agimus, præceptor.

COLL. 59.

A. B.

U. BI nunc est pater tuus? B. Puto eum esse *Lugduni*. A. Quid illic agit? B. Negotiatur. A. Ex quo tempore? B. Ab ipso initio mercatus. A. Valde miror quâ audiat illic commorari tot dies, cum pestilentia tanta sit per totam urbem. B. Non est adeo mirandum. A. Itane tibi videtur? B. Ita profectò: fuit enim alias in majore periculo: Sed Dominus Deus semper eum custodivit. A. Credo equidem, & adhuc custodiet. Sed quando est reversurus? B. Nescio; in horas expectamus. A. Reducat illum Deus. B. Ita precor.

C

COLL.

COLL. 60.

Elizeus, Delphinus.

QU A de re sic cleatus es lætitiâ? D. Pater meus modo advenit. E. Quid mea refert? D. Imo plurimum; quia nobis impetravit ludendi veniam. E. Ain' tu? D. Vide pueros jam ludentes in area. E. Ludant sanè alii: ego studere malim quam ludere. D. Nec minus ego, sed in tempore: nam (ut est in proverbio) *Omnia tempus habent*. Unde & nos rectè monet Cato noster;

*Interpone tuis interdum gaudia curis;**Ut possis animo quemvis sufferre laborem.*

E. Vera sunt quæ dicis, fateor: sed interim omitte me, ut serio studeam. D. Per me studeas licet; nihil impedio: at ego hac utar occasione. E. Utere sanè.

COLL. 61.

*Nomenclator, Quidam puer ex turba,
item Alius.*

HEus, pueri, heus, heus, heus! Q. Quid clamitas? N. Desistendum est à lusu. Q. Eho inepte, nondum quarta exacta est. N. Imò ferè semihora post quartam. Q. Cur non dedisti signum? N. Quia tintinnabuli funis fractus est. A. Clama iterum; sed attolle vocem. N. Heus, pueri, recipite vos omnes. A. Festinate, festinate, inquam; urget præceptor. N. Desine clamare, accurrunt omnes.

COLL. 62.

Orontius, Quintus.

QU Ìt à lætuses? Q. Quia venit pater. O. Ain' tu? Q. Unde venit? Q. *Lutetia*. O. Quando advenit? Q. Modò. O. Jamne salutasti? Q. Salutavi, cum ex equo descenderet. O. Quid amplius illi fecisti? Q. Calcaria detraxi & ocreas. O. Miror te non mansisse domi propter ejus adventum. Q. Nec ille permisisset, nec ego vellem; præsertim nunc, cum audienda est prælectio. O. Bene tibi consulis, qui temporis rationem habeas. Sed quid pater? valètn? Q. Rectè, Dei beneficio. O. Equidem gaudeo plurimum tuâ & ejus causâ, quòd salvus peregre redieris.

dierit. Q. Facis ut amicum decet: sed cras pluribus verbis colloquemur. Vide præceptorem, qui jam ingreditur auditorium. O. Eamus auditum prælectionem.

COLL. 63.

Marcus, Aaron.

Miseret me tui. A. Quid ita? M. Quòd pennâ tuâ tam misere abutari. A. Quomodo abutor? M. Quia pessime tractas eam in acuendo. A. Non est culpa mea; nè quid erres. M. Cujus igitur? A. Scalpelli mei, cujus acie obtusa est. M. Scalpellum in culpa non est, sed tu ipse. A. Cur istud dicis? M. Quia debuisti vel scalpellum tuum acuere, vel aliud alicunde rogare commodatò, saltem ad præsens negotium. A. Non audeo petere. M. Quid times? A. Nè mihi denegetur. M. Ecce tibi meum. A. Gratias ago. M. Utere quantum voles, sed rectè. A. Sciens non abutar. M. Nec sis posthac tam verecundus in petendo. H. Sic est ingenium meum; soleo libentius dare quàm petere. M. Utinam multi essent tui similes. Sed tamen qui libenter dat beneficium, is petere quoque liberè potest. Sed ego te nimis detineo; perface quod cœperas.

COLL. 64.

A. B.

CUR non venit Petrus in Scho'am? B. Est occupatus. A. In quo negotio? B. Id ligno struendo. A. Quis scis? B. Dictum est mihi. A. A quo? B. A patre ejus. A. Ubi eum vidisti? B. Fuit mihi obuius cùm venirem. A. Vide nè mentiaris: nam ex illo quæram, si fortè occurrat mihi per ricos. B. Reperies sicut dico.

COLL. 65.

Sulpitius, Rogerus.

CUR hodie manè abfuisti? R. Occupatus eram. S. In quo negotio? R. In scribendis ad matrem literis. S. Quid opus erat illi scribere? R. Quia ad me scripserat. S. Ergò rescripsisti. R. Proprie loqueris. S. Unde tibi mi-

ferat literas? R. Rure; nempe ex villa nostra. S. Quando rus profecta est? R. Superioribus diebus. S. Quid agit ruri? R. Curat nostra negotia rustica. S. Quid potissimum? R. Præparat ea quæ sunt opus ad proximam vindemiam. S. Prudenter agit. R. Unde istud probares? S. Nam *omnibus in rebus adhibenda est præparatio diligens*. R. Quis te istud docuit? S. Quidam pædagogus dictavit è *Cicerone*. A. Quà occasione? S. Cùm admoneret, ut me diligenter pararem ad reddendam hebdomadem postero die. R. Profectò rectè monebat. S. Sed ad propositum revertamur. Non habetis villicum, qui curet ruri negotia vestra? R. Imò & villicum habemus, & famulos, & ancillas. S. Quid opus est illic tuæ matris opera? R. Quia melius novit providere rebus omnibus, quàm isti imperiti rusticoiæ. S. Nihilne ampliùs? R. Sine me finire propositum. S. Putabam te absolvissè; perge. R. Etiam (ut ex patre audi vi) *Præcipua cura domini requiritur in re familiari administranda*. S. Ergo pater tuus nunc potiùs deberet ad villam esse. R. Non potest. S. Quid prohibet? R. Quia totus est in arte sua occupatus. S. Majorem, ut opinor, ex ea re fructum percipit. R. Quis dubitet? S. Indè igitur fit, ut relinquat uxori omnem curam rei domesticæ. R. Omnino sic est. S. Sed mater quando est reversura? R. Vix ante perfectam vindemiam. S. Quid tu? non ibis vindemiatum? R. A matre (ut spero) brevi accersar. Sed quæso te, quid cogitamus? jam omnes in auditorium currunt. S. Bene res habet; curramus & nos, nè posteri simus.

C O L L 66.

Riparius, Amadæus.

AUdivistiñe horologium? A. Dudum sonuit. R. Dinumerasti horas? A. Dinumeravi. R. Quota est? A. Fere sèsquiprima. R. Instat igitur prælectionis tempus: fac ut paratus sis. A. Ubi merendam peredero, ecce me paratum. R. Cur meridie non adfuiti nobiscum?

A, Pro-

A. Prodieram cum bona venia præceptoris. R. Sed interrim sum tibi impedimento. A. Nihil impedis; nè bolum quidem perdidisti interpellatione tuâ. R. Bene habet; perge, sed matura.

C O L L. 67.

Ligorius, Sarasinus,

Fecistine officium tuum? S. Qua in re? L. In repetenda prælectione. S. Nihil adhuc repetivi. L. Quid causæ fuit? S. Expectabam dum rediret compar meus. L. Quò ille ivit? S. Domum. L. Quid eo? S. Petatum merendam. L. Quid si redibit seriùs? S. Nescio; fieri potest. L. Vis interea mecum repetere? S. Equidem non recuso. L. Secedamus igitur, ne quis molestus sit nobis. S. Profecto bene mones; nemo studere potest in tanto ambulatorum strepitu & clamore. L. Aspice illic locum remotissimum ubi nulli sunt ambulantes. S. Eamus illuc.

C O L L. 68.

D. E.

QUO properas? E. Eo cœnatum; quid tu? D. Jam cœnavi. E. Quotà horà? D. Quintà, ut ferè soleamus. E. Quid nunc ages? D. Reperam aliquid eorum quæ reddere habemus crastino die. E. Ego didici ex prædago meo, Non esse tam citò à cibo studendum. D. Istud ego quoque didici; sed volo nunc ediscere. E. Quid ergo facies? D. Ego, quasi animi causâ, prælectionem. particulatim aliquoties legam & perlegam. E. Quid tum? D. Ita paulatim fiet, ut sine cura, sine tædio, sine molestia, bonam partem prælectionis ediscam. E. Ista non satis intelligo, & certe videris mihi supra ætatem sapere. D. Non est res adeò difficilis, quin te docere possem, nisi ad cœnam properares. E. De cœna in tempore admones: ego igitur ejus causâ me domum recipio. Vale. D. Ducat te Deus, & reducat.

PRÆFATIUNCULA, QUÆ septem proximis Colloquiis præfixa erat.

NE pueri nihil agendo discant malè agere, præferim otioso sermone, pravisque aut ineptis colloquiis sese invicem corrumpentes, omnibus modis incitandi sunt, ut in schola dum præceptoris ingressum expectant, assuescant interea bini ternive id quod ab eo præscriptum fuerit simul repetere. Plurimum proderit hæc illis jucunda exercitatio, eosque interim ab otio, lascivia, multisque aliis rebus malis, quibus offenditur Deus, avertere poterit. Sed quia sine puerili colloquio ejusmodi repetitiones tractari non solent, pueri autem ipsi, nisi instituti fuerint, nihil aliud quàm barbarè loquuntur; idcirco, ut Latine inter se loqui paulatim discant hæc de re, hic aliquot breves colloquendi formulas proposuimus. Ceterum in præceptoris diligentia situm erit, ut hæc ipsa colloquia discipulis aliquoties interpretetur, doceatque; quomodo in his & aliis ejus generis, (quæ tradere ipse poterit) sese & domi & in schola debeant exercere, ad idque illos identidem cohortetur. Ita fiet, progressu temporis, ut promptiores semper & alacriores eos habiturus sit ad ea maturè reddenda quæ scripserit: hinc etiam consequetur, ut minore cum labore ac molestia docendi munus exequatur.

COLL. 69.

A. B.

Visne repetamus unā? B. Quidnam? A. Id quod nobis præscriptum est. B. Equidem volo: sed quo genere repetendi utemur? A. Audiamus nos vicinū. B. Sic præceptor nos monēt sæpe. A. Rectè monet; sed malè paremus. B. Uter incipiet? A. Ego, si ita tibi placet. B. Maximè placet; incipe igitur. A. *Secundæ declinationis nomina his exemplis Latine declinantur.* Magister, Puer, Dominus, Lanius, Antonius, Regnum. B. Quæ sunt hodie declinanda? A. Hesternum quidem est Lanius, hodiernum vero Antonius. B. Cur nos id repetimus?

petimus quotidie, quòd pridie reddidimus? A. Quia sic præceptor jubet. B. Id satis scio: sed cur jubet? A. Ad confirmandam memoriam. B. Agè, declina *Lanius*.

A. Nom. Sin. *Hic Lanius*. Gen. *hujus lanii*, &c. ad finem usque.

B. Verte Anglicè. A. *Lanius, lanii, g. m. A Butcher.*

B. Declina *Antonius*.

A. Nom. Sing. *Hic Antonius*. Gen. *hujus Antonii*. Dat. *huic Antonio*, &c. ad finem usque.

B. Verte Anglicè. A. *Antonius, Antonii, g. m. est nomen viri; It is the proper name of a man, Anglicè Anthony.*

B. Cur dicis nomen viri? tu nondum es vir. A. Fateor; sed sunt alii *Antonii*, qui viri sunt. B. Utinam aliquando vir evadas. A. Evadam, Deo juvante.

B. Attende nunc, ut vicissim audias me. A, Isthîc sum, dic audacter.

P. *Secundæ declinationis nomina*. A. Desine; præceptor adest. B. Audio tussientem; desinamus, nè putet nos garrere.

C O L L. 70.

C. D.

MOX aderit præceptor: repetamus. D. Quid opus est mihi repetitione? solus repetivi satis: omnia tenco memoriâ. C. Quid tum? *Quanto sæpius repetes, tanto melius tenebis*. D. Bene mones: habeo tibi gratiam.

C. Incipe: tempus abiit.

D. *Quartæ declinationis*. C. Erras, *Daniel*: incipiendum est ab exemplo hesterno. D. Erravi, fateor. C. Dic igitur hunc reâ. D. Nom. Sing. *Hoc Sedile*. Gen. *hujus sedilis*, &c. ad finem usque.

Quartæ declinationis nomina hoc exemplo declinantur,

Nom. Sing. *Hic Sensus*. Gen. *hujus sensus*. Dat. *huic sensui*. C. Hactenus; audio præceptorem.

C O L L. 71.

E. F. G.

Quid agis, *Francisce*? instat præceptoris adventus. F. Scilicet instat: nondum est semihora post secundam

dam. E. Tamen non debemus interim tempore sic abuti : repetamus. E. Non stabit per me : ego enim sum paratus. E. Incipe igitur. G. Expectate parumper, quæso, ego sum vestræ decuriæ. E. Matura. F. Dicamus suum quisque calum ordine, ut interdum nos docet præceptor. E. Satis est verborum, attendite. F. Quid aliud agimus ?

E. *Tertiæ declinationis nomina his exemplis Latine declinantur*, Pater, Lumen, Rupes, Messis, Pars, Sedes, Vestigal, Laquear.

F. Nom. sing. *Hæc Rupes*. Gen. *hujus rupis*. Dat. *huic rupi*.

E. Acc. *hanc rupem*, G. Voc. *o rupes*. Abl. *ab hac rupe*.

F. Nom. pl. *Hæ rupes*. G. Gen. *harum rupum*. E. Errasti, Gabriel, corrige erratum. G. Gen. *harum rupium*. E. Dat. *his rupibus*. Acc. *has rupes*, G. Voc. *ô rupes*. Ablat. *ab his rupibus*.

E. Verte Anglicè. G. *Rupes, rapis, g. f. A rock*.

E. Pone in oratione. F. Non est in Libro nostro.

E. Sed præceptor docuit. F. Alta rupes, *A high rock*.

F. More patrio dicis, aspera fortiter, *high*, F. *an high rock*.

E. Nom. sing. *Hæc messis*. G. Gen. *hujus messis*. E. Dat. *huic messi*, &c. usque ad finem hujus nominis ; deinde si pergunt colloqui.

E. Ambo errastis. F. Erravi, fateor. G. Ego quoque : sed uter erit victus ? E. Præceptor judicabit. F. Equum dicis. E. Vultisne dicamus iterum, ad memoriam confirmandam ? F. Quidni ? G. Quid si præceptor interveniat ? E. Quid tum ? laudabit nos ore pleno.

G. Sed mutandus est ordo. E. Non est dubium ; incipe, *Franciscè*.

F. *Tertiæ Declinationis nomina, &c.*

COLL. 72.

H. I.

Visne repetere mecum ? I. Cur tam citò ? H. Ne observator nos deprehendat garrientes, aut otiosos.

I.

I. Agè repetamus ; sed uter incipiet ? H. Ego, quia victor sum.

I. Dic igitur.

H. *Prudens*, nomen adjectivum, sic declinatur in genera :

Hic prudens, g. m. *hac prudens*. gen. f. *hoc prudens* gen. n.

Idem nomen sic declinatur in casus :

Nom. sing. *Hic hac & hoc Prudens*.

I. Gen. *Prudentis*. H. Dat. *Prudenti*.

I. Acc. *prudentem*, & *prudens*, &c. *ad finem usque*.

COLL. 73.

L. M.

CUR tu es otiosus ? M. Non sum omnino. L. Quid agis igitur ? M. Cogito de lectione reddenda. L. Ego quoque id ago ; repetamus unà. M. Fiat ; sed quam rationem tenebimus ? L. Age præceptoris partes, ego discipuli. M. Valde placet mihi conditio L. Sed nè sis mihi austerior. M. Nè timeas, nòsti me satis. L. Novi. M. Declina *Lego* in modo infinito.

L. Infiniti modi tempus præsens & præteritum imperfectum, *Legere* ; præteritum perfectum & plusquam perfectum, *Legisse*. M. Perge. L. Sine me paulisper respirare, quæso, præceptor. M. Agè, sino ; satisne respirasti ? L. Satis. M. Perge nunc. L. Futurum indefinitum, *Lecturum esse*. Gerundia, *Legendi*, &c. *ad finem usque*.

M. Gaudeo te rectè fecisse officium. L. Ego verò mihi gratulor. Sed est Deo gratia. M. Rectè dicis, utinam ex animo. L. Ex animo certè. M. Bene habet : desinamus : sentio præceptoris adventum. L. Eccum, adest.

COLL. 74.

N. O. P. Q. R.

HEus, pueri, nos hìc sumus quinque : repetamus hodiernum verbum, ut solemus coram præceptore. O. Nemo (ut opinor) contradicit. P. Quis contradi-

cit ?

ceret? nostra omnium res agitur. Q. Incipe igitur, *Nicolae*, qui primus sedes.

O. Optativi & Subiunctivi modi præsens. *Audiam*. O. *Audias*. P. *Audias*. Q. *Audiamus*. R. *Audiatis*. N. *Audiant*. O. Præteritum-imperfectum, *Audirem*. P. *Audires*. Q. *Audiret*. R. *Audiremus*. N. *Audiretis*. O. *Audirent*. P. Præteritum-perfectum, *Audiverim*. Q. *Audiveris*. R. *Audiverit*. N. *Audiverimus*, &c. usque ad finem Verbi pergunt ordine.

C O L L^o 75.

S. T. Q.

HIC dies nobis est seriatuſ, & jam ſatis luſimus. T. Satis, opinor. S. Vultis ergo ut animi gratia conferamus de ſtudiis noſtris? T. Sane mihi gratum feceris. V. Mihi verò gratiſſimum. T. Sed quid tractabimus? S. Tentemus declinare aliquod verbum *Latine* ſimul & *Anglicè*. V. Incipe igitur, qui nos provocatiſti. S. Faciam, quando ita placet vobis. T. Audiamus.

S. Indicativi modi præsens tempus, *Doceo*, *I teach*: *doceſ*, *thou teacheſt*: *docet*, *he teacheth*. Pl. *Docemus*, *we teach*: *docetis*, *ye teach*: *docent*, *they teach*.

T. Præteritum-imperfectum, *Docebam*, *I did teach*: *docebas*, *thou diſt teach*: *docebat*, *he did teach*.

Pl. *Docehamus*, *we did teach*: *docebatis*, *ye did teach*: *docebant*, *they did teach*.

S. Præteritum-perfectum, *Docui*, *I have taught*: *docuiſti*, *thou haſt taught*: *docuit*, *he hath taught*.

V. *Docuimus*, *we have taught*: *docuiſtis*, *ye have taught*: *docuerunt* vel *docuere*, *they have taught*.

S. Aliter *Anglicè*, *I have taught*, *thou haſt taught*, *he hath taught*, *we have taught*, *ye have taught*, *they have taught*.

T. Præteritum-plusquam-perfectum. S. *Docueram*, *I had taught*: *docueraſ*, *thou hadſt taught*, &c. Si pergunt quatenus placet.

COLLOQUIORUM SCHOLASTICORUM.

LIBER II.

COLLOQ. 1.

Cornelius, Martialis.

QUID legis? M. Literas. C. A quo? M. A patre. C. Quando accepisti? M. Heri vespere. C. Quis attulit? M. Nescio. C. Nescis? Quis tibi reddidit eas? M. Ancilla quædam à caupone. C. Unde sunt datæ? M. *Lutetia*, credo. C. Quo die? M. Nondum licuit inspicere. C. Nempe ego te interpellavi. M. Parum refert, non adeò sum occupatus. C. Agè, perlege tuam Epistolam, ego interea studebo. M. Ego quoque mox idem faciam.

COLL. 2.

Musicus. Heraldus.

QUO in statu sunt res vestræ *Lugdunenses*? H. Nescio; jam pridem nihil audivimus. M. Nihilne scripsit frater tuus? H. Post menses duos nihil literarum misit, quod viderit pater. M. Fortasse ægrotat. H. Minime vero, nam tabellarii sæpe nobis salutem nunciant verbis ejus. M. Libenter audio illum recte valere: valde enim diligo, quia fuit mihi suavissimus condiscipulus. H. Ille (ut opinor) te vicissim diligit. M. Id verò mihi non est dubium. Sed nos hora vocat; eamus in auditorium. H. Maturemus. Jam recitatur catalogus.

COLL. 3.

Observator, Briscuntellus.

DEsiste, o pueri, garrere, absente magistro,
Verba quibus summus læditur ille Pater.

De studiis potius trahite & rebus honestis :
Discite sermones aptaque verba loqui.
Discite & inter vos reddenda revolvere saepe :
Doct̃or enim pueris semper adesse nequit.
Discite sectari vestigia certa bonorum :
Otia vos fallant blanda, cavete, precor.
En, ego pr̃moneo, vos ne delectet abuti
Tempore, ne iurgum verbera dura premant.
Ecce iterum vobis morum pr̃dico magister ;
Si quis erit casus, nè mihi det vitio.
 B. *Desine plura loqui, nemo parere recusat*
Est monitor nobis optimus ille pater,
Illiusque patris natus, cui nomen Iesus,
Et qui nos renovans Spiritus intus alit.
 Ob. *Quem mihi sperassem tam respondere paratum ?*
Quis puer Angelicos mittit ab ore sonos ?
O quam t̃ memorem, nostræ doct̃issime classis !
Nam tibi divinum carmen ab ore fluit.
Non sum tam felix, ut fundam ex tempore versus :
Sed molò quæ dixi pr̃meditatus eram.
 B. *Si meditatus eras, quĩ nunc tam fundis aperte*
Castalios latices ? qui furor iste novus ?
 Ob. *Nam tua me tantis moverunt carmina flammis,*
Ut mihi nunc videar posse movere feras.
 B. *Sed cur immeritum tantis me laudibus effers ?*
Est tribuenda uni gloria summa Deo.
Atque utinam eloquium nobis spatiumque daretur,
Et nostra in laudes solveret ora suas.
Sed quia tempus adest ut voce & mente precemur,
Idque jubet doct̃or, desine plura loqui.

COLL. 4.

Observator. Puer.

Quid agis? P. Scribo. O. Quid scribis? P. Sententias.
 O. Quas? P. Ex novo Testamento. O. Bene facis: unde
 habuisti? P. Hypodidas calus dictavit nobis. O. Quando?
 P. Heri. O. Quotà horà? P. Meridie. O. Ubi? P. In
 area

area. O. Qui aderant ? P. Omnes domestici, præter pri-
mos & secundos. O. Ubi erant illi ? P. In aula communi.
O. Quid ag- bant ? P. Disputabant. O. Vale, & perge
scribere.

COLL. 5.

Observator, Pueri garrientes.

Quid vos hic agitis, pueri ? Mihi videmini garrire, &
nugas agere. *Quidam puer.* Longe falleris : nam te-
petimus una. Ob. Qua de re ? P. De *verbu aroimalu*, id
quod reddendum est horà tertià. Ob. Bene facitis. P. Vis
audire nostrum colloquium ? Ob. Imo pergitte, majus o-
pus moveo ; volo tendere laqueos picis & graculis. P. In
area multos ad solem invenies. Ob. *Reibus est illic præ-*
da parata meis.

COLL. 6.

Observator, Pueri garrientes.

ATas ! ecce nunc capti estis : non faremini ? *Quidam*
puer. Certè fateamur ingenuè : sed non dicebamus,
mala verba, Quæso te, mi *Nicolae*, nè velis notare nos.
Ob. Quid garriebatis ? audiui nescio quid de jentaculo.
P. Illud est ; loquebamur de jentaculo matutino, quia
famulus non dederat nobis in tempore. Ob. Puto id fu-
isse : nec certè est valde magnum malum, nisi quod sunt
otiosa verba. P. Sed *Latine* loquebamur. Ob. Audiui ;
sed non erat fabulandi locus, Nam (ut scis) hoc pu-
fillum temporis a merenda, debet vobis esse valdè pre-
tiosum cùm sit dicatum studio ; scilicet ut se diligenter
quisque præparet ad reddenda magistris ea quæ præ-
scripserint : nonne verum dico ? P. Certè verum dicis ;
debuissimus legere simul de *Testamento* quæ mox oport-
tebit reddere : sed ignosce, precor, suavissime *Nicolae* :
posthac erimus prudentiores, & officium nostrum dili-
genter faciemus. Ob. Si sic feceritis, Præceptor vos a-
mabit, tanquam minuta sua intestina. Nonne videtis
quemadmodum diligit bonos pueros & studiosos ? nec
amat solum, sed etiam laudat & præmiolis afficit. P. Ista
sci-

scimus, & quotidie experimur. O. Ergo memento te, & promissa facite. P. Tacebis igitur hanc culpam? O Tacebo: sed ea lege, ut caveatis recidere. P. Cavebimus, *Christo favente.*

C O L L. 7.

Nomenclator, Pueri.

UBI est frater tuus? P. Modo ivit domum. N. Quid eo? P. Petikum nobis opsonium. N. Quid nunc opus est opsonio? P. In merendam. N. Annon habetis in arca vestra? P. Non. N. Quid ita non? P. Quia mater non solet nobis dare opsonium, nisi in præsens tempus. N. Nempe quia novit vos esse gulosos. P. Quomodo gulosifumus? N. Quia fortasse uno convivu devoratis quod in tres datum fuerat. P. Tace. N. Ego dicam præceptori, fratrem tuum nihil aliud quam discurrere. P. Atqui prodire non solet, nisi cum bona venia præceptoris. N. Atqui præceptorem fallit. P. Quomodo fallit eum? N. Non enim mens est præceptoris, ut ter quotidie prodeat. P. Sine illum venire, videbis quid tibi respondeat. N. Imò videat quid præceptori respondeat.

C O L L. 8.

Pastor, Languinus.

FRATER tuus venitne *Lugduno?* L. Jam venit heri ante meridiem. P. Nihilne literarum tibi attulit? L. Nihil. P. Quid igitur nunciavit? L. Prospera omnia. P. De patre quid narrat potissimum? L. Ait illum, Dei beneficio, jam planè febri carere, & paulatim convalescere. P. Gaudeo sanè; Deumque precor, ut pristinam valetudinem brevi recuperet: sed cur ille (ut solet) nihil ad te scripsit? L. Negat frater eum potuisse scribere, P. Quamobrem? L. Quia nondum satis erat confirmatus. P. Nihil mirum, cum tamdiu tam graviter ægrotaverit: sed ille nihil ad te misit? L. Imo pecuniam. P. Euge; nullus est jucundior nuncius. L. Ita ajunt. P. Tu verò sic respondes; quasi fabulam audias. L. Quin pejus audio. P. Quidnam?

L. Me.

L. Merum mendacium. P. Egone mentitus sum? L. Non dico te esse mentitum: sed falsum dixisti. P. Ego quid dicas non intelligo. L. Dabo operam ut intelligas. P. Obsecro te. L. Si nullus est jucundior nuncius, quàm de alata nobis pecunia, quid ergo est Evangelium *Christi*? quis est jucundior nuncius quam gratia Dei, quam *Christus* attulit nobis per Evangelium? P. Fateor nihil esse jucundius Evangelio, iis duntaxat qui credunt, ei, & ex animo amplectuntur. L. Equidem sic intelligo. P. At ego loquebar de humanis & terrenis rebus, tu vero ad cœlum statim ascendisti. L. Ita solent boni concionatores. P. Non putabam te esse Theologum maturum. L. Nihil dixi nisi quod est tritum & in medio positum. P. Utinam illud adeo vulgare & protritum foret, ut omnes in *Christum* crederent. L. Nunquam credent omnes. P. Quid prohibet? L. Quia *multi sunt vocati, pauci vero electi*, sicut *Christus* ipse testatur. P. Sed nē te diutius teneam, potēne facere ut fratrem tuum paucis conveniam? L. Vix possum. P. Quid ita? L. Nam habet a patre nostro mandata plurima, in quibus curandis totus est occupatus. P. Nonne cœnabit domi apud vos? L. Cœnabit, opinor. P. Ibo igitur sub horam cœnæ. L. Veni, precor, & eadem operā nobiscum cœnabis. P. Non recuso. L. Interim vale; sed fac memineris adesse tempori. P. Quota horā? L. Ante sextam. P. Hora est mihi commodissima.

C O L L. 9.

Vignolus, Angelinus.

ROgo te; *Angeline*, compinge mihi hanc chartam. A. Quid me rogas? Non est ars mea. V. Et tamen sæpe compingis aliis. A. Quot habes schedas? V. Octo: sed jam sunt complicatæ, tantum refrat insuere membranæ. A. Quid dabis, si tibi compegero? V. Nihil habeo quod possum dare, nam pecunia nulla mihi est. A. Ergo quære tibi alium opificem; non enim gratis faciam. V. Mi *Angeline*, tu es tam bonus, denegabis mihi rem tantillam? A. Scin' tu quid habet proverbium? V. Quod proverbium

bium dicis. A. *Manus manum fricat.* V. Quid hoc sibi vult? A. Da aliquid, si velis accipere. V. Si quid haberem, certè libenter darem. A. Cedo merendam tuam. V. Merendam? ah me miserum! quid ederem? Mallem dare pileum, si auderem. A. Merenda tua parva res est. V. Sed vehementer esurio. A. Quid causæ est? V. Quia nihil prandii, nisi frustum panis & tres aut quatuor juglandes. A. Eho, quid causæ fuit? V. Quia mater domi aberat. A. Quis ergo tibi dedit merendam? V. Ipsa. A. Atqui dicebas eam abfuisse. V. Verum est; aberat enim tempore prandii, nec rediit, nisi paulò ante merendam. A. Nihilne edisti domi, antequam in ludum venires? V. Nihil. A. Cur non? V. Quia timebam non adesse in tempore. A. Tintinnabuli sonitus te satis admonere debet. V. Sed rarò audimus à nostris ædibus. A. Quid ita? V. Quia longè nimis ab hac schola distant. A. Suntne vera ista omnia quæ mihi narras? V. Vera profectò, *Angeline.* A. Agè, da mihi tuam chartam; ego tibi compingam elegantem libellum; tu interim ede merendam tuam. V. Ego petam à matre sextantem, quem dabo tibi. A. Cave petas, nihil volo: quin potius darem tibi, si egeres. V. Ago tibi gratias. A. Nonne putabas me seriò petere abs te merendam? V. Profectò sic putabam. A. Atqui dicebam joco. V. Quamborem? A. Ut paulisper audirem te *Latine* fabulari. Nam Quòd benè discas gaudeo. Quanti emisti chartam hanc? V. Dedi pro codice assen cum semisse. A. Non emisti male, bona est, sed non rectè complicasti. Habes membranam? V. Ecce tibi. A. Bene res habet; ego citius confecero, quam tu merendam perederis. V. Habebo tibi maximam gratiam, mi *Angeline.* A. Honestè loqueris: sed memento, fili, ut semper vivas in timore Dei, diligenter obedias matri, sis frequens in schola, diligens in studio, nè verferis cum pravis ac dissolutis; denique, quibus poteris benefacito. quo modo vides me recisse tibi: intellextin? V. Optimè. A. Fac igitur ut sæpe recorderis. V. Faciam, Deo volente. A. Ede nunc otiosè.

Quid tibi dedit mater in merendam? A. Vide. D. Caro est; sed quænam? A. Bubula. D. Utrùm recens, an salia? A. Est bubula salita. D. Utrùm pinguis, an macra? A. Eho inepte, non vides macram esse? D. Annon malles esse vitulinam, aut vervecinam? A. Utraq; bona est: sed in omni genere sapit mihi hœdina, præsertim assa. D. Hem! delicatule, jamne palatum tam doctum habes? A. Dico ut sentio; nec enim est mentiendum. D. Absint à nobis mendacia; sumus enim filii Dei, & Christi fratres, qui est ipsa Veritas, ut ipse de se loquens testatur. A. Sed ad rem. Suilla quoque vescor libenter, modico sale aspersa, & bene cocta. D. O mirificam Dei gratiam, qui dat nobis tot opsoniorum genera, & tam bona! A. Quot putas esse hac in urbe pauperes, qui solo pane hordeaceo victitant, neque tamen ad saturitatem? D. Non dubito multos esse, tantâ præsertim annonæ caritate. A. Itaque nos in tanta bonarum rerum copia, quantas Deo gratias agere debemus, quas laudes illi dicere? D. Ejus igitur beneficia magnifice ubique prædicemus: atque interim precemur, ut pauperum suorum misereatur inopiæ. A. Utinam ipse corda nostra suo Spiritu ad eam rem penitus afficiat. D. Ita precor.

Quid ridēs! B. Nescio. E. Nescis? magnum signum stultitiæ. B. Me igitur stultum vocas? E. Minime verò; sed dico tibi argumentum esse stultitiæ, cum quis ridet & ridendi causam nescit. B. Quid est stultitia? E. Si diligenter evolvas Catonem tuum, istud quod quæris invenies. B. Nunc non habeo meum Catonem, & volo aliam rem agere. E. Quod habes negotium? B. Habeo edicere aliquid de rudimentis. E. Interim quæri fabulari, ineptule? B. Dic mihi (quæso) de stultitia in Catone. E. Stultitia simulare loco, prudentia summa est. Annon hæc didicisti? B. Imo; sed non recordabar. E. Cum domi eris,

inspice librum tuum. B. O quantas gratias ago tibi! Ego proponam alicui istam quaestionem. qui non potuerit mihi respondere, & sic erit victus. E. Tace, puer, tace & stude. ne vapules. B. Non multum curo: ego fere teneo praestionem. E. Nisi taceas, dicam observatori, qui te statim notabit. B. Mane, mane; nihil dicam amplius. E. Sed memento id quod dixi tibi. B. Quid est? E. Ne rideas unquam sine causa. B. Sed ridere non est malum. E. Non dico istud. B. Quid igitur? E. Stultum est sine causa ridere. B. Nunc intelligo. E. Recordare saepe.

COLL. 12.

Cleophilus, Melchisedech.

E Cquid habes novi? M. Accepi literas à patre, qui *Lugduni* habitat. C. Quando accepisti? M. Heri sub noctem. C. Quis attulit? M. Piscarius. C. Quidnam intellexisti ex istis literis? M. Omnia bene illic habere, quod ad Evangelium pertinet. C. Verane praedicas? M. Expe. sta, literas ipsas ostendam tibi à prandio. C. Est profecto, quòd nostris fratribus gratulemur. M. Scilicet, quòdque Deo nostro gratias maximas agamus. C. Id quidem praestare debemus omni tempore; sed nunc maximè, cum audimus ea, quae ad gloriam ejus praecipue pertinent. M. Utinam hoc semper habeamus in memoria! C. Communicabis igitur mecum tuas literas? M. Ut promisi. C. Ergo post prandium. M. Etiam dubitas? C. Interea vale. M. Vale, & salve, *Cleophile*.

COLL. 13.

Israel, Matthaeus.

F Stne domi frater tuus? M. Cur istud rogas? I. Pater meus volebat eum convenire. M. Non est in hac urbe. I. Ubi igitur? M. Peregre profectus est. I. Quando? M. Nudius tertius. I. Quonam ivit? M. *Lutetiam*. I. Quà iter facturus est? M. *Lugdunum*. I. Utrum pedes an eques ivit? M. Ivit in equo. I. Quando est rediturus? M. Nescio. I. Sed quem terminum constituit illi pater? M. Jussit ut hic adesset ad vicesimum hujus mensis diem. I. Ducat illum Deus, ac reducat. M. Ita precor.

COLL.

COLL. 14.

Ducaus, Ballinus.

Quando profecturus es domum? *B. Cras Deo juvante. D. Quis sis jussit? B. Pater. D. Quando autem jussit? B. Ad me scripsit superiore hebdomade. D. Quo die literas accepisti? B. Die Veneris. D. Quid continebant præterea literæ? B. Omnes rectè valere, proximis diebus initium fore vindemiæ. D. O fortunatum, qui vindemiatum properas! B. Vis dicam patri meo, ut te accersat? D. Quam gratum mihi faceres! sed vereor ut nollit. B. Imò gaudebit, cum propter nostram conjunctionem, tum verò quia & Latine colloquendo nos exercebimus, & de studio unà interdum conferemus. D. Oh, gaudio totus exilio! Amabo te, id cura, mi animule. B. Senties: interim Deum precemur, ut dicta & consilia nostra vertat in gloriam sui nominis. D. Bene mones, & certè ita expedit facere.*

COLL. 15.

Aurelus, Lambertus.

Siste parumper gradum, *Lamberte*; quò properas? *L. Recta domum. A. Quid eo? L. Mater me vult paucis convenire. A. Nescis quamobrem? L. Nescio, nisi fortè ut vestimenta hyberna mihi facienda curet. A. Istud est veri simile; jam enim instat hyems. L. Jam visa sunt gelicidia, & glacies etiam alicubi. A. His diebus vidi in foro montanos quosdam, qui dicebant magnam vim nivium decidisse superiore hebdomade, cum hic interea lentas pluvias tantum viderimus. L. Ego quoque id ipsum audivi domi nostræ ex ruiticis, qui triticum nobis advexerant. Sed cogor abrupte sermonem, nè mihi irascatur mater. A. Sed heus tu, mi *Lamberte*, adfer mihi domo aliquot uvas: nam amplissima fuit vobis vindemia. L. Adferam (ut spero) utrique nostrum affatim, nisi siquid forte mater irata est mihi. A. Istud avertat Deus.*

COLL. 16.

Pelignus, Bartholomæus.

Quoniam is tam celeriter? *B. Ad tonsorem. P. Ego quoque unà tecum. B. Rogasti veniam? P. Non rogavi,*

sed tantisper expecta me, dum eo rogatum. B. Festina igitur. P. Mox rediero. Redii: eamus nunc jam. B. Quo vultu te præceptor excepit? P. Hilari sanè. B. Eodem me quoque exceperat. P. Non solet irasci nobis, nisi illum adeamus intempestivè. P. Quotusquisque id non ægrè fert? P. Etiam nos, qui pueri sumus, sæpius irascimur condiscipuli, cum studia nostra, quantulacunque sunt, interpellant: sed jam desinamus; optimè tonsorem ante officinam video. B. Euge, nulli sunt igitur expectantes: ita fiet, ut minus diu moremur.

C O L L. 17.

A. B.

Quoniam nunc solus abis? B. Semper à versibus aliquid auspicaris. A. Facile est carmen incipere, deducere non item. Sed dic, quo nunc is? B. Recta in portum. A. Quid in portu habes negotii? B. Viso ecquid alimenti mihi advectum sit. A. Vis me tibi comitem? B. Imò etiam ducem, si tibi ita videtur. A. Nunquam dux esse didici, sed sæpe egì comitem. B. Nihil ad rem pertinet pluribus verbis hìc fabulari; eamus una. A. Eamus sanè: confabulari licebit amplius ambulando in ripa lacùs, si navis nondum appulsa sit. B. Quid si jam appulsa? A. Tamen deambulare satis diu poterimus, dum exonerabitur.

C O L L. 18.

Nomenclator, Puer.

Ubi est Petrus? P. Ivit foras. N. Quò? P. Abiit rus. N. Quicum? P. Cum patre. N. Quis venerat accersitum? P. Patris famulus. N. Quando est in urbem rediturus? P. Hinc (ut dixit) ad octavum diem. N. A quo petivit abeundi veniam? P. Ab hypodidascalo. N. Cur non potius a ludimagistro? P. Ad negotia prodierat. N. Sat habeo.

C O L L. 19.

Richardus, Niger.

Quò ascendis? N. In cubiculum nostrum. R. Quid eò? N. Petiit thecam scriptoriam. R. Adfer mihi cingulum

gulum eadem operâ. N. Ubi est? R. Super arcam meam.
N. Adferam: sed tu me hic expecta. R. Nusquam moveo.

COLL. 20.

Lenimus, Gerardus.

Hec? *Gerarde.* G. Quid vis? L. Accerferis. G. Quis me
vocat? L. Frater tuus. G. Ubi est? L. Præ foribus te
expectat. G. Certò scis esse fratrem meum? L. Quidni sci-
am? vidi illum, & sum alloquutus. G. Visâ sane quid sit,

COLL. 21.

Putareus, Viladus.

Nescis vetitum esse, nè submisse loquamur inter nos?
V. Quid ni scirem, cum præceptor tam sæpe nobis
inculcet ejus rei causas? P. Cur igitur modò faciebas con-
tra? V. Quia *Isidus* ita me cœperat alloqui. P. Quid tum?
debuisti illum admonere, non imitari. V. Deui; sed
tunc mihi non venit in mentem. P. Sed interim notan-
dus es. V. Minime verò: nisi vis esse ipso præceptore
severior. P. Dic mihi causam. V. Quia præceptor vetat
quempiam notari, quî sponte delictum agnoverit: modò
ne tale sit, factum, quod verbo Dei interdictum sit. P.
Nonne à Deo præceptum est, ut parentibus obediamus?
V. Illud est quintum decalogi præceptum. P. Atqui
(ut habemus in Catechismo) præceptum illud patet la-
tius! Nam parentum nomine præceptores complecti-
tur, & magistratus, & denique omnes, quibus Deus ip-
se nos subjecit. V. Non equidem nego vera esse quæ nar-
ras: sed malo præceptorem consulere, quam tecum dis-
putare; alioquin in majus malum me inducere, quod
est contentionis vitium, multò magis à præceptore ve-
titum. P. Equum dicis: memineras igitur præceptorem
admonere, cum rationes à nobis exiget. V. Nè putes me
oblitum, præsertim cum res mea agatur.

COLL. 22.

Rossetus, Ferreus.

Unde venis? F. E foro. R. Quid illic audisti novi?
F. Nihil. R. Nihilne? F. Profus. R. Mirum est te nihil

audisse de bello. aut de cæteris rebus *Anglicis*. F. De iis quæ nihil ad me pertinent, non soleo percontari. R. Esto, sed tamen aliquid vel in transitu audiri solet. F. Ne mentiar, intellexi non nihil in transitu. R. Narra, quæso. F. Nunc non est narrandi spatium. R. Cur non? F. Est mihi aliò properandum. R. Quonam? F. Nihil ad te. R. Quando igitur revies nos, ut ex te istud audiamus? F. A prandio, si licebit, per otium. R. Amabo te, fac liceat. F. Dabo operam: sed me detines diutius. Vale.

C O L L. 23.

A. B.

UNde venis? B. A foro. A. Quis te illuc miserat? B. Mater. A. Quid egisti in foro? B. Emi pyra. A. Nescis nobis vetitum esse emere fructus aliquos? B. Quis istud ignorat? tam dictum est palàm in aula. A. Quì igitur ausus es emere pyra? B. Mater dederat mihi sextantem ut mihi emerem in merendam. Quid mali feci, si parui matri?

C O L L. 24.

Franciscus, Diorysius.

UBI fuisti his diebus? D. Rure. F. Quo in loco? D. In villa nostra. F. Quid verò illic? D. Ministrabam patri. F. Quid verò ille? D. Pastinabat vites nostras. F. Quando illinc rediisti? D. Heri tantum. F. Quid pater? D. Unà mecum reversus est. F. Bene factum: sed quo nunc is? D. Rectà domum. F. Sed quando repetes ludum literarium? D. Cras, juvante Deo, aut summum perendie. F. Ergo interim vale. D. Et tu vale, mi *Francisce*.

C O L L. 25.

Fontetius, Curteius.

Quando rediturus est *Blasius*? C. Non certò scio; fortasse die crastino: sed cur istud rogas? F. Quia secum abstulit catalogum, & præceptor irascetur, si nemo sit, qui recitet. C. Relinque mihi istam curam: habeo catalogi exemplum. F. Recitabis igitur? C. Recitabo. F. Bene facies, & noster *Blasius* referet gratiam, si qua se offeret occasio.

COLL.

COLL. 26.

Gabinus, Furnarius:

Quod est tibi domicilium? F. Paterna domus. G. Unde nunc venis? F. Domo. G. Ubi prandisti? F. Domi. G. Ubi cœnabis? F. Domi vestræ, ut spero. G. Quî scis? F. Pater ipse tuus hodie me invitavit. G. Ubi illum vidisti? F. Domi *Varronis*. G. Quod illic erat tibi negotium? F. Pater me miserat nunciatum aliquid. G. Scire etiam velim ubi sis cubiturus. F. Domi fratris. G. Quid habes negotii cum fratre tuo? F. Dixit sorori nostræ, se velle convenire me otiose. G. In Qua domo habitat? F. In quadam conductitia. G. Eho, nullamne habet propriam domum? F. Habet quidem, sed eam locat quibusquam inquilinis. G. Locat igitur domum propriam, & conducit alienam? F. Scilicet, ut ex me audis. G. Quanti locat? F. Octodecim aureis *Italicis*, quos nunc *Pistoletos* vocant. G. Cur illam non potius habitat? F. Quia sua non est in loco satis commodo, sive (ut ita loquar) mercatorio. G. Sed illam alienam quanti conducit? F. Longe pluris. G. Quanti igitur? F. Quinque & viginti. G. Cara est habitatio. F. Carissima; sed quid agat? loci commoditas id facit. G. Agè (ut aliquando tandem finiamus) dic precor, scisne ubi cras futurus sis? F. Domum revertar, ut inde in scholam me conferam, siquidem permiserit Dominus. G. Cur addis *Si Dominus permiserit*? F. Quia, nisi permissu Dei, ne domo quidem exire possumus. G. Istud audi vi sæpe ex præceptore. F. cur ergo rogabas? G. Quia, nunquam nimis dicitur quod benè dictum fuerit præsertim ubi de rebus divinis agitur. F. Istud quoq; ex præceptore didicimus. G. Verum, sed utile est talia sæpe repetere ad memoriam exercendam. F. Vide quòd nos sensim adduxerit tua prima interrogatio. G. Tantum volebam paucis verbis tecum jocari. F. Age, quoniam nunc satis animum exercuimus, non vis etiam corpus exercere valetudinis causâ? G. Quidni velim? F. Eam igitur lusu pilæ palmariâ: nam eo lusu scio te delectari. G. Delector sanè, sed nunc pilam non habeo. F. Ecce tibi: sequere me. G. Ego te sequor libens, tu me benè ducito.

COLL. 27.

Creditor, Debitor.

Quando patris reditum expectas? D. Hinc ad diem octavum. C. Qui scis diem? D. Ipse pater ad me scripsit. C. Adventus ejus (ut spero) te ditabit. D. *Cra*s-
ditior ero, si bene nummatus venerit. C. Tunc mihi mu-
tuum reddes? D. Non est quod dubites, quin, si tibi opus
erit amplius, non modo reddam mutuum, sed etiam re-
feram gratiam. C. Quomodo? D. Pecuniam mutuam vi-
cissim dabo. C. Nihil opus erit, spero. D. At nescis quid
possit accidere. C. Tempus est brevissimum. D. Non eò
dico, quod tibi vellem ominari malum. C. Quicquid omi-
nentur homines. Deus clavum tenet. D. Sed quid cessa-
mus recipere nos in auditorium? C. Opportune admones.

COLL. 28.

Picus, Micuarius.

Quando rediisti domo? M. Tandem redeo. P. Ubi est
frater tuus? M. Mansit domi. P. Cur mansit? M. U-
pranderet cum patre. A. Tu vero, cur etiam non manisti?
M. Jam pranderam cum patre. P. Quis vobis ministra-
bat? M. Ancilla. P. Quid mater? ubi erat? M. Etiam do-
mi sed occupata. P. Qua in re? M. In recipiendo tritico,
quod nobis advectum fuerat. P. Quando redibis domum?
M. Cum acceriar a patre. P. Quo die istud erit? M. For-
tasse hinc ad quatuor dies. P. Cur vos tam sæpe commea-
tis? M. Sic volunt parentes. P. Quid agitis domi? M. Quod
jubemur a parentibus. P. Sed interim perit vobis studio-
rum tempus. M. Non omnino perit. P. Quid igitur? M. quo-
ties pater non est necessario occupatus, omnibus horis
exercet nos mane, ante & post prandium; ante cœnam, a
cœna satis diu, postremo etiam antequam cubitum ea-
mus. P. Quibus rebus vos exercet? M. Exigit a nobis ea
potissimum, quæ tota hebdomade in schola didicimu;
themata nostra inspicit, ac de iis nos interrogat; sæpe
dat nobis aliquid modo Latine, modo Anglice descri-
bendum; interdum etiam nobis proponit brevem sen-
tentiam vernaculo sermone quam Latine vertimus? in-
terdum

interdum contra jubet aliquid Latinum Anglicè red-
dere; postremò, ante cibum & post, semper ex Bibliis An-
glicis aliquid legimus, idque totà præsente familià. P.
Nihilne de Catechismo interrogat? M. Id facit omni die
Dominico, nisi fortè domo absit. P. Mira narras, si modò
vera. M. Imò sunt longe plura quam tibi narravi: sum
enim oblitus morum civilitatem. de qua etiam admo-
nere nos solet in mensa. P. Cur pater vester tantum su-
mit laborem in vobis docendis? M. Ut sic intelligat num
in schola operam laudamus, & tempore abutamur. P. Mi-
ra hominis diligentia, atq; adeò prudentia! O Quàm de-
vincti estis Patri cœlesti, qui talem patrem in terra de-
dit vobis! M. Faxit ille, ut hoc & cætera ejus beneficia
nunquam obliviscamur. P. Bonum & pium est istud op-
tatum; cura, ut habeas non modò in ore, sed animo etiam
magis. M. Quod me tam fideliter mones habeo tibi gra-
tiam. P. Bene monendi officium debemus omnibus, sed
maxime fratribus. M. Fratibus. M. Fratribusne igitur so-
lis? P. Eos potissimùm fratres hîc dico, qui ex fide in Chri-
stum nobis conjuncti sunt. M. Recte judicas: sed viso num
frater domo tandem reverterit; nam ad cessandum
promptus est plus satis.

C O L L. 29.

Miconius, Petellus.

Serîone scribis an tu ineptis? P. Equidem scribo seriò;
Scur enim tempore abuterer? Tu verò cur istud rogas?
M. Quia vidi aliquando cùm bene scriberes. P. Scribo
interdum meliùs. M. Quî fit igitur ut nunc tam scribas
male? P. Desunt mihi bene scribendi adjumenta. M. Quæ
tandem? P. Bona charta, bonum atramentum, bona pen-
na. Nam hæc mea charta (ut vides) misere perfluit, atra-
mentum est aquosum & subalbidum, penna mollis &
malè parata. M. Cur ista omnia maturè non providisti?
P. Pecunia mihi deerat & nunc etià deest. M. Incidisti
in illud vulgare proverbium, *Cui deest pecunia, huic de-
sunt omnia*. P. Sic agitur mecum. M. Sed quando te
speras accepturum? P. In mercatu proximo pater ad
me missurus est, aut ipse venturus. M. Ego te interea
juvare

juvare volo. P. Siquidem id potes, magno beneficio me affeceris. M. Accipe hos sex asses mutuo ad chartam & cætera comparanda. P. Quam verè dictum est illud, *Amicus certus in re incerta cernitur* ! sed quid te impellit ut mihi ultro tam benignè facias? M. Charitas illa Dei, quæ (ut *Paulus* ait) affusa est in cordibus nostris. P. Mira est vis divini Spiritûs, qui ejus auctor est charitatis. Sed mihi interim cogitandum, quomodo tibi referam gratiam. M. Parva res est ; omitte istam cogitationem, ne te impediât quo minùs in vtramvis aurem dormias : tantum redde mutuum, quum tibi commodum fuerit. P. Reddam (ut spero) propediem. M. Eamus ad præcationem, ne no-temur. P. Adde unum, si placet. M. Quid est? P. Nè hodie incenati mittamur cubitum. M. Ha, ha, he !

C O L L. 30.

Velusatus. Stephanus.

Quotâ horâ surrexisti hodie ! S. Paulo ante quintam. V. Quis te expergefecit? S. Nemo. V. An cæteri jam surrexerunt? S. Nondum. V. Non ivisti illos excitatum? S. Non ivi. V. Quam borem? S. Nescio, nisi quia non putabam illud ad me pertinere. V. An non te illi excitant interdum? S. Imo sæpissime. V. Debuiisti igitur similiter facere. S. Debui fateor. V. Memento igitur ut posthac facias. S. Meminero, Deo juvante. V. Sed tu quid fecisti ex quo surrexisti è lecto? S. Primum, flexis genibus, precatus sum Patrem cœlestem in Nomine Filii ejus, Domini nostri *Jesu Christi*. V. Factum bene: quid postea? S. Deinde ornavi me, & curavi corpus mediocriter, ut *Christianum* decet : postremo ad quotidiana studia me retuli. V. Si perges sic facere, nè dubites quin Deus tua juvet studia. S. Adhuc me semper juvit, quæ est ejus benignitas; nec me (ut spero) derelinquet. V. Recte loqueris; nec ille spem tuam frustrabit. S. Anno superiore didici in *Ca- tone* : *Spem retine; spes una hominem nec morte relinquit*, V. Quod retinueris bene fecisti; est enim egregia sententia, & homine *Christiano* digna. S. Atqui autor ejus libri non fuit *Christianus*. V. Non fuit, certa res est.

S. Unde

S. Unde igitur sumpsit tot pulchras sententias? V. Maxime ex Philosophis *Ethnicis*. Nam & ipsi (divino Spiritu illuminati) plurima dixerunt, quæ sunt verbo Dei consentanea: quod tu quoque videre aliquando poteris, si literarum studium prosequere. S. Ego prosequar (ut spero) dummodo ipse Deus dat patri meo vitam longiorem. V. Precare diligenter & ex animo ut illud contingat. S. Quotidie id precor sæpe. V. Det tibi Dominus Deus, in omni opere bono perseverantiam. S. Quod mihi optas, idem tibi precor; & gratias ago, quod me tam fraternè monueris.

C O L L. 31.

Dominicus, Barrasius.

UBI sunt juglandes tuæ? B. De quibus loqueris juglandibus? D. Quas hodie ex præmio accepisti. B. Ubi sint rogas! quasi verò tibi servare debuerim. D. Non sic intelligo; sed quæro quid feceris. B. Edi in merendam. D. Edisti miser? cur potius non servabas ad ludendum? B. Edere malui, quam perdere. D. Non poteras perdere, nisi duodecim. B. Fateor. D. Quod si fors tulisset, potuisses ducentas aut fortasse plures lucrifacere. B. *Dubius* est (ut vulgò dicitur) *ludi eventus*. D. Quid tum? ubiq; parati esse debemus in utramque partem, & boni consulere quicquid nobis evenerit. B. Istud ego scio, sed non sum admodum ludendi peritus in eo genere. D. Abi, nunquam rem facies. B. Nemo rem facit, nisi Deo volente: nec ego ditari ex ludo velim. D. Ergò (ut video) quærendus est mihi collusor alius. B. Nihil sanè impedio. Sed mane parumper. D. Quid vis? B. Quid tu vocas sortem, de qua hic mihi mentionem fecisti? D. Ipsam fortunam. B. Quid autem est fortuna? D. Stultorum opinio. B. De fortuna quid opinantur stulti? D. Nunc mihi non vacat de hoc tibi respondere, sed vide annotationem præceptoris in *Catonem*. B. In quem locum? D. In illum versiculum, *Indulsi fortuna malis, ut ledere possit*. B. Ut video, non ignoras quid sit fortuna. D. Satis scio fortunam nihil esse. B. Cur ergo dixisti. Quod si fors tulisset? D. Excidit

cidit mihi sic loqui, Ethnicorum more. Nam eorum libri (ut sæpe docet præceptor) pleni sunt ejusmodi impia doctrina. B. Nihil mirum, nempe illi veram Dei cognitionem non habuerunt. D. Sed audi, mi *Barrasi*, si vis amplius disputare, quære tibi alios disputatores; nam mihi nunc serio ludendum est: volo tamen prius te vicissim admonere. B. O quam gratum mihi feceris! D. Nonne tu dixisti hæc verba, *dubius est ludi eventus*? B. Fateor me dixisse, sed præmuniri. D. Quomodo istud intelligis? B. Addidi enim hæc tria verba. *Ut vulgo dicitur*. D. O astutum vulpeculam! Os occlusisti mihi. Sed hæc inter nos sine odio aut malevolentia dicta sint. B. Novit Deus utriusque animum. D. Est enim solus cordium scrutator. Sed quid tu vis hic solus otio torpescere? B. Cogito quo lusu me exerceam. D. Quasi vero sic diutius cogitandum. Age, si quere me, dabo tibi mutuo juglandes. B. Amicè nunc loqueris: sed quando reddam? D. Ad calendæ Græcas si non potes citius. B. O festivum caput! eamus.

C O L L. 32.

H. J.

Jacobe. J. Quid vis? H. Repetamus unà prælectionem. J. Non est mihi otium. H. Quid habes negotii? J. Volo scribere. H. Quid scribere paras? J. Dictata præceptoris. H. Cur heri non scripsisti? J. Quo tempore scripsissem? H. Cùm luderetur. J. At ego volebam amittere ludendi occasionem. H. Ah! piger, nihil aliud quam lusiones meditaris? Nonne diebus Mercurii & Sabbati ternæ sunt horæ liberæ? J. Liberæ quidem sunt, sed ad lulum destinatæ, deputatæ, attributæ, assignatæ. H. Imo partim lujibus aut alicui honestæ remissioni, partim studio literario sunt dicatæ. J. Fateor duntaxat, iis, qui volunt immori studiis. H. Non poteras heri sesquihoram detrachere ludo tuo aut saltem horam unicam? J. Tu stude quantum velis: ego verò ludam quamdiu licebit. H. Per me quidem licebit: sed in erim parum promovebis in literis

teris. J. Nonne præceptori satisfacio? H. Utunque.
J. Tu igitur studiose, vis esse præceptore ipso severior?
Omitte me tandem, age tuum negotium, ego meum.
H. Age, age, ut libet.

COLL. 33.

Rufus, Cagerius.

Quando repetes ludum literarium? C. Nescio. R. Cur
de hac re patrem non admones? C. Quid putas me
curare? R. Parùm admodum, ut credo. C. Profecò verum
dicis. R. Satis est signi te non amare literas. C. Scio legere,
scribere, Latine loqui, saltem mediocriter: quid opus est
mihi tantà scientià? Ego plura scio quam tres sacerdotes
Papistici. R. O miserum adolescentem! ficcine rem con-
temnis inæstimabilem? C. Quid tu sic exclama? Unde
tibi videor miser? R. Amice, nulla tibi a me orta est in-
juria. Quod enim tibi dixi, non est convitium; ne tu in
malam partem accipias; sed misereor tui, quia id con-
temnis, quod felicitatem parit. C. Lucrum, divitiæ, & vo-
luptas felicitatem pariunt. R. Imo ista multis fuerunt
exilio; tamen divitiæ sunt donum Dei; nec nocent, nisi
iis qui abutuntur: verum enim verò nulla est homini pre-
tiosior possessio quam virtus, & rerum honestarum cog-
nitio. C. Vis igitur concionari, ut video. R. Utinam di-
vinas conciones audivisses diligenter! C. Hem! obtundis
me; nunquid vis? R. Ut bonam mentem det tibi Deus.
C. Ea fortasse tibi magis est opus, quam mihi. Vale.

COLL. 34.

A. B.

Miror ego quid tibi velis; tu ferè semper es otiosus,
aut garris, aut ineptis. B. Quid vis faciam? A. Ut
studeas diligenter. B. Cur me istud mones? A. Pro meo
in te amore, tuàque utilitate. B. Frustra mones. A. Quid ita?
B. Quia non est mihi animus in literis. A. Quid ergo vel-
les? B. Discere aliquam artem aptam ingenio meo. A.
Jamne cogitasti quænam ars tibi placeat potissimùm?
B. Jampridem. A. Cur ergo patrem non admones? B. Nun-
quam ausus sum. A. Cur non? B. Vereor ut mihi irascatur.

A. Roga

A. Roga præceptorem; ut illi dicat. B. Imò te oro, Dic tu ipse præceptori meis verbis: nam verecundia me impedit. Facièsne quod rogo? A. Faciam certè, idque libentissimè. Valde enim tædet me videre te adeò remissum. B. O quam mihi gratum feceris! A. Sed præceptor te appellabit. B. Quid tum? Oblata occasio me audacem reddet ad mentem meam libere aperiendam. A. Rectè judicas. B. Tu igitur fac promissi memineris: deinde renuntia mihi quid ille responderit. A. Alioquin essem tibi nuntius inutilis.

C O L L. 35.

Michael, Frisius.

Salve, *Frisi*. F. Tu quoq; salvus sis, *Michael*. Quota est hora? M. Mox audies sonum semihoræ post quintam. F. Bene habet, maturè satis aderimus. M. Gaudeo me tibi occurrisse, ut euntes *Latine* tantisper colloquamur. F. Ea sane est utilis & jucunda exercitatio. M. Quoties incido in aliquem ex istis dissolutis nebulonibus, mallem rhedarium offendisse. Non enim per eos mihi licet aliquid in via meditari, adeo mihi sunt eorum mores otiosi. F. Nihil mirum. Nam ferè sunt ejusmodi, ut nèque loqui velint quidpiam boni neque audire sustineant. M. Quid cum illis agas, quibus nihil est curæ, nisi ut suas libidines expleant? F. Nihil aliud crepant, niù suas cupedias, & meras computationes in secretis cauponulis. M. Etiam nos irrident plenis buccis, quod *Latine* per vicos loquamur. Illud verò est omnium pessimum, quòd nusquam se patiuntur admoneri. P. Quia scilicet (ut ait Propheta) *Non est timor Dei ante oculos eorum*. M. Si quid ocep-eris amice commonere, statim audies. Tace concionator, obtundis me. Quòd si dixeris, Deferam te ad præceptorem aut observatorem: Oh, egòne curo? inquirunt: tu non auderes. Nam si me accusares, non feres impunè. E. Imò verò te continuò verberabunt, si locus erit semotus ab arbitris. M. Profectò, cum quidam eorum me nuper offendisset in quodam recessu, impegit mihi in utramque malam duos ingentes colaphos, & aufugit

ro, Dic
me im-
dque li-
o remis-
d pra-
asio me-
endam.
nineris:
. Alio-

continuó. F. Quid tu, quæso, interea ? M. Quid istud quæris ? tam istud subitum fit, ut vix hominem aspicere potuerim. F. Sed qui tam citò & senim ad scholam pervenimus ? M. Sic ferè confabulantibus usu venire solet. F. Age, ingrediamur sine murmure & strepitu, ne studentes offendamus.

C O L L. 36.

Probus, Amiculus.

Unde adfers istam tuniculam ? A. A domo. P. Quid vis facere ? A. Volo induere. P. Nunc non est mutandi tempus ? A. Quando igitur ? P. Cras manè, quum fures e lecto. A. Bene mones, expectabo.

C O L L. 37.

Antonius, Daniel.

Euge audi vi sororem tuam nupsisse. D. Verum au-
disti. A. Quis est maritus ejus ? D. Quidam civis
Londinensis, honestis parentibus progenitus. A. Estne
dives ? D. Sic habetur, sed tamen pater meus hæc
longè pluris facit : primùm, quòd ille sit benè moratus
adolescens, deinde, quòd non solum doctissimus, sed etiam
bonarum literarum amantissimus : deniq; quod verus Dei
cultor, & *Christiana* religionis summus observator. A.
Mihi narras egregios adolescentis titulos. O felicem so-
rorem tuam, quæ Dei Beneficio talem virum nacta est !
D. Felicem sanè non abs re dixeris, siquidem bonum
illud perpetuò sic agnoscat, ut semper meminerit ex
Dei bonitate profectum esse, ob idque immortales agat
eidem gratias. A. Credo id facturam. D. Ità spero qui-
dem : sic enim a parentibus semper instituta est in do-
ctrina *Christiana*. Sed me jam aliò revocant domestica
negotia. Ergo vale, mi *Antoni*. A. Tu quoque bene va-
le, suavissime *Daniel*. D. Nunquid vis ? A. Ut verbis
meis dicas salutem plurimam tuis omnibus, præcipue
patri matrique, & ipsi novæ nuptæ ; méque illi gratu-
lari faustum illud conjugium. D. Ego verò id faciam, &
quidam libentissimè.

C O L L.

COLL. 38.

Henricus, Gerardus.

Hodie te non vidi in concione, quid id sibi vult? **G.** Quid sibi velit nescio, ego tamen interfui. **H.** Narra mihi quæ mandasti memoriæ. **G.** Non est tuum a me rationem exigere. **H.** Ego quidem non exigo, verum id rogo, ut memoriæ causa conferamus una. **G.** Malim nunc solus recordari. Audies me (si voles) cum præceptor ante prandium nos interrogabit. **H.** Quid mali esset, si nunc inter nos eâ de re conferamus! **G.** Nihil mali esset, fateor; sed nunc mihi non libet. **H.** Tua igitur te libido regit. **G.** Omitte me; cur molestus es? **H.** Omitto sanè; sed audi unum verbum. Non decet puerum esse tam morosum. **G.** Nec puerum decet esse tam molestum.

COLL. 39.

Rublius, Lepusculus.

Quid fecisti de regula mea? **L.** Reliqui in pergula superiore. **R.** Cur eam reliquisti? **L.** Oblitus sum. **R.** Non recte factum; sed tu sic ferè soles, si quid tibi fuerit commodatum. **L.** Piget me negligentie meæ. **R.** Non satis est dolere, nisi mores mutare velis. **L.** Deum precabor, ut mihi mutare velit. **R.** Si sapi's; alioquin nemo tibi posthac commolare volet. **L.** Habeo gratiam, quod me tam amice monueris. **R.** I nunc petitum meam regulam; est enim eâ mihi opus ad ducendas in charta lineas. **L.** Nunc eo. **R.** Refer ad me in cubiculum. **L.** Mox habebis.

COLL. 40.

Emericus, Baldus.

Cur solus rides? **B.** Quid tu? **E.** Quia fortasse rides me. **B.** Unde tibi orta est ista suspitio? **E.** Quia malus es. **B.** Omnes quidem mali sumus; at ego te pejor non sum. Nemo igitur ridet, nisi aliquem irrideat? **E.** Non sic intelligo; sed qui solus ridet (ut sæpe audiui) aut stultus est, aut aliquid mali cogitat. **B.** Ista sententia cujus sit nescio; sed cujuscunque ut, non est perpetuò vera, tamen
a dmo.

admonitionem in bonam partem accipio, teque moneo vicissim, ut caveas suspiciosus esse: *Nam timidus & suspectus aptissima mors est*, ut est in morali nostro carmine. E. Memini: boni tamen consulo admonitionem tuam.

COL L. 41.

Nathanael, Mercurius.

Unde venis? M. Domo. N. Quid agitur domi vestræ? M. Nihil tuâ refert. N. Fateor: sed familiares sic rogare ferè solemus perinde quasi rogemus, *ut valetis? Quomodo se vestræ res habent?* M. De re aliena nimis percontari non decet. N. Taceo: sed videris mihi pro ætate nimis sapere. M. Nihil meum dico; id audiivi sæpe. N. Ego quoque non semel audiui. M. Cur ergo non uteris? N. Quia non semper in mentem venit. M. Imò quia tu es percontator; quæ res non sine causa datur vitio. N. Habeo gratiam, quod me ad eò amicè moneas; posthac. adjuvante Deo, cavebo ineptus esse. M. Ità paulatim sapiens.

COL L. 42.

Humbertus, Plautinus.

Heus tu, Præceptor adest. P. Quid tum? H. Respice ad illum. P. Quomobrem? H. Ut ei caput aperias, & venientem salutes. P. Ita decet facere; sed aliud cogitabam. H. Tace.

COL L. 43.

Portanus, Marcus.

Unde redis? M. Foris. P. Cur exieras? M. Redditum urinam. P. Qualis est cœli facies? M. Nebulosa. P. An regelat? M. Sic resolvitur gelu, ut nives omnino liquefiant. P. Etiâ mne pluit? M. Sensi aliquid supernè distillare. P. Fortasse in transitu, è stillicidio testis. M. Imò è nubibus, scio; quòd si non credis, vide tu ipse. P. Quasi ego tibi non credam in re tantilla. M. Cur igitur dubitare videbaris? P. Ut pluribus verbis tecum fabularem. M. Quorsum id pertinet? P. Ad *Latinum* sermonem exercendum. M. Sed interim sæpe otiosa verba dicimus, à quibus om-

nò abstinendum *Christus* præcepit. P. Totâ erras viâ in præcepti intellectu. M. Cur istud dicis? P. Quia *Non est otiosus sermo, qui ad aliquam institutionem refertur, præsertim ubi agitur de bonis & honestis, qualia sunt Dei opera in rebus naturalibus.* M. Videris mihi rectè sentire; proinde facilè tibi assentior. P. Sed hæc hactenus; inflat nobis aliud negotium. M. Agè, definamus.

COLL. 44.

Trolleanus, Bolanus.

SCin' tu quota sit hera? B. Non certum scio: sed video instare cœnæ tempus. T. Me miserum! oblitus sum adire matrem, quæ iusserat. B. Curre, curre; opportunè venies, ut cœnes domi. T. Rectè mones, eo rogatum veniam. B. Ecce hypodidasalum. T. Optimè adest.

COLL. 45.

Rolandus, Languinus.

Quid ais de scalpello, quod emeram tibi nudi iustitiam? Estne satis bonum? E. Imo vero est optimum: sed (me miserum) parùm absuit quin perdideram. R. Eho, quid ais? quomodo id accidit? L. Cum redirem foris, exciderat mihi in vico. R. Unde exciderat? L. E theca mea, quam imprudenter apertam reliqueram. R. Quomodo, recuperasti? L. Affixeram statim chartulam valvis januæ: post prandium quidam puer sextæ classis mihi attulit. R. Utinam omnes tam fideles essent, qui res amissas reperiunt! L. Profecto pauci sunt, qui restituent; si modo sit res alicujus pretii. R. Et tamen id verbo Dei nominatim præcipitur. L. Quidni? Est enim furti species, si quis rem alienam inventam retineat; modò sciat cui reddenda sit. R. At plerique putans se jure possidere quicquam amissum invenerint. L. Errant illi quidem gravissimè. R. Verùm (ut redeamus ad inceptum sermonem) quid dedisti puero, qui scalpellum tuum invenerat? L. Dedi sextantem, & nuces aliquot juglandes; laudavi præterea, & paucis admonui idem semper esse faci-
facien-

viâ in
ia Non
fertur,
a sunt
rectè
c hac-
amus.

video
s sum
rtunè
garum
adeft.

fter-
um :
Eho,
foris,
theca
Quo-
a val-
mihi
i res
titu-
erbo
furti
modò
jure
illi
tum
n in-
des;
esse
ien-

faciendum. R. Rectè fecisti, sic enim libentiùs reddet ali-
às si quid reperit. Sed quid si perdisse? L. Æquo ani-
mo tulissem, & mihi emissem aliud. R. Itàne æquo tulif-
ses animo? L. Certè non sine aliqua molestia. R. Non
igitur æquo animo; sed nolo te arctiùs urgere. L. Non su-
mus Theologi. R. Quid ergo? L. Grammaticuli. R. Et
quidem imperiti. L. Tantò diligentius Deum precari de-
bemus, ut per *Evangelium* suum nos liberet ab ignoran-
tiæ tenebris; in quibus versati sumus & adhuc versamur.
R. Id verò faciemus, si sanctis admonitionibus pareamus,
quas audimus quotidie à præceptore, & sæpe à conciona-
toribus, divini verbi ministris. L. Vide quantum pro-
tuerit nobis scalpelli mei amissio. R. Ob eam rem tibi du-
pliciter gratulor: primùm quòd tibi rectè emerim, dein-
de quòd amissum recuperaveris. L. Habeo tibi gratiam.
mi Rolande. R. Quin Patri nostro cœlesti sit laus, &
gratiarum actio. L. Amen.

COLL. 46.

Mercurius, Calvinus.

Mihi non videris nimis occupatus. C. Mediocriter.
M. Quid si mihi exacuas duas aut tres pennas? C.
Satis fit tibi, si unam acuero in præsentia. Sùntne novæ?
M. Novæ quidem; sed para te usque dum acuantur: Jam
enim lævigavi, caudam rescidi, detraxi plumulas. C. O-
stende: profectò sunt optimæ, & ad scribendum aptis-
simæ. M. Unde istud nosti? C. Quia sunt caule amplo,
firmo, & nitido: nam molles & quæ caulem breviorē
habent, parùm sunt ad scribendi usum habiles. M. Gaudeo
me utiliter emissee. C. Non abs re; sed quanti? M. Pro his
tribus dedi quadrantes duos. C. Singulas igitur binis emi-
sti denariolis. M. Res apparet. C. Est vile pretium, pro rei
bonitate; de quo emisisti? M. De quodam circumfora-
neo. C. Apud hujus oppidi mercatores singulæ, & quidem
minùs bonæ, venduntur sextantibus. M. Et tamen audent
interdum dicere, pluris si constare Londini. C. Ea serè
est mercatorum consuetudo; Nihil enim proficiunt nisi

admodum mentiantur; ut ait Cicero. M. Sed agè, ne te diutius remorer, agamus, quod instat. C. Citò expedierò; aspice me diligenter, ut discas aliquando. M. Aspicio intentis oculis; sed mihi opus esset spatio paulo longiore. C. Istud ergo fiet in cubiculo, si quando me velis invisere. M. Quo tempore? C. Post scholæ missionem, hoc est, horâ nonâ matutinâ, vel quartâ pomeridianâ. Nunc habes pennas duas, rectè (ni fallor) in usum tuum accommodatas. Hanc tertiam in aliud tempus tibi integram servabis. M. Accipe tibi, si placet. C. Quin tibi serva; domo adferuntur mihi satis multæ. M. Ago tibi quantas possum gratias; vale. C. Incolumem te conservet Deus. Sed heus, ne parcas unquam labori meo. M. Tu quocumque & me & rebus meis vicissim utere, si quid opus fuerit. Iterum vale.

COLL. 47.

Puteanus, Buerla.

UNde veniebas modò? B. E. culinâ P. Quid illuc iveras? B. Ut me calefacerem. P. Tu, credo, libentius es in culina, quàm in schola, nonne? B. Nihil mirum; in schola non est ignis, sicut in culina. P. Abi, sapias. B. Urinam tam saperem in divinis rebus quàm in cura corporis! P. Fac sapias. B. Quomodo? P. Studio, curâ, labore & diligentia. B. Non parco labori. P. Rectè facis: sed est tempus expectandum cuius progressu fiunt omnia: interea precandus est Deus assiduè. B. Benè mones; utinam ille studia nostra promoveat in gloriam sui nominis! P. Id faciet, si pergamus eum colere diligenter.

COLL. 48.

Puteanus, Cupusius.

Quid tecum cogitas. Cupusi? C. libenter irem domum. P. Quid eò? C. Ut me his diebus parumper recrearem cum matre. P. Quid obstat, quò minùs eas? C. Præceptor non vult permittere. P. Melius tibi consulit quàm ipse putas. C. Quomodo? P. Nam interea perderes multum temporis, & cum rediisses, tibi doleret. Nonne verum dico? C. Profectò sic est. P. Mane igitur, si sapias. C. Parabo

rebo tuo consilio, quia mihi rectum viderur. P. Nollem sciens malum tibi consilium dare. Atque, utinam quod suadeo succedat tibi prosperè! C. Spero ita fore, Deo valente.

C O L L. 49.

Martialis, Blaneus.

Quantum habes pecuniæ? B. Asssem cum semisse: tu vero? M. Non tantum. B. Quantum igitur? M. Unicui asssem. B. Vis mihi dare mutuò? M. Est mihi opus. B. In quem usum? M. Ad emendam chartam. B. Hodie reddam tibi. M. Addendum fuit, Deo juvante. B. Sic docet Præceptor ex verbo Dei, sed non possum assuescere. M. Fac assuescas. B. Quomodo id fiet? M. Si sæpe cogites nos à Deo sic pendere, ut nihil possumus sine ejus auxilio. B. Bonum mihi das consilium. M. Quale mihi dari velim. B. Sed (ut ad propositum redeamus) dabis mutuò istum asssem? M. Miror te mutuò petere, qui plus habeas quàm ego. B. Est quidam Scholasticus hâc transiens, qui librum venalem ostentat. M. Quid tum? B. Cupiebam emere, quia vilius indicat quàm noster bibliopola. M. Accipe; sed, quæso, unde tam citò reddes? B. A. cœna ibo domum, ut à matre petam. M. Quid si dare nolit? B. Nihil cunctabitur, cum librum ostendero.

C O L L. 50.

Montanus, Eusebius.

Quot annos habes? E. Tredecim, ut à matre accepi: tu verò? M. Equidem tot non habeo. E. Quot igitur? M. Decem unus. E. Sunt ergo duodecim. M. In promptu est ratio. E. Sed frater tuus quotum agit annum? M. Quintum. E. Quid vis? jam *Latine* loqueris. M. Quid miraris? semper habemus domi pædagogum & doctum & diligentem: is semper nos *Latine* loqui docet: mihi *Anglicum* effert, nisi aliquid declarandi causâ, quin etiam patrem non audeamus nisi *Latine* alloqui. E. Nunquam igitur *Anglice* loquimini? M. Solum cum matre, idque certâ quadam horâ, cum illa nos ad se vocari jubet. E. Quid agitis cum familia? M. Cum familia rarus est nobis sermo, & quidem tantum in transitu, & tamen famuli ipsi nos *La.*

tinè alloquuntur. E. Quid ancillæ? M. Si quando usas postulat ut eas alloquamur, utimur sermone vernaculo, ut solemus cum ipsa matre. E. O vos felices, qui tam diligenter docemini! M. Est Deo gratia, cujus dono patrem habemus, qui curet nos tam accuratè erudiendos. E. Certè ejus rei laus & honor unico cœlesti Patri debetur. M. Sed quid agimus? jam audio recitari catalogos. E. Ergò festinemus.

C O L L. 51.

Sylvius, Ludovicus.

Quid tristis es, *Ludovice*? L. *Ægrotō*. S. Quid morbi est? L. Nescio. S. Sed tamen estne gravis morbus? L. Non admodum, gratia Deo. S. Quidnam tibi dolet? L. Caput. S. Quid? totūne caput? L. Non certè. S. Quid ergo? utrum sinciput, an occiput? L. Hæc pars anterior. S. Est ergò sinciput. L. Quid igitur faciam? S. Quiesce; benè mox sanus eris. Sic enim à matre accepi, Nullum esse præsentis remedium capitis doloribus quàm quietem. L. Atqui sunt varii morbi capitis. S. Et varia fortasse remedia: sed quid est facilius quàm id tentare quod dixi tibi? L. Experiri quidem nihil (ut spero) nocebit: sed ubi quiescam? S. Domi vestræ, in lecto. L. Mater non finet. S. Imo, si dixeris te ægrotare. L. Atqui me putabit simulare. S. Fieri potest: sed quid dubiras periculum facere? L. Bonum consilium. S. Utere, si vis. L. Faciam profectò. S. Enimverò, si sapias. L. Sed unum restat. S. Quid est? L. Impetranda à præceptore venia. S. Adi, & pete. L. Quid si nolit dare? S. Imò facillimè. L. Qui scis istud? S. Quia fatis est credulus nobis nisi qui aliquoties illum fecellerunt. L. Nunquam sciens illum fecelli. S. Ito igitur fidenter. L. Nunc eo. S. Sed heus, priùs meditare quid sis dicturus, ne forrè loquendo hæreas. L. Benè mones; non accedam imparatus.

C O L L. 52.

Paulus, Timotheus, Solomon iudex.

Optatus mihi ades, *Timothee*; quærebam, qui mecum certare vellet; sed omnes à lusu certamen currunt:

ruat: tu verò quid ais? T. Quid ego malim, quam tecum de nostris studiis pacificè contendere? P. Sed quod petis certandi argumentum? An de repetendis *Ciceronis Epistolis*? T. Malo de *Catone*. P. Quamobrem? T. Quia restant mihi ediscendæ aliquot prælectiones de *Cicerone*. Scis enim me ægrotasse ferè duas hebdomadas. P. Memini. Vis igitur dicamus secundum librum *Moralium Distichorum*? T. Est longus nimis in hanc horam. P. Quid ita? T. Quia nobis aliquandiu ludendum est, ut corpus exerceamus ad valetudinem conservandam. P. Dicamus ergò librum tertium, qui est brevissimus. T. Sed iudicem volo. P. Præstò est *Solomon*, qui me ob eam rem sequitur. T. Vis igitur, *Solomon*, audire nos? S. Quid dicturi estis? P. Tertium librum *Distichorum Moralium*. S. Nonne alterni dicetis? T. Scilicet suum uterque *Distichum*. S. At pueri (nè erreris) nolo vos audire tanquam iudex. P. Cur non? S. Nè fortè meâ sententiâ alteruter amicorum offendatur. T. In quo igitur nobis eris adiutor? S. Notabo in chartula diligenter utriusque lapsus; deinde referetis ad præceptorem. T. Quid tum fiet? S. Ille, utri videbitur, & victoriam & præmium adjudicabit. P. Eris igitur nobis tantum testis? S. Sic intelligo. T. Optima sanè videtur mihi ratio. P. Mihi quoque valdè probatur. S. Sed unum restat. T. Quid est? S. Vultisne præter lapsus manifestos hæitationes etiam notari? T. Sic volunt præceptoris leges super hac re. S. Date mihi librum in manum ut certius observare possim. P. Tene meum. T. Incipiāne? P. Æquum est, quia tu à me provocatus es. T. Audi (quæso) *Solomon*, sed diligenter. S. Tu verò cave dicas negligenter.

T. Hoc quicumque cupis carmen cognoscere, Lector,
Hæc præcepta feres, quæ sunt gratissima vitæ.

P. Instrue præceptis animum, nec discere cesses:
Nam sine doctrina vitæ est quasi mortis imago.

T. Commoda multa feres: sin autem spreveris illud,
Non me scriptorem, sed te neglexeris ipse.

P. *Cum rectè vivas, nè cures verba malorum :
Arbitrii nostri, &c.*

Sic pergunt ad finem usque libri tertii.

COLL. 53.

Dionysius, Gulielmus.

G Ratulor tibi reditum, *Gulielme*: quando rediisti rursum? *G.* Heri post meridiem. *D.* Quid mater? *G.* Quem admodum illa me secum duxerat, ita reduxit. *D.* Nonne venit in equo? *G.* Et quidem tolutario. *D.* Tu verò? *G.* Quid rogas? eram illi à pedibus. *D.* Non tibi fuit molestus labor itineris? *G.* Nulla mihi fuit via difficilis, adeò erat jucunda in urbem reditio. Quid quæris? noluissem eques venire. *D.* Quantum distat hinc villa vestra? *G.* Quatuor milliariibus, iisq; non admodum longis. *D.* Sed jam satis de reditu: nunc aliud agamus. Fuisine memor promissi tui? num redisti vacuus? *G.* Attuli uvarum quantum potui. *D.* Quantum igitur? *G.* Quasillum. *D.* Hui! quasillum? tibi igitur uni. *G.* Imò nobis duobus. *D.* Quid duobus tantillum? *G.* Non poteram ferre amplius pro viribus corpusculi mei. Quòd si robustus essem, asini onus asportassem; mater enim facile permittebat. *D.* Quàm vellem adfuisse? *G.* Ego & mater te plurimum desideravimus. Sed esto animo bono, ea reliquit famulum reri, qui amplissimam corbe onustus veniet: tum illa tibi dabit affatim. *D.* Aha, nunc optata loqueris, mi *Gulielme*. *G.* Eamus domum ad nos, videbis quasillum nostrum adhuc (ut spero) integrum. *D.* O lepidum caput! nam & cupiebam ire salutatum matrem tuam mihi charissimam. *G.* Profectò illi gratissimum feceris. *D.* Eamus igitur.

COLL. 54.

Antonius, Bernardus.

Quid hic solus cogitas? *B.* Meam deploro miseriam. *A.* Quanam te afficit miseria? *B.* Heu me miserum? ecce mutavimus classem, nec est mihi pecunia unde liberos emam. *A.* An non tibi dat pater? *B.* Dat quidem inter-

interdum sed parcè nimis. A. Est igitur avarus. B. Non sequitur. A. Quid igitur impedit quò minus tibi pecuniam suppeditet? B. Paupertas; præterea, cum peto, miratur tot nobis opus esse libris. A. Nihil mirum, præsertim cum sit pauper: sed interim esto animo bono, nec te affliges, quæso. Dabo operam, ut te juvet pater meus: libenter enim largitur pauperibus, præsertim iis quos novit bonarum literarum studiosos esse. B. O me felicem, si tuâ operâ me Deus adjuverit: A. Juvabit, spero: sed tu interim precare illum diligenter, ut mei patris animi erga te affectum reddat. B. Bene mone; nam (ut sæpe audi-vi è sacris concionibus) (*Solus est Deus qui hominum corda gubernat & dirigit.*) A. Ita res habet. B. Vale, mi Antoni, qui mihi animum reddidisti. A. Tu quoque, Bernarde, Vale: sed dic mihi, quæso, quantum nummorum tibi opus est? B. Si duos haberem decusses abundè mihi esset in præsentia. A. Tace; cras (ut spero) divinum auxilium senties.

COLL. 55.

Philippus, Vultherius.

QUO nunc is? V. In hypocaustum. P. Quis eò? V. Hoccino regandum est? non frigus sentis? P. Quotulquisque nunc non sentiat, cum sit adeò acerbum? Sed ego malim me in culina calefacere. V. Atqui præceptor vetuit. P. Non ignoro: sed rogabam veniam. V. Cur non vis in hypocausto calefieri? P. Vapores clibani tentant mihi caput, quod alioquin infirmum satis habeo; unde fit ut facile ex capite laborem. V. Ego quoq; sic aliquando fui; sed paulatim assuefeci me ad ferenda hypocausti incommoda. P. Et ego (ut spero) me assuefaciam: verùm præstat id fieri horis pomeridianis, ubi tantus æstus deturbuerit. V. Sed nunc tempus non est hîc Philosophandi diutiùs: jam mihi dentes frigore crepitant.

COLL. 56.

Stratannus, Toerbalus.

QUÆ sunt arbores in horto vestro? T. Hortum habemus suburbanum, in quo sunt olera, quibus vescimur

mur quotidie; præterea sunt in fundo nostro bini horti variis arboribus confiti. S. In horto quæ sunt olera? T. De hoc mater melius respondere posset. Nam illuc sæpe versatur aut serendi causa, aut sarriendi, aut aliquid colligendi. S. Sed tamen dic mihi aliquot olerum nomina. T. Parùm prodesset nomina tibi recensere, nisi res ipsas videris: quin eamus in rem præsentem. S. Potes ire quando libet? T. Possim quidem, matre permittente. S. Fac amabo permittat; sed eâ lege ut me tibi comitem assumas. T. Id facillimè fiet; tantum hîc me expectes: mox rediero. S. Quid si ea domi non est? T. Tamen hoc tibi renuntiabo. S. Bene vertat Deus.

COLL. 5.

Præpositus Caulonius.

Hodie pecuniam a patre accepi, si tibi fortè est opus. C. Nihil nunc opus est mihi, sed tamen gratiam habeo maximam, quòd pro tua liberalitate ultrò mihi offers beneficium. Quotus enim quisque id faciat? P. Credo esse paucissimos: tu me tamen non semel beneficiis provocasti. C. Adeo parva illa fuerunt, ut non sint commemoratione digna. P. Non est parvum beneficium, quod ab optima voluntate profectum est. C. Utinam Dei erga nos beneficio tam expenderemus, quam solemus hominum? P. Faxit ille ut in ea cogitatione nos exerceamus & sapius & diligentius. C. Illud profectò necesse est, si volumus ejus benignitatem sapius experiri.

COLL. 58.

Fatonus, Barbarius.

Quid agi? B. Scribo. F. Quid scribis? B. Describo dicta præceptoris. F. Quæ iam? B. Hesternæ. F. Quia? non adera? B. Imò aderam: sed non poteram magistrum distantem assequi. F. Quæ res impendebat? B. Quod satis commodè non sederem. F. Veneras, ergò serius? B. Istud est. F. Cede commentarium tuum; ego met tibi scribam. B. Quid faciam lucri? F. Ego citius, quam tu descripsere; post ludemus utrà, ut concessit præceptor. Da (inquam) libellum tuum. B. Libenter id quidem facerem.

rem; sed non audeo. F. Quid times? B. Edictum præceptoris. F. Quid mihi edictum narras? B. Nescis cum vetuisse, ne quis sine permissu ejus alteri scribat? F. Id Ego probè memini: sed unde hoc sciret? B. Rogas? cum emendandi causâ scripturæ rationem exiget, tum captus ero: novit enim manum meam. Præterea, neque fallendum est, neque mentiendum. F. Verbo Dei utrumque veramur. B. Quid ergò responderem præceptoris, cum ille negaret me ista scripsisse? F. Non eò res evadet, spero. B. Nolo tua spe tantum subire periculum. F. Vah, nimium timidus es, nunquam rem facies. B. At tu forsitan audacior. F. Tu igitur scribe quantum voles; ego ad ludendum me confero. B. Abi, quæso; jam unam paginam descripsissem, nisi me interpellâsses. F. At interim aliquid proficimus, dum *Latine* fabulamur.

COLL.

Quirinus, Romulus.

VEnitne pater ad mercatum hodiernum? R. Hodie manè convenit me, cum adhuc è lecto surgerem. Q. Nihil ab eo petisti? R. Imò pecuniam. Q. Et numeravit? R. In præsentia. Q. Quantum, obsecro? R. Viginti asses. Q. Pater! asses viginti? quâ sit, ut audeat tibi tantum pecuniæ committere? R. Quia novit me dispensatorem frugis. Siquidem semper illi reddo rationem usque ad teruncium. Q. Sed ægre torralis impetrâsti. R. Imò facilimè, atque adeò cum gratia. Q. O mitem parentem! R. Certè mitissimum. Sed (ut ad rem) quid facies ista pecunia? R. Emam libros & alia mihi necessaria. Q. Potèstne mihi aliquid mutuo dare? R. Possam, si modo eges. Q. Nisi egerem, non peterem. R. Quantum vis à me accipere? Q. Quinque asses. R. Accipe. Q. O verè amicum animum? R. Amicus verus non est, nisi qui amicum juvat in tempore, si tamen habet unde juvet. Q. Amicus certus (ut est in Proverbio) in re incerta cernitur. R. Quando reddes mutuum? Q. Ubi primum pater in hanc urbem venerit. R. Quando venturum speras? Q. In mercatu proximo, nempe ad octavam diem *Octobris*.

COLL.

COLL. 60.

Paedagogus, Puer.

Hodie manè quorà horà expergefactus es? Pu. Ante lucem; quorà horà nescio. Pæ. Quiste expergecit? Pu. Venit excitator hebdomadarius cum laterna sua, pulsavit acriter ostium cubiculi; quidam aperuit; excitator accendit nostram lucernam; clarà voce inclamavit. Experrecti sunt omnes. Pæ. Narra mihi ordine quid egeris ex illo tempore usq; ad finitum jentaculum. Vos pueri, auribus atque animis diligenter attendite, ut discatis hunc vestrum condiscipulum imitari. Pu. Experrectus sum, surrexi è lecto, indui tunicam cum thoraci, sedi in scabello, accepi femoralia & tibialia, utraque indui, calceos calceavi, femoralia ligulis astrinxi thoraci, tibialia periscelide ligavi super crura, cingulo me præcinkxi, caput diligenter pexui, aptavi capiti pileolum, togam indui; deinde egressus cubiculo descendi infra, urinam in area reddidi ad parietem, accepi aquam frigidam è situla manus & faciem lavi, os & dentes colui, deterxi mantili manus & faciem. Interea signum ad precationem datur minore tintinnabulo: in aulam privatam convenitur, precamur unà, accipimus ordine jentaculum à famulo culinario, jentamus in triclinio sedentes quieti, sine murmure & strepitu; quos audiui ineptè garrientes, aut verba loquentes otiosa, aut etiam lascivientes vidi, amicè admonui: qui non paruerunt admonitioni, detuli ad observatorem, ut eos notaret. Pæ. Nemóne vobis præerat dum jentaretis? Pu. Imo Hypodidasculus. Pæ. Quid agebat interea? Pu. Ille per mediam aulam ambulabat tenens librum in manibus, & identidem monens observatorem, ut notaret ineptè garrientes. Pæ. Nullúmne igitur verbum tunc licet emitte? Pu. Imo licet; verùm ii demum notari soient, qui diu & multis verbis ineptè & sine ullo fructu confabulantur. Cæterùm licet omnibus jucundos inter se tractare sermones de bonis & honestis rebus, dum tamen id modestè fiat, citra clamorem & contentionem. Pæ. Hactenus satisfacisti mihi; cætera narrabis à prandio

zio, nisi aliquid negotium intervenerit. Eamus nunc in
aulam ad prandium, nè magistro in mora simus. Pu. Au-
divi modo signum dari. Pæ. Opportunè datum.

COLL. 61.

Magister Discipulus.

UBI finivisti narrationem ante prandium? D. Cùm
vellem finem imponere de jentaculo, tu me inter-
pellasti, Præceptor. M. Perge igitur narrare ordine reli-
qua. D. Dum jentandi finem facimus, datur publicum
signum posterius; sumit quisque libros; imus in aulam
communem; recitantur de more catalogi singularum clas-
sium; qui adfuit, ad nomen respondent; ego quoque re-
spondeo; absentes notantur in catalogis ab ipsis nomen-
clatoribus. Finitâ catalogorum recitatione, ludimagister
pulpitum ascendit, ut precetur; jubet nos attentos esse,
tùmque publicè precatur; ubi precatus est. Recipite, in-
quit, vos in suum quisque auditorium. Conveniunt omnes,
ego item venio cum meis condiscipulis; sedeo in loco
meo; præceptor ingreditur; inquit de absentibus; dein-
de sedet in cathedra sua, & jubet pronuntiari auctoris
scriptum. Pronuntiavimus terni clarâ voce, ut solemus
quotidie. Tum jubet ut reddamus interpretationem; ali-
quot ex rudioribus legunt singuli: nos alii reddimus ter-
ni, idque memoriter, præter eum qui verba ipsa auctoris
præsit nobis ordine. Tandem præceptor exigit *Anglicam*
verborum significationem: doctiores, quibus nominatim
id præcipit, respondent: ego quoque jussus ab eo, re-
spondeo; laudat illos qui bene responderint, de quorum
numero ego (quod sine jactantia dictum sit) unus eram.
Postea jubet singulas orationis partes ordine tractari, ad
rationem Grammaticam. Postremò palam præscribit, quid
sit à prandio reddendum: auditâ hora octavâ, pre-
cationem imperat; quâ finitâ, monet ut officium sedulò
faciamus: tandem non missos facit. Eo spectante, ex-
imus ordine & sine strepitu, lætique discedimus, Satisne
tibi feci, præceptor? M. Immo cumulatissimè. D. Placètne
tibi

tibi ut sub coenæ tempus idem faciam de reliquis hujus diei actionibus? M. Nihil opus erit, Nam de iis quæ horis pomeridianis aguntur, alias te audiui satis. D. Nunquid vis præterea? M. Estne tempus eundi in aulam communem ad *Psalmodum* cantionem? D. Tempus est. M. Ito igitur.

COLL. 62.

Pædagogus, Puer.

ADes, *Carole*? Pu. Adsum, præceptor. Pæ. Quid agunt duo condiscipuli tui? Pu. Adhuc docentur à subdodore. Pæ. Tu vero jamne pronuntiasti contextum prælectionis in crastinum mane? Pu. Pronuntiavi. Pæ. Satisne recte? Pu. Satis gratia Deo. Pæ. Quis te audiuit? Pu. Ludimagister. Pæ. Bene habet; sed est, quod monere te velim. Pu. Eho istud audire percipio. Pæ. Sæpenumero cogitandum tibi est, quantum debeas bonorum omnium largitori Deo, qui & ingenium & memoriam tam felicem tibi dederit. Pu. Quid illi non debemus, qui mihi dedit omnia? Pæ. Dic aliquot ejus beneficia præcipua, quemadmodum docui te aliquando. Pu. Dedit mihi celestis ille pater corpus, animam, vitam, mentem bonam, parentes bonos, locupletes, nobiles, bene erga me affectos; & qui non modo suppeditant mihi copiose omnia ad hanc vitam necessaria, sed etiam (quod est longe maximum) me bonis literis, bonisque moribus tam diligenter instituendum curant, ut nihil sit præterea requirendum. Pæ. Verè omnia ista dixisti, sed unum prætermisisti, quod est singulare Dei beneficium. Scin' tu quid sit? Pu. Sine me paulisper cogitare. Pæ. Otiosè cogita. Pu. Nuncego reminiscor; sed promagnitudine rei, nescio quibus verbis id possum exprimere. Pæ. Dic tamen, quo poteris modo. Pu. Cogito etiam atque etiam. P. Dic tandem. Pu. Innumerabilia sunt Dei optimi maximi erga me beneficia, in corpore, in animo, in externis rebus; sed nullum majus nec dici nec cogitari potest, quàm quòd Filium suum unicum gratis mihi dederit, qui me miserrimum peccatorem & sub *Satana* tyrannide captivum, ac morti

æternæ

næ destinatum redemit, idque morte suâ omnium crude-
lissima & maximè ignominiosa. Pæ. Satis aptè dixisti, &
totidem ferè verbis quot aliàs te docueram. Sed nunquid
Deus tibi uni hoc tantum beneficium præstitit? Pu. Mi-
nimè vero. Pæ. Quibus præterea? Pu. Omnibus, quot-
quot Evangelio fideliter ac verè crediderint. Pæ. Agè
profer locum ex *Johannis Evangelio*, in eam sententiam.
Pu. Sic Deus dilexit mundum, ut filium suum unigeni-
tum daret, ut omnis, qui credit in eum, non pereat, sed habeat
vitam æternam. Non enim misit Deus Filium suum in mun-
dum, ut condemnet mundum, sed ut servetur mundus per e-
um. Qui credit in eum, non condemnatur: qui verò non credit,
jam condemnatus est, quia non credidit in nomen unigeniti
Filii Dei. Hæc est autem. Pæ. Hactenus, satis; sed cujus
sunt verba ista? Pu. Ipsius *Christi* de seipso loquentis.
Pæ. Quem alloquitur? Pu. *Nicodemum*, qui ad eum nocte
venerat. Pæ. Faxit ipse *Christus*, unicus Servator nos-
ter, ut magis ac magis in ipsius cognitione proficias.
Pu. Faciet, spero. Pæ. Perge igitur, ut cœpisti, alacriter,
quod bene vertat Deus in gloriam sui nominis. Pu. Ita
precor. Pæ. Eamus cœnatum.

COLL. 63.

Observator, Puer.

TU nunquam studes; quando eris doctus? P. Id fiet
progressu temporis, Decjuvante. O. Rectè dicis; sed
interim laborandum tibi est. P. Atqui ego non sum arator.
O. Etiam rides? Quasi laborare idem sit quod arare. P. Scio
non idem esse. O. Cur ergò sic respondisti? nonne istud
ridere est? P. Et ridere non est malum, cùm sit naturale
omnibus hominibus. O. Pergin' tu nugas dicere? P. Quod
dixi verum est & verum dicere non est nugari. Cur me
immerito reprehendis? O. Jure te arguo. P. Quo jure?
O. Quia non ignoras ridere pro irridere usitatum esse,
& tamen sic accepisti quasi de risu sum loquutus. P. Si
defendo causam meam, quid mali facio? O. Pergis igitur
esse pertinax? Profectò seriò notaberis. P. Ne quæso
mihi irascaris, mi *Martine*. O. Non irascor; sed officium
meum

meum facio. P. Sed audi, quæso. O. Quid audiam? tuas nugas? P. Audi, inquam, nihil mentiar. O. Dic breviter: est mihi alibi negotium. P. Imprimis, cum tu me monuisti, non eram otiosus. O. Quid ergo? si nihil faciebas, nonne otiosus eras? P. Non eram; pace tuâ dixerim. O. Qui potest illud fieri? P. Dicam tibi, etsi tute meliùs hoc intelligis quàm ego. Nihil faciebam, ut apparebat: sed tamen cogitabam aliquid boni. O. Declara istud mihi. P. Cùm tu facis versus, sæpe meditaris diu, quasi sis otiosus, quamvis nunquam sis minùs otiosus. O. Pro ista ætate nimis acutus es. Etiam si tibi (ut ais) otiosus non eras, tamen qui te viderint, possent aliter judicare. P. At solus eram. O. Verum: sed poterant aliqui intervenire. Denique non fateris culpam. P. Siqua fuit culpa, in eo fuit, quòd primo aspectu videbar tibi esse in otio, cùm reverà non essem. O. In eo nihil requiro: sed de irrisione quid respondes? P. Certè nihil dixi irridendi animo. O. Quid igitur? P. Jocabar, crede mihi. O. Quorsum? P. Ut paucis verbis fabulando, aliquid ex te addiscerem. O. Non is sum, à quo multa doceri queas. P. Imò tecum multum boni sæpe didici. O. Quid tandem vis concludere? P. Ut mihi ignoscas; quando, ut vides, malo animo nihil peccavi, quod equidem sciam. O. Agè, ignosco, quia videris mihi candidus & apertus, neque adhuc vidi te mendacem esse. P. Ago tibi gratias, *Martine* suavissime.

COLL. 64.

N. O.

Ergone abis in patriam? O. Cogor abire, nempe accersitus à patre. N. Nunquàmne es reversurus? O. Non spero. N. Quando profecturus es? O. Crastino die, ut opinor. N. Siccine igitur me relinquis? O. Ità necesse est. N. O memiserum! ubi & quando amicum talem reperiam? talem studiorum meorum socium? O. Nè doleas, esto animo bono; meliorem tibi dabit Deus. N. Ille quidem potest, scio; at ego vix sperare possum. O. Noli, obsecrò, te affligere tantoperè; nec enim hâc separatione corpa-

corporum interitura est amicitia nostra, quin potius accrescet magis; & absentes corpore, præsentes animis erimus. Quid? Epistolæ; quas ultrò citròque dabimus. quantam vim speras habituras esse? Quid? quòd mutuo illo desiderio amor ipse noster fiet jucundior? N. Verisimilia sunt quæ dicis omnia; sed interim non lenitur dolor meus. O. Ah! reprime lachrymas. N. Non queo præ dolore. O. Siccine agis? an putas me minore dolore tangi? Sed quid agas? divinæ voluntati parendum est. Nunc ipse te collige, obsecro; ac potius ad hilariter cœnandum te para. Pluribus à cœna colloquemur. N. O quàm triste divortium!

COLL. 65.

Messor, Valensis.

NON meministi præceptorem, tam sæpe monere nos de fugiendis pravis sodalibus? V. Ego verò probè memini. M. Tamen alicubi satis negligenter uteris ejus monitis. V. In quo videor tibi ea negligere? M. Dicam tibi modò attente audias. V. Dic, obsecro; audiam attentissimè. M. Nunquam vis cavere ab illo impostore? V. Cur caveam? M. Nè illius contagione depraveris; nōsti enim esse pessimum. V. Atqui non sponte sequor; ad me accurrit undique. M. Nimirum quia novit te habere quod des, & dare libenter ac sæpè. V. Quid igitur mihi faciendum suades? M. Dic semel & seriò, & quasi animo irato. Quid vis, amicè? cur me ubique sequeris? omnes clamitant te esse pessimum, adeò sodales tui esse nolunt. Proinde omite me posthac, quæso, nè tuâ causâ virgis palàm cædatur. V. Quid si velit aliquid contrà respondere? M. Abrumpe illi sermonem, tēque recipe celeriter. V. Ago tibi gratias quod me tam fideliter monueris.

COLL. 66.

G. H.

Visne permanere in ista ignorantia? H. Avertat Deus! G. Quid igitur facies? H. Da mihi super hanc re consilium, quæso. G. Imprimis meum sæpissimè & ex animo

mo precare; deinde semper attentus esto: hoc est, diligenter audito quicquid docetur, sive præceptor loquatur, sive aliquid reddant condiscipuli tui; postremo, charitatem diligenter cole. H. Quibus modis? G. Neminem neque lædito, neque offendo; nemini invideto; neminem odio habeto; sed contra, omnes dilige tanquam fratres; ac bene omnibus, quoad poteris, facito. H. Quid illa mihi conferent ad studiorum profectum? G. Plurimum. H. Quomodo? G. Sic enim Deus tibi illuminabit ingenium, memoriam, ac cæteras animi dotes augebit; denique studia tua ita promovebit, ut majoris in ea re progressus indies facias. H. Consilium mihi sanè das optimum; utinam in Dei ipsius gloriam uti perpetuò valeam, tibi que aliquando referre gratiam! G. Non opto, ut mihi aliud gratiæ eo more referas, nisi ut Deum sæpenumero laudes, studiaque honesta semper prosequaris, atque ita ad divinarum literarum cognitionem tandem pervenias.

C O L L. 67.

Castellanus, Messardus.

Quid egisti per hos quindecim dies? M. Ministravi matri, quæ graviter ægrotabat. C. Ain'tu? M. Sic est profecto. C. Quo laborabat morbo? M. Febre tertiana. C. An convaluit? M. Paulatim convalescit: gratia Deo. C. Quis eam sanavit? M. Medicorum summus. C. Quis ille? M. Ipse Deus. C. De hoc nihil dubito; sed cuius operâ? M. Domini *Sarrafini*. C. Ille habetur maximi nominis in medicinæ professione. M. Id quotidie probant egregiæ curationes ejus. C. Quibus remediis; utebatur in curanda matre tua? M. Medicamentis. C. Sat is istud intelligo, etiam te tacente. Sed dic planè, quæ fuerunt ista medicamenta? M. Sine me aliquantisper recordari. C. Sino; dic tandem quæ reminisceris. C. Duo tantum nomina mihi occurrunt, clysteres & potiones. C. Quid ista conferunt? M. Eho ineptè, ita rogas, quasi ego medicinæ operam dederim. Itaq; si cupis amplius scire, quære tute ipse ab iis potiùs, qui ista profitentur, hoc est, à medicis & pharmacopolis.

C. Nè

C. Nè mihi succenseas, oro. M. Cur tu es adeò curiosus?
 C. Ut ediscam semper aliquid. M. At vide interim nè vo-
 ceris percontator. C. Audi tamen item pauca. M. Loquere.
 C. Quamdiu ægrotavit mater? M. Ferè duas hedomadas.
 C. Interea ubi erat pater? M. Profectus erat Londinum
 ad mercatum. C. Sed tu, quâ horâ rediisti in Gymnasium?
 M. Hodie mane. C. Dedistine excusationem præceptori?
 M. Dedi. C. Quid tibi respondit? M. Factum bene inquit.
 Tu vero ubi eras? C. Hesterno die rus iveram cum pa-
 truuo. M. Agè, videamus quid simus reddituri horâ secun-
 dâ; nam ego quodammodo nunc novus sum discipulus.

C O L L. 69.

Grangerus, Torquetus.

Visne ire missum? T. Satis otiosè minxi. G. Eamus
 una, quæso, ut parùm fabulemur. T. Tace, inepte, nisi
 vis accusari. Non est fabulandi tempus; nonne debuisti
 meire, cum jentaretur? G. Debui, sed oblitus sum. T. Ito
 igitur solus, eum bona venia præceptoris: nè sis posthac
 tam obliviosus. G. Parebo tibi, & memiaero.

C O L L. 69.

Malognodus, Gassinus.

Quid cogitas *Gassine*? cave tibi obsecro. G. Quid mi-
 hi cavebo? M. Nè in morbum incidas. G. Qua ex
 causa? M. Ex nimia lusûs intemperantia. G. Unde appa-
 ret periculum? M. Quia totus æstuas, totus sudore mades.
 G. Rectè & in tempore admones. Profecto non sentiebam.
 M. Desiste, si me audis. G. Audio verò libenter, ac tibi mo-
 rem gero. Quis enim respuat tam fidele consilium? M. De-
 terge faciem sudariolo, & indue te celeritè, nè subitum
 frigus contrahas. G. Habeo tibi gratiam: nam ferè morbis
 sum obnoxius. E. Quid est causæ? G. Infirmitas meæ vale-
 tudinis. Vides enim quam imbecillo sim corpore. M. Tan-
 tò magis debes tibi cavere. Illud probè novi, & parens
 uterq; me monet sæpissimè. Sed quid agas? naturâ proni
 sumus in nostram perniciem. M. O mi *Gassine*, non est volup-
 tati serviendum, sed temperantiâ valetudini consulendum

est. G. Est in promptu carmen *Catonis* in eam sententiam. M. Teneo; sed de his alias. Jam satis indutus es. Non est quod hic morere diutius. G. Vale, *Malognode*, moniter amicissime. M. Vin' tu, ut domum te deducam? G. Nihil opus est deductione. Hgo belle me habeo, Dei beneficio. M. Mi *Gassine*, cura ut valeas.

COLL. 70.

Robinerianus, Bobuffardus.

Valde miror cur hodie mane non adfueris. B. Quid miraris tantopere? nihil hic est novi; multi absunt quotidie, imo ferè horis singulis. R. Atqui victoria tibi erat in manibus. B. Quid ego curo? Ejusmodi victoria (ut bene dicebat quidam) nihil aliud est quam brevis gloria. R. Sed interim modesti adolescentes hinc ad studia magis incenduntur; nec tamen iani gloriâ tument, sed ad honorem Dei referunt quicquid indè laudis accesserit. B. Istud certè rarò contingit: plures enim sunt, qui victoriis abutantur ad privatam gloriam, quàm qui Divini honoris rationem habeant. R. Verisimile dicis. B. Imò verissimum. R. Sed velim mihi dicas, cur absueris. B. Scripsi ad patrem literas. R. Cujus nomine? B. Matris. R. Dictavitne tibi ipsa? B. Quid scripsissem, nisi dictasset? R. Quid continebant literæ? B. Longum esset tibi narrare. R. Saltem dic earum argumentum. B. Varium erat & multiplex; & quid tuâ, quæso, scire refert? R. Nihil. B. Cur ergò tam avidè quæris? R. Animi causâ, ut ferè curiosi sumus novi aliquid audiendi. B. Nihil aliud quàm garris; omitte me. R. Ausculta paucis. B. Agè ausculto; loquere quid velis. R. Scire cupio ubi sit pater tuus. B. Quasi verò nescias. R. Unde scirem? B. Cum tibi sit notissimus, & cum simus vicini, non putâsem te ignorare. R. Dic tandem, quæso. B. Est *Londini*. R. Quando est profectus? B. Abhinc dies quatuor. R. Quid illic agit? B. Negotiatur. R. Quando rediturus est? B. Finito mercatu. R. Ad quod tempus finietur? B. Roga mercatores; non est meum curare talia. R. Quid igitur curas? B. Ut Deum timeam, parentibus obediam, bonas artes cum pietate discam

discam. R. Nā tu magnificē loqueris; sed dic mihi seriō, potēsne res tantas efficere? B. Egōne istud mihi assumo? Quin potiūs fateor, nē incipere quidem penēs me esse. R. Quid ergō de te fiet? B. Deus ipse spiritu suo in me operabitur. R. Optimē sentis: nihil ex re prāterea requirebam. B. Est Deo gratia, cui acceptum refero quicquid inest in me boni. R. Istud rectē; & laudo equidem nē tibi videar nihil aliud quā garrere. B. Cū illud dicerem, jocabar sanē. R. Ego sic accepi: sed tu (ut cōpisti) perge discere, & sapere. B. Qui mihi dedit fidem, idem (ut spero) perseverantiam dabit. R. Bene speras, & ego idem spero tecum: itaque pergāms vivere inter nos conjunctissimē, ut adhuc fecimus. B. Per me quidem non stabit, nisi ope Divinā prorsus ero destitutus. R. Avertat ipse Deus! sed audin' tu horologium? B. Ut in ipso tempore sermonem finivimus!

*Duo quæsequebantur colloquia de consilio auctoris
sunt translata ad finem hujus secundi libri.*

COLL. 71.

Ruffetus, Monachus.

UNde venis? M. Foris. R. Quid prodieras? M. Ut emerem chartam. R. Emistine? M. Emi. R. Quantum emisti? M. Schapum. R. Quanti? M. Quinq; quadrantibus. R. Cujus formæ? M. Minoris. R. Ostende. M. Vide num bona sit. R. Bona est profectō; in quem usum emisti? M. Ineptē quæris. Quis est chartarum usus nisi ad scribendum? R. Imō alius. M. Quis cedo? R. Ad merces involendas. M. Intelligebam de charta scholastica, non de emporetica; non enim sum mercator. R. Utimur etiam charta ad siccandum recentem scripturam. M. Satis scio: sed charta illa est bibula. R. Et tamen charta est. M. Esto. R. Est ergō multiplex chartæ usus etiam in schola. M. Cogor fateri. R. Etiam dicam tibi alium usum, & quidem in schola frequentissimum. M. Quem? R. Non ausim dicere sine præfatione honoris. M. Quid opus est inter nos honorem præfari? non enim verba tætent. R. Dicam igitur, quando itā vis. M. Dic liberē. R. Ad tergendas nates

in latrina. M. Illuc non referuntur chartæ puræ, sed jam scriptæ, eæque inutiles. R. Quid tum? chartæ sunt tamen. M. At ego de charta pura & nova loquebar. R. Sed interim victus es. M. Sit ita sâne, non me poenitet disputatiunculæ hujus nostræ. Sed jam à lusu disceditur. M. Et nos ergò loco cedamus.

C O L L. 72.

Hugo, Brasius.

HAbésne bonum atramentum? B. Cur istud rogas? H. Ut mihi des aliquantulum. B. Eho, non habes? H. Imò; sed eo non possum scribere. B. Quid obstat? H. Quia nimis spissum est. B. Nescis diluere? H. Non est mihi aqua. B. Dilue vino. H. Multo minús. B. Quidsi aceto dilueres? H. Indè charta perfluere. B. Quid scis? H. Audiui è quodam magistro, qui me docebat scribere, B. Ego verò aliud audiui magis mirum. H. Narra mihi, sodes. B. Quid mihi dabis? H. Bonam aciculam. B. Audi igitur quod ego didici ex quodam pædagogo meo. Atramentum, quod aceto liquefactum est, ægè eluitur. H. Fieri potest; sed interim da mihi parum in usum præsentem. B. Tene atramentarium tuum bene apertum, ego infundam tibi. H. Ecce? infunde. Vah! quam liquidum est. B. Fortasse quia non est gummi satis. H. Sed quam decolor! B. Utere si vis, quale quale est; non enim habeo melius. H. Quid igitur faciam? B. Hem! inepte, non potes pennâ tuâ bene miscere? H. Miscui satis; quid possem præterea? B. Infunde rursus in cornu meum. H. Admove propius: estne satis? B. Comprime pennâ linteolum. H. Ita compressi ut ferè sit aridum; quid erit tandem? B. Atramentum bonum, aut certè mediocre. H. Bona est mediocritatis regula, ut ex præceptore didicimus. Sed nunquid ex duabus malis rebus confici potest aliquid boni? Ubi miscuero, & tibi rursus infudero, videbis experimentum. H. Ardeo istud videndi desiderio. B. Porrige nunc atramentum tuum. H. Eccè! infunde. Ohe, jam satis est: quæ isthæc est profusio? Plus mihi dedisti quam tibi retinueris. B. Commisce iterum.

etiam

etiam atque etiam. H. Nunquam posset coquus sua jura & condimenta melius confundere. B. Jam tandem facito periculum. H. Dic mihi aliquam sententiam, ut interim discam aliquid. B. *Experientia* (ut vulgò dicitur) *est rerum Magistra*, Habes. H. Dicto citius. B. Videlicet jam pridem tenebas. H. Quis illud ignoraret, quod est adeò vulgare? B. Nunc videamus. H. Res apparebit melius ubi scriptura bene deficeata fuerit. B. Quid vis expectare? Jam siccata est plus satis. H. Oh, vide quàm nigra sit. B. Dixine verè? H. Aliquando periculum feceras scilicet. B. Constat igitur experientia esse rerum magistrā. H. Quin etiam hinc experimur ex rerum commixtione bonum fieri temperamentum. B. Jam incipis altius philosophari; itaq; discedo. H. O longum sermonem de nihilo; B. Nihil me pœniter alioquin inertī otio torpuissemus.

C O L L O Q U I O R U M
S C H O L A S T I C O R U M
L I B E R I I I.

Cui insunt magistri colloquia cum discipulis.

Admonitio.

*Hæc pueris ita legenda erunt, ut ex duobus legentibus
unus discipulum, alter præceptorem agat.*

C O L L O Q. I.

Unus ex Discipulis, Præceptor.

Salve præceptor. P. Salve per Jesum Christum. An surrexerunt omnes? D. Omnes præter parvulos. P. Nunquis ægrotat? D. Nemo, gratia Deo. P. Quid agitur? D. Alii se induunt, alii jam student graviter. P. Adestne vobis hypodidascalus? D. Jamdudum. P. Ite igitur precatum, vósque diligenter commendate Domino

Deo per *Jesum Christum*, deprecatorem nostrum; deinde pergite in studiis vestris, usque ad horam jentaculi. D. Ità solemus præceptor. P. Credo equidem; sed quia ferè somniculosi estis ac negligentes, idcirco ego vos admono sapius. D. Gratiam habemus, præceptor humanissime. Nunquid vis præterea! P. Dic famulo, ut togam adferat.

COLL. 2.

Ludimagister, Discipulus.

Adfuistisne hodie concioni sacræ? D. Adfui. L. Qui sunt testes? D. Multi ex condiscipulis, qui me viderunt, testari possunt. L. Sed producendi erunt aliquot. D. Producam cum jubebis. L. Quis habuit concionem? D. Dom. N. L. Quotâ horâ incepit? D. Septima. L. Unde sumpsit thema? D. Ex Epistola *Pauli ad Romanos*. L. Quotò capite? D. Octavo. L. Adhuc bene respondisti: nunc videamus quid sequatur. Ecquid memoriæ mandâsti? D. Nihil quod referre possum. L. Nihilne! cogita paulisper; & vide nè turberis; quin esto animo bono. D. Certè præceptor, nihil possum reminisci. L. Nè verbum quidem? D. Nihil prorsus. L. Hem, verbero! Quid igitur profecisti? D. Nescio, nisi quod fortasse interim à malis abstinui. L. Istud quidem est aliquid, si modò fieri potuit, ut malo omninò abstineris. D. Abstinni quoad potui. L. Fac ità esse; non tamen satisfecisti Deo, cum scriptum est, *Declina à malo, & fac bonum*. Sed dic mihi, quæso, quâ gratiâ illuc iveras potissimum. D. Ut aliquid addiscerem. L. Cur id non fecisti? D. Non potui. L. Non potuisti nebulo? Imo noluisti, aut cerè non curâsti. D. Cogor fateri. L. Quæ res te cogit? D. Conscientia mea, quæ me accusat apud Deum. L. Rectè dicis; utinam ex animo! D. Equidem ex animo dico. L. Ità fieri potest; sed agè, quid fuit causæ, quam obrem nihil memoriæ mandaveris? D. Negligentia mea; non enim diligenter audiebam. L. Quid igitur faciebas? D. Identidem dormiebam. L. Ità toles; sed quid agebas reliquo tempore? D. Cogitabam mille ineptias, ut solent pueri. L. An

tu adeò puer es, ut non debeas attentus esse ad verbum Dei audiendum? D. Si attentus essem, possem aliquid proficere. L. Quid igitur meruisti? D. Verbera. L. Meruisti profectò idque largissimè. D. Ingenuè confiteor. L. Verbo tenus, opinor. D. Imò certè ex animo. L. Fortasse; sed interim para te ad plagas accipiendas. D. Ah Magister, ignosce obsecro. Peccavi fateor, sed nulla ex malitia. L. Atqui tam supina ista negligentia proximè ad malitiam accedit. D. Non equidem inficior; sed tuam imploro clementiam per *Jesum Christum*. L. Quid igitur facies, si tibi ignovero? D. Faciam officium meum posthac, ut spero. L. Addendum erat, Deo juvante; sed id parùm curas. D. Imò magister, adjuvante Deo, præstabo posthac officium. L. Agè, condono culpam tuis lachrymis: tibi que eà lege ignosco, ut promissi memineris. D. Grati-as ago, magister humanissime. L. Eris apud me in maxima gratia, si promissa servaveris. D. Faxit Deus optimus maximus ut possim. L. Faxit precor.

COL L. 3.

Nathaniel famulus, Magister.

Magister, nemo est qui doceat in sexta classe. M. Quid hoc rei est? ubi est magister *Philippus*? N. Morbo detinetur in lecto. M. Quis scis? N. Nunciavit quidam ex discipulis ejus domesticis. M. Dic hypodidascalo meo. N. Non est in musæolo suo. M. Quis scis? N. Nam ego ter aut quater pulsavi ostium. M. Dic primæ classis doctori, ut mittat è suis aliquem. N. Quid si nollet mittere? M. Abi, inepte; an putas eum esse tam imprudentem ut recuset? Abi, propterea.

COL L. 4.

Antonius, Magister, Discipuli.

Magister. M. Hem! quid est? A. Sunt quidam, qui te conventum volunt. M. Ubi sunt? A. Te expectant in vico. M. Nunc adibo. A. Atqui urgent. M. Præcurre tu, atque eos intromitte in aream; ego te sequar: vos interim expectate cum silentio. Mox ego adero, ut vos ad cœnam dimittam. D. O quam bonum verbum!

COL L.

COLL. 5.

Ganellus, Præceptor.

Præceptor, quid reddemus cras mané? P. Hodie mané palàm dixi ante è schola missionem. C. At ego non aderam, præceptor. P. Roga condiscipulos. Nam si velent singuli me interrogare de rebus à me palàm dictis, quæso, quando finis esset? Itaque fac sis posthac prudentior. C. Curabo pro viribus. P. Sed tu ubi eras? C. Prodi-eram. P. Quid prodieras? C. Ut curarem negotium aliquod, de quo pater ad me scripserat. P. A quo petivisti veniam? C. Ab hypodidascales. P. Cur non à me potiùs? C. Quia eras occupatus. P. Quid agebam? C. Alloquebaris in area quosdam viros honoratos, qui te conventum venerant. P. Abi, nunc recorder.

COLL. 6.

Præceptor, Famulus, Observatores.

Heus! Martine. F. Hem! præstò sum, Here. P. Accerse mihi huc quinque publicos observatores quos hesternò die in hunc mensem elegi; nòstin? F. Optimè, nam egomet aderam. P. Sant (opinor) in suo quisque auditorio: festina. F. Quamprimum rediero. O. Adsumus omnes præceptor. Quid tibi placet imperare? P. Satis erat jubere, nec enim sum imperator nec magistratus. Ego vos huc accerendos jussi, ut vos officii vestri commonefacere. Vos igitur attentis auribus atque animis audite. Non ignoratis quanto cum timore Domini hesternò die palàm in aula nostra communi vos elegerim, auspicati sumus à sacris precibus, secuta est admonitio nostra atque exhortatio ad omnem cœtum scholasticum de timore Domini deque moribus, qui deceant studiosos in schola quotidie versantes; deinde, non sine optimorum adolescentium testimonio vos elegi quinque, quos ad hoc munus idoneos existimavi: postremò, ventum est ad secundam cum gratiarum actione precationem. Nè igitur putetis ludum fuisse aut jocum actionem illam, in qua nomen Domini tam studiosè fuerit invocatum. Ac licèt apud imperitos aut arrogantes hoc munus & vile & abjectum vide-

videatur; vos tamen credite cum honorificum tum sanctum esse vestrum illud ministerium. Quod si aliter existimabitis, fieri non potest, ut munere vestro rectè fungamini. Itaque ego vos hortor, quantum possum, & per *Jesus Christum* obtestor, ut cum Dei timore atque reverentia diligentiam præstetis in iis omnibus, quæ intelligeris ad officium vestrum pertinere. A vobis igitur absit omnis favour, odium, gratia, studium vindicandi, & similia quæ transversos agunt homines, & sincerum corrumpunt iudicium. Nè timeatis improborum minas quibus illi animos adolescentium ab officio solent abstergere. Quam enim habent in vos potestatem? potiùs eum timeate, qui vester est Dominus, qui vitæ ac recis potestatem habet. Illius (inquam) tanti Principis timor vobis ob oculos semper obversetur: incurretis (scio) in aliquot improborum ac dissolutorum odium; sed pluris sit vobis unius Patris vestri cœlestis amor & charitas, quam omnes omnium hominum inimicitia. Estote semper memores verbi illius, quo Servator noster & summus præceptor suos discipulos ad constantiam hortabatur: Si vos (inquit) *Odio mundus* scitote, quod me prius odio habuerit. Vos igitur propter ipsam *Christum*, omnes flocci facite nebulonum minas, offensiones, inimicitias; dummodo gloriæ Dei possitis inservire fideliter. Hæc sunt, de quibus nunc pro temporis brevitate vos admonendas esse existimavi, præter illa, quæ vos in aula hesterno die audivistis. *Primus Ob.* Maximas tibi gratias agimus, præceptor humanissime, & *Christum* precamur, ut sua dona tibi semper adaugeat. A te verò vehementer petimus, ut (si tibi molestum non est) præscriptam des nobis hortationem tuam, quo illam inter nos quandoque relegentes memoriæ tenaciùs insigamus. *P.* Id ego faciam primò quoque tempore, quandoquidem rem satè honestissimam postulatis. *Primus Ob.* Optamus etiam à te (si placet) commentariolum scriptum habere de præcipuis officii nostri capitibus, ut simus certiores quid potissimum sit nobis hac in re observandum. *P.* In ipso tempore de hoc admones

& sic ego jampridem in animo habeam : sed me quotidie aliud ex alio impedit. Dabo igitur ejusmodi commentariolum, quod videlicet contineat quicquid ad observatorum publicorum officia pertinebit; id autem descripsi ex ipso archetypo meo, quod ideo servare volo, ut cæteris quoque tradere possim futuris observatoribus. Nunc redite in suum quisque auditorium, *Ob. Rectè imus, præceptor.*

COLL. 7.

Clericus, Magister.

L Icétne, magister, ut ego & patruelis eamus domum? **M.** Quid eo? **C.** Ad nuptias consobrinæ. **M.** Quando est nuptura? **C.** Crastino die. **M.** Cur tam cito vultis ire? **C.** Ut mutemus vestimenta. **M.** Per me licet eatis: hæc tamen lege, ut cras huc redeatis cubitum. **C.** Quid si volet patruus ut expectemus repotia? **M.** Non detinebit vos, satis scio, dummodo dicatis ei quâ lege dimiserim. **C.** Verum fatebimur. **M.** Abite, & ab omni cavete intemperantia; faciteque ut *Luceat lux vestra coram hominibus, ut glorificetur vester ille cælestis Pater.* **C.** Ità quidem speramus fore, ipso nos in omnibus adjuvante.

COLL. 8.

Laurentius, Magister

L Icétne exire, magister? **M.** Quæ tibi est exeundi causa? **L.** Ut quæram in foro aliquem ex nostratibus. **M.** Quid istud opus est? **L.** Mandare illi volo, ut meos admoneat de pane mihi aut adferendo, aut mittendo. **M.** *Ubi panis deficit, omnia sunt illic venalia.* **L.** Illud vulgatum est apud nos proverbium. **M.** Imò ubique pervulgatum, adeo panis mortalium vitæ est necessarius. Sed ad rem: tu nunc prodire vis? **L.** Si tibi placet, magister, ne mei negotii occasionem amittam. **M.** Abi, & festina ante prandium redire. **L.** Dabo equidem operam.

COLL. 9.

Beatus, Præceptor.

L Icétne mihi exire unâ cum fratre? **P.** Quid causæ est? **B.** Ut mater emat nobis calceos; deinde ut tonsorem

forem adeamus. P. Quid eò? B. Resectum capillos. P. Quid nunc opus est? B. Ut cras (si Dominus permiserit) invisamus patruum. P. Ite, & maturè redite ad studium. Sed, theus pueri! adferre mihi à matre testimonium in crastinum diem, aut testem adducite. B. Deo juvante, id curabo diligenter. Nunquid aliud vis, præceptor? P. Ut meis verbis matrem officiosè salutetis.

COLL. 10.

Albertus, Præceptor.

P. Præceptor, licetne nobis ire ad tonsorem? P. Quid eò? A. Ut capillum tondeamus. P. Libenter quotidie exiretis sexies; quin expectate in crastinum diem, ut eatis una cum cæteris. A. Atqui propter forum turba erit inconstrina. P. Quid tum? Satis habebitis otii ad expectandum. Recipite vos ad studium. A. Ut libet, præceptor.

COLL. 11.

Bargius, Præceptor.

P. Præceptor, accersor à Patre. P. Ubi is est? In diversorio. P. Quando venit? B. Advenit modò. P. Quis tibi tam citò nuntiavit? B. Misit ad me famulam. P. Ubi est? B. Præ. foribus me expectat. P. Cui illum non intromisisti? B. Noluit intrare. P. Quid ita? B. Quia (ut ait) festinatione urgetur. P. Voca illum, ut paucis conveniam; deinde abi: sed cura ut quamprimum huc adsis. B. Eo vocatum.

COLL. 12.

Ludimagister, Ruscianus.

U. BI est Martinus? R. Ivit ad forum. L. Quid eò? R. Emptum, ut dixit, cingulum. L. Injussu meo exire non deuit; sed hoc nihil ad te. Quis dabit vobis merendam? R. Dixit se horà secundà reversurum, ut det nobis. L. Quid si fallat? R. Id non est moris ejus. L. Nisi ad horam adfuerit, admone uxorem de vestra merenda: habet enim clavem alteram cellæ penuariæ.

COLL. 13.

Præceptor, Scarronus.

D. Emiror unde nunc venias. S. Domo redeo, præceptor. P. Cur iveras domum? S. Petitur merendam. P. Quam

P. Quamobrem non attuleras? S. Mater erat occupata. P. Quid tum? debuisti exire injussu meo? S. Non debui fateor. P. Quid igitur meruisti? S. Plagas accipere; sed ignosce mihi, quæso, præceptor. P. Cur non petivisti eundi potestatem? S. Quia non audebam te interpellare. P. Quid agebam? S. Tenebas libellum quendam, & legebas aliquid. P. Fieri potest; sed vos tamen sæpe me interpellatis ob rem leviolem: nunc igitur para te ad vapulandum. S. Parce mihi, obsecro, præceptor. P. Sine ut prius cogitem aliquantisper. Agè, parco, tum quia ingenuè confiteris, tum quòd satis studiosus mihi videris. S. Gratias ago maximas, præceptor humanissime.

COLL. 14.

Gulielmus, Ludimagister

P. Præceptor, non restat mihi charta ad scribendum, visne dare codicem? L. Quem in usum? G. Partim ad colloquia, partim ad exemplaria. L. Retulisti in codicem tuum? G. Retuli. L. Ostende. G. Ecce tibi, præceptor. L. Quid istud? retulisti octodecem: vis ergò de majore? G. Si tibi placet. L. Pete à famulo; ac, nè dubitet, ostende illi tuum codicem, ut idem in suum referat. G. Audio. L. Audi item: cave abutaris chartâ, nè tibi pater graviter succenseat. G. Faxit Deus, ut bene utar.

COLL. 15.

Grivetus, Ludimagister.

P. Præceptor, licetne prodire? L. Quamobrem? G. Ut emam cultellos mensarios. L. Ubi sunt, quos habebas? G. Reliqui domi. L. Quid ita? G. Quia jam obtusi erant & inutiles. L. Ha'c ne pecuniam ad emendos alios? G. Mater dedit mihi. L. Quis erit adjutor ad emendum? G. *Gerardus*. L. Ite scia è, & cavere è vobis imponatur. G. Cavehimus, Deo juvante. L. Omnes quidem juvat, sed eos potissimum, qui ad ejus honorem omnia referunt.

COLL. 16.

Vernetus, Ludimagister, Spatula.

P. Præceptor, licetne pauca? L. Loquere. V. Nos duo preponobamus, si tibi ita videretur, ire, dum cæteri ludunt,

Lib. III.

Colloq. Scholast.

ludunt, foras ambulatum. L. Quò vultis exire? V. In proxima suburbana. L. Quid autem ageris ambulantes? S. Traſtabinius colloquium aliquod. L. Sed de bonis & honeſtis rebus. S. Hæc temporis ſerenitas & tam pulchra terræ facies præbebunt nobis honeſtum aliquod argumentum. L. Nunquam deeſt Dei laudandi materia, duntaxat veris ejus cultoribus. V. Nunquam profeſſo; ſed ut ad propoſitum revertamur, permittis nobis præceptor extra urbem prodire? L. Niſi mihi perſpecta eſſet veſtra perpetua fidelitas, & verus amor literarum, nunquam permitterem; præſertim cùm pravi adoleſcentes me ſæpe in hoc genere ſefellerint. Vos igitur prodite, & matutini ad cœnam revertimini.

COLL. 17.

Iſaias, Ludimagiſter.

Pæceptor, licetne prodire? L. Quò prodire cupis? I. Ad ſartorem. L. Quid eò? Petitum ſemoralia. L. Jamne facta ſunt? L. Sunt, opinor. L. Reſtè opinor dicis, quia res incerta eſt. I. Atqui promiſerat mihi in hunc diem. L. Quid ſi fallat? I. Nihil mirum fuerit. L. Nunc quoque verè loquutus es: nam rarò ad promiſſum tempus fidem præſtant artiſices. I. Viſo tamen præceptor ſi mihi permittis. L. Nihil impedio. I. Nunquid vis præceptor? L. Imò, ut properes, nè deſis præleſtioni. I. Bene mones, abeo.

COLL. 18.

Caius, Præceptor.

Licetne prodire? P. Quo? C. Domum. P. Hem tam ſæpe ire domum? C. Mater juſſerat, ut ego & frater ſe adiremus hodie. P. Cujus rei gratia? C. Ut ancilla veſtimenta nobis excuteret. P. Quid iſtud? Sûntne vobis pediculi? C. Et multi quidem. P. Cur uxorem meam non admonuiſti? C. Non auſi ſumus. F. Quafi verò illa ſit uſque adeo difficilis. Aheillam habet eâ potiſſimum gratiâ, ut veſtram omnium curet munditiem: nec vos ignoratis illud; ſed gaudetis matris inviſendæ occaſionem vobis dari.

Vos

Vos igitur manete; cras ego curabo, ut vobis excutiantur vestes. C. Sed mater nos objurgabit. P. Egomet eam placabo; quiescite.

COLL. 19.

Törnator, Ludimagister, Discipuli.

PRæceptor, licetne cras ire domum? L. Quid cō? T. Petitem panem. L. Non tibi restat? T. Restat quidem sed parū admodum. L. Quid frater? estne tecum iturus? T. Jussit pater. L. Quando convenisti illum? T. Die *Jovis*, cū venisset in hanc urbem. L. Ubi illum vidisti? T. Apud forum. L. Non mentiris? T. Non mentior. L. Unde probabis? T. Sunt ex condiscipulis, qui aderant. L. Qui tandem? T. Adsunt *Blasius* & *Audax*. L. Estne verum, pueri? D. Omnino verum. L. Qui scitis? D. Vidimus ejus patrem, audivimus ipsa verba. L. Si ita est, permitto ut eas domum cum fratre. T. Vale præceptor. L. Vos servet Dominus Deus. T. Idem tibi precamur ex animo. L. Sed heus! quando huc aderitis? T. Crastino die, vesperi, Deo juvante. L. Cura, ut promissi memineris. T. Curabo. L. Scilicet, ut soles. T. Imò melius spero. Nunquid vis? L. Ut verbis meis salutem dicas parentibus. T. Faciam libenter; iterum vale præceptor. L. Nos quoque valetē, & lento gradu ambulate, propter æstus solis. T. Ita facere solemus.

COLL. 20.

Magister, Villarianus.

Quid sibi vult, quod abfueris hāc totā hebdomadā? V. Oportuit me manere domi. M. Quamobrem? V. Ut matri adessem, quæ ægrotabat. M. Quod illi officium præstabas? V. Sæpius ei legebam. M. Quid legebas? V. Aliquid ex sacris literis. M. Sanctum istud & laudabile ministerium. Utinam sic omnes studerent verbo Dei! Sed quid? nihil agebas præterea? V. Quoties opus erat, illi ministrabam cum ancilla. M. Hæccine vera sunt omnino? V. Habeo testimonium. M. Profer illud. V. Ecce! M. Quis scripuit? V. Famulus noster matris nomine. M. Agnosco ejus manum, quia sæpe ab illo mihi attulisti. V. Licetne igitur

tur redire in sedem meam? M. Quidni liceat, cū mihi
satisfeceris? V. Gratias age, præceptor.

COLL. 21.

Lætus, Hypodidasculus.

Præceptor, licetne mihi prodire? H. Quæ tibi est pro-
deundi causa? L. Est mihi eundum ad forum. H. Quid
eo? L. Ut emam corium. H. In quem usum? L. Ad cal-
ceorum soleas. H. Quis te adjuvabit in emptione? L. Qui-
dam oppidanus, cui hoc mandavit pater meus. H. Debue-
ras adire me cum cæteris, qui ad forum prodierunt. L. Oc-
cupatus eram. H. Qua in re? L. In scribendis ad patrem
literis. H. Quando eas dabis? L. Hodie, si quem in foro
nostratium offendero. H. Abi; & memineris ad horam
solitam adesse. L. Meminero.

COLL. 22.

Arator, Ludimagister.

Præceptor, tuo permissu horâ primâ prodieram; nunc
redeo. L. Curasti negotium tuum? A. Curavi, gratia
Deo. L. Factum bene. Quota est hora? A. Instat secun-
da. L. Vocamihi famulum; deinde ito ad merendam cum
cæteris.

COLL. 23.

Eusebius, Præceptor.

Præceptor, visne mihi mutuò dare aliquantulum pecu-
niæ? P. Quid opus est tibi pecunia? E. Ut *Sylvia*
satisfaciam. P. Quantum debes illi? E. Assem cum semis-
se. P. Quo nomine? E. Quia scripsit mihi aliquot col-
loquia. P. Ostende. E. Vide, si placet. P. Adi hypodidasculum,
dic ut det quantum petis. E. Gratias ago, præceptor. P.
Non est quod agas; sed refer in codicem tuum. E. Quin
jam retuli. P. Factum bene; ostende ipsi hypodidasculo.

COLL. 24.

Blasius, Ludimagister.

Licetne mihi, præceptor, adire tutorem? L. Quæ te
causa movet? B. Jusserat ille, ut se hodie convenirem
si liceret per otium. L. Quando jusserat? B. Nudiustertius.

G

L. Ubi.

L. Ubi illum vidisti? B. In ara, quæ est è regione templie.
 L. At vide ne mentiaris. B. A me absit mendacium. Si vis
 dabo testes ex condiscipulis, qui mecum aderant. L. Qui
 sunt illi? B. *Daniel & Corderius*: visne ut eos accersam?
 L. Mane; ego illos conveniam. Sed dic quid egit tutor
 operâ tuâ? B. Ad aliquid scribendum. L. Quâ igitur ho-
 ra vis illum adire? B. Nunc, si tibi placet. L. Quando
 huc redibis? B. Cum primùm me dimiserit. L. Nunc abi,
 atque illi ex me dic salutem plurimam. B. Faciam libenter.

COLL. 2.

Scriba, Magister.

PRæceptor, pater te invitat ad prandium, si tibi placet.
 M. Estne solus? S. Solus (opinor) præter domesticos.
 M. Excusa me illi, jam enim aliunde invitatus eram. Age
 tamen illi meis verbis gratias. S. Nunquid vis aliud? M.
 Nihil, nisi ut mature ad scholam redeas. S. Mature, ju-
 vante Deo.

COLL. 26.

Gasper, Ludimagister.

Licetne prodire præceptor? L. Quó? G. Primum ad
 sartorem, deinde ad tonsorem. L. Cur ad sartorem?
 G. Ut curem tibialia reficienda. L. Suntne lacera? G. A-
 deo lacerata, ut vix induere possim. L. Cur ad tonsorem?
 G. Ut illi ostendam ulcus, quod mihi his diebus subortum
 est in femore. L. Detege, ut videam. G. Vide quando itâ
 placet. L. Est furunculus. G. Itâ conjiciebam. L. Cum
 aperueris tonsori, roga illum ut emplastrum ulceri aptum
 adhibeat. G. Faciam quod suades. L. Sed nunquis est, qui
 tecum prodire velit? G. Imò *Johannes Fluvianus*. L. Quod
 habet negotium? G. Tonsorem quoque vult adire. L. Ite
 igitur una & redite similiter. G. Nunquid vis præterea?
 L. Ut maturetis reditum, nè merendâ vestrâ mulctemini.

COLL. 27.

Franciscus, Ludimagister

PRæceptor, licetne nobis prodire? L. Estisne multi, qui
 prodire vultis? F. Ferme omnes. L. Quid hoc sibi
 vult? F. Est hodie mercatus; indèsit, ut ferè sibi quisque
 velit

velit aliquid emere. L. Nunc ego sum occupatior quam ut singulorum prodeundi causam possum cognoscere; adite igitur subductorem, qui cognoscat; & si vacat, vos deducat ipse. F. Gratias agimus, præceptor humanissime.

COLL. 28.

Magister, Theophilus.

Hodie igitur *Petrum* convenisti? T. Hodie. M. Ubi? T. In templo. M. Quotâ horâ? T. Octavâ matutinâ. M. Nunquid rogasti quando sit rediturus scholam? T. Rogavi. M. Quid ille? T. *Nescio*, inquit. M. Debuisti illum ad reditum exhortari. T. id ego feci & multis quidem verbis. M. Benè fecisti: sed quid ille respondit? T. Se adhuc à patre detineri ad fructus colligendos. M. Quid si ad ipsum patrem scribas de statu nostro scholastico? fortasse enim movebitur, ut filium citiùs remittat. T. Si tibi ità videtur faciam, idque diligenter. M. Fac igitur primo quoque tempore; sed audi, scribe plenissimè, deinde literas tuas mihi ostende priusquam des perferendas. T. Sedulò faciam, præceptor.

COLL. 29.

Farrarius, Magister.

Præceptor, licetne mihi exire? M. Quò tibi eundum est? F. Ad tonsorem. M. Non est tibi aliud negotium? F. A tonsore, ire emptum ligulas; illinc me ad sutorem conferre. M. Cur ad sutorem? F. Ut uni ex calceis meis annectat corrigiam. M. Ista omnia quando confeceris? F. Intra horæ spatium, ut spero. M. Erunt multi fortasse in tonstrina expectantes. F. Fieri potest; sed si videro diutius mihi morandum illic esse, expectabo in diem *Sabbati*. M. Estne alius, qui prodire velit? F. *Pontanus* ait se velle chartam emere. M. Scisne illi opus esse? F. Scio. M. Ite igitur unà; curate diligenter suum uterque negotium; nè sitis cessatores. F. Deo juvante, cavebimus.

COLL. 30.

Carbonarius, Præceptor.

Licetne exire? P. Quo? C. Ad sartorem. P. Quid eo? C. Ut mihi tunicam faciendam metiatur. P. Quæ tibi est

est materia? C. Niger pannus. P. Ubi est? C. In arca mea. P. Sartor autem quis tibi est? C. *Petrus Sylvius*. P. Estne peritus artifex? C. Sic audiui; & est notus patri meo, qui iussit, ut illum adirem. P. Ubi habitat? C. In *vico Xenodochei*. P. Non nimis longè est; cave discurras. C. Cavebo. P. Facile à me veniam impetrant, qui nunquam fallunt. C. Avertat Deus ut unquam fallam.

COLL. 31.

Luterinus, Præceptor.

Præceptor, licétne pauca? P. Loquere quid velis. L. Cùm interdum dicis alicui nostrum, *Ubi est follis?* vel *Cedo follem*; non apparet utrum *follis* sit masculini, an fœmini generis. P. Non apparet, fateor; quid tum? L. Unde igitur scire possumus? P. Cur me de hoc nunquam rogâsti? L. Tam multa tam sæpe in terrogamus, ut vereamur nè tibi molesti simus. P. Quasi verò istud unquam præ me feram, contra, cò magis amo vos, quo me rogatis sæpius. Quid enim magis cupio, quam ut aliquando vos videam & optimos & doctissimos? L. Habemus gratiam maximam, præceptor humanissime. P. Eam gratiam ego & vos Deo nostro debemus, qui solus suâ bonitate utrisque bonam dedit voluntatem. L. Faxit ille ut hoc beneficio rectè semper utamur in ipsius gloriam. Sed dic, quæso, cujus generis est *follis*? P. Masculini. L. At ego potiùs fœminini dixissem. P. Quamobrem? L. Quia tale est *pellis* quod est in *Rudimentis* pro exemplo positum. P. Non abs re id conjiciebas. Nam *is* finita, quale est *pellis*, magna ex parte fœminini sunt. L. Non igitur omnia? P. *Vix ulla est tam generalis regula, quæ exceptione careat. Follis* igitur sub exceptione cadit, quia masculinum est. Sic aliquot alia; ut *ignis*, *plœcis*, *axis*, &c. L. Sed unde illa dignoscam? P. Facile cognosces, cùm perveneris ad *Grammaticæ* regulas. Sed interim *Latine* loquentes attentè observa, teque ad eorum imitationem diligenter accommoda. L. At istud longum est, præceptor. P. Non frunt nisi longo tempore præclara ædificia,

L. Expe-

L. Experientia nos istud docet. At pater meus vellet me annuo spatio doctum videre. P. Ego verò istud unus diei spatio videre vellem. Sed quid agas? omnibus in rebus expectandum tempus est. Pater tuus, quia non didicit literas, nescit quid doctrina valeat, neque quantis laboribus illa comparatur. L. Verum dicis; sed quid illi respondere possum, cum apud me conqueritur de temporis longi spatio in discendis literis? P. Docebo te inter cœnandum, nunc ito lusum cum cæteris, ut me in musaum recipiam. L. Ignosce mihi, quæso, præceptor, quòd te interpellaverim. P. Nihil me interpellasti, non enim occupatus eram. Præterea, si te audire mihi molestum fuisset, nonne poteram te in aliud tempus rejicere? L. Tuo jure id poteras. P. Abi igitur.

C O L L. 32.

Castronovanus, Præceptor.

SALVUS sis, præceptor. P. Auspicatò advenis: quid nuntias? C. Orat te pater meus, ut animi causâ eamus unâ in hortos suos suburbanos. P. Ad eam rem nos invitat serenitas, & nunc sumus feriati. Sed quid illic aspectu jucundum videbimus? C. Varias & pulchras arbores cum suis fructibus, item herbarum & florum miram varietatem. P. Nihil est illis rebus hoc tempore jucundius. C. Ea est Dei erga nos beneficentia. P. Quem quidem assiduus laudibus prosequi debemus. C. Sed vereor nè patri in mora simus. P. Tantisper expecta dum togam muto, ut sim ad ambulandum expeditior. Jam paratus sum: nunc eamus. Sed estne domi pater? C. Præ foribus nos expectat. P. Bene res habet, vide ut cum decenter salutes. C. De hoc, te docente, sæpe admoniti fuimus.

C O L L. 33.

David, Ludimagister.

PATER meus tibi salutem plurimam dicit. L. Ain tu? quando rure rediit? D. Heri tantum. L. Ut valet? D. Optimè. L. Mater verò ubi est? D. Adhuc est in *Gallia*. L. Ubi in *Gallia*? D. *Aureliæ*. L. De illa quid auditis? D. Esse bonâ valetudine præditam, Dei beneficio. L. Do-

G 3

DIPLOMA

minus Deus conservet eam. D. Ità precor. L. Dic vicissim patri salutem plurimam verbis meis. D. Faciam sedulò.

C O L L. 34.

Bachodus, Ludimagister.

Præceptor, licetne pauca? L. Dic liberè. B. Cur non dicimus *hic arbor*, sicut *hic labor*? Item cur genitivum *arboris* non proferimus penultimâ longâ, ut fere in cæteris nominibus terminationis ejusdem? L. Quia loquendi usus aliter probavit. Nec enim ubique locum habet analogia: sed, ubi ea deficit, sequendus est eorum usus, qui rectè & purè loquuti sunt. Nam enim ipsa *Latinitas*, usu, & autoritate magis quàm ratione constat. B. Da igitur auctoritatem de nomine *arbor*. L. *Arboris exesa truncus*, apud *Virgilium*. Nonne hic manifestè vides & genus & accentum? B. Video, præceptor. Sed sũntne alia eodem accentu? L. Inprimis *Græca* omnia, ut *Castor, Castoris*; sic *Hæstor, Næstor*, & similia. Item hæc duo neutrius generis, *æquor, æquoris, marmor, marmoris*; sunt & adjectiva quædam, ut *memor, memoris*, & ex eo compositum *inmemor*. Talia quoque sunt ex *decus* & *corpus* composita, ut *indecor, indecoris*: *tricorpor, tricorporis*. Sed hæc apud Grammaticos annotata facilè per te invenies. Nam ista ætas tua majorem indies requirit diligentiam. Huc accedit, quòd hæc ipsa, quæ tuo labore & diligentia inveneris, firmiore tenebis memoria. B. Ago tibi gratias, humanissime præceptor, quòd me tantâ humanitate non solum doces, sed etiam admones. L. Bene facis; sed interim volo memineras, soli Deo acceptum referre quicquid boni ex labore meo in te proficiscitur. Frustrà enim docendo laboramus, nisi laboribus nostris divinus favor accesserit. Nosti istud Apostoli; *Neque qui plantat est aliquid, neque qui rigat; sed qui dat incrementum, Deus*? B. Essemus profectò plumbo stupidiore, si ista ignoraremus, quæ nobis tam sæpe inculcas, tamque diligenter. L. Tanto diligentius vos oportet tum meminisse tum recordari. B. Sed jam tempus est, ut ad quotidianum pensum te referas. Ego verò interea me ablo in musæolum.

C O L L.

COLL. 35.

Præceptor, Olivarius.

DIC Latine, *A book*. O. Liber. P. Liber, cujus generis: O. Masculini. P. Qui scis: O. Ex bene loquendi usu & consuetudine. P. Ostende usum. O. Nam quotidie loquentes, sic dicimus, *Hic liber cujus est?* Dicimus item sæpenumerò *Liber meus, liber tuus, bonus liber*, & similia. P. Bene respondisti, sed quis loquendi usum te docuit? O. Tu ipse, præceptor. P. Ergone tenes omnem usum linguæ *Latinae*? O. Si tenerem, non essem discipulus. P. Quid igitur? O. Magister fortasse. P. Abi; responso tuo contentus sum. O. Gaudeo sanè. P. Age gratias Deo qui tibi dedit ingenium & mentem bonam. O. Utinam semper agnoscam ejus in me beneficia! P. Utinam ille favore suo tua studia prosequatur! O. Præceptor quid hoc sibi vult, Quod mihi bene precaris? P. Ergo tu quoque memento bene ex animo precari omnibus, præcipue verò discipulis tuis. O. Meminero, Præceptor. P. Addendum fuerat, *Deo juvante*. O. Oblitus sum, fateor.

COLL. 36.

Ludimagister, Daniel

ATtende, *Daniel*, ut discas *Latina* bene *Anglicè* vertere. D. Attendo, præceptor. L. At diligenter. D. Imò diligentissimè, & ex animo. L. Bene facis. D. Propone igitur mihi *Latina* ut nobis interdum soles. L. *Quid opus est?* D. *What is needful*. L. *Gallina*. D. *To an Hen*. L. *Ut*. D. *That*. L. *Illà*. D. *She*. L. *Sit*. D. *May be*. L. *Bona*. D. *Good*. L. Rectè vertisti. Nunc ad singulas partes hujus orationis responde nominatim. D. Respondebo quoad poterò, dummodo mihi præieris. L. *Quid*. D. Est nomen. L. *Opus*. D. Nomen. L. *Est*. D. Verbum. L. *Gallina*. D. Nomen. L. *Ut*. D. Conjunctio in hoc loco. L. *Illà*. D. Pronomen. L. *Sit*. D. Verbum. L. *Bona*. D. Nomen. L. Agè, dicamus iterum, ut singula paulò plenius intelligas. D. Quid nunc respondebo? L. Indica breviter singularum partium declinatum, ut vos docere soleo. D. Præito igitur ut cœpisti. L. *Quid*. D. *Quid cujus*, nomen substantivum ano-

malum. L. *Opus*. D. *Hoc opus, operis, ut hoc onus, oneris.*
 L. *Falleris, Daniel.* D. Quid ita? L. Quia *opus* hic est ad-
 jectivum. D. Eho, adjectivum! quomodo declinatur? L. Est
 indeclinabile. D. Me miserum! nunquam istud audieram.
 L. Addendum fuit, *quod sciam, vel quod meminerim*, D.
 Quamobrem? L. Quia fortasse audieras, sed memineras
 malè. D. Fieri potest; sed perge (*quæso*) me docere. Quid
Anglice significat istud nomen? L. Non solet *Anglice* ver-
 ti, nisi junctum cum verbo *Sum, es*. D. Da exemplum.
 L. Quotidie in ore habes exempla. D. Nunc mihi non
 occurrunt. L. Nonne soles dicere, & audire ex discipuli-
 bus, *Opus est mihi charta, atramento, pecunia, & similiabus?*
 D. Sæpe dico, fateor, & sæpe audio; parùm adverte.
 L. Nunc igitur adverte, & manda memoriæ. *Opus est mihi*
pecunia ad libros emendos, I have need of money to buy Books;
vel sic, I want money; vel I have to do with. D. Da item
 aliud exemplum, *quæso*. L. *Opus est tibi virgis, ut tua ex-*
pellatur pigritia, Thou hast need of rods, that thy sloth be
driven away. D. Fateor equidem, præceptor, sed Deus (ut
 spero) mei miserebitur. L. Omnium miseretur Deus, qui
 piè illum invocant. Sed de nomine *Opus* jam satis multa,
 quod ad vos attinet: ad cætera redeo. *Est. I Sum, es, esse,*
verbum anomalum. L. *Gallina.* D. *Gallina, galline, ut mensa,*
mensæ. L. *Ut.* D. Non declina'tur, quia est conjunctio; *an-*
glice, That, to the end that, for that. L. *Ille.* D. Ille ge-
 neris masculini; *illa, foemini;* *illud, neutrius.* L. Declina
 in foeminino. D. *Illa, illius, illi, &c.* L. *Sit.* D. Jam dictum
 est. L. *Bona.* D. *Bonus, generis masculini; bona foemini;*
bonum, neutrius, nomen adjectivum. L. Confer ad exem-
 plum. D. *Iustus, justa, justum: bonus, bona, bonum.* L. Nunc
 mutuò vos interrogate, ut plenius omnia tractetis.

COL L. 37.

Blunderias, Hypodidascalus.

PRæceptor. H. Quid vis? B. Licetne mihi ire domum?
 H. Cur ante horam? B. Pater jussit ut nunc adirem.
 H. Quid eget operâ tuâ? B. Vult me in villam mittere.
 H. Quid eo? B. Petitum uvâs, & eadem operâ nuntiatum

ali-

III.
ris.
je-
Est
am.
D.
eras
uid
ver-
um.
non
sci-
bus?
rto.
nibi
ols;
tem
ex-
be
(ut
qui
ita,
esse,
nfa,
an-
ge-
lina
tum
ni;
em-
iunc

am?
em.
ere.
tum
ali-

aliquid villico nostro. H. Quid si fallis? B. Adferam testi-
monium ut soleo. H. Quando redibis? B. Hérâ primâ ut
spero. H. Quâ tam cito? B. Villa nostra non longe hinc
est. H. Ito sanè.

COLL. 33.

D. H.

PRæceptor, placetne audire excusationem meam? H.
Quando abfuiſti? D. Hesterno die. H. Quotâ horâ?
D. Primâ. H. Quæ fuit causa? D. Accersitos fui. H. A quo?
D. A patre. H. Quis tibi nuntavit? D. Famulus noster.
H. Cur me non adivit? D. Quia dicebat ille se urgeri fe-
stinatione. H. Sûntne tibi testes? D. Adſunt, præceptor.
H. Abi, ſede in loco tuo; ego interim eos interrogabo.

COLL. 39.

Hypodidasclus, Michael

CUR non venisti citius? M. Expectabam fratrem. H. Ubi
est? M. Restitit in foro. H. Cur eum non adduxisti?
M. Volēbat emere atramentum. H. Imo pyra, mala, aut
aliquid ē cæteris fructibus. M. Nescio, tamen illud dicebat.
H. Cûm sis fratres cur non habetis domi commune atra-
mentum in ampulla? M. Frater nihil vult habere commune
mecum. H. Vult igitur omnia sibi propria? M. Illud est.
H. Admone me cûm venerit, ego illum docebo quid sit
internitas. M. Faciam præceptor. H. Abi in locum tuum.

COLL. 40.

D. O.

Licetne abesse horâ secundâ? O. Quid habes negotii?
D. Pater eget operâ meâ? O. Quâ in re? D. Ut sibi al-
iquid scribam. O. Sed interim non reddes quæ præscripta
sunt vobis. D. Jam edidici. O. O factum bene! D. Pla-
cētne tibi audire me? O. Cras audiam, cûm licebit per
otium. D. Permittisne igitur ut absim, præceptor? O. Agē.
permitto; sed itâ ut crastino die scriptum adferas testi-
monium. D. Ego semper tibi adfero aut à patre scriptum, aut
à nostro famulo, patris nomine. O. Rectè facit pater. Sunt
enim multi, qui me pascunt mendaciis. Nunc abi, & patri
dic salutem verbis meis. D. Faciam, præceptor.

COLL.

COLL 41.

Magister, Caperonus.

HEus! *Caperone.* C. Hem! præceptor. M. Quid flet frater tuus? C. Ægrotat. M. Qui scis? C. Satis apparet. M. Quo signo? C. Quia vomuit. M. Quid illi dolet? C. Caput & stomachus, ut dicit. M. Cur non recepit se domum? C. Non ausus est. M. Tu verò non audebas me admonere? Agè, duc illum tu ipse domum usque, & matris narra diligenter ut ille se habet. Propera; quid cessas? duc eum lento gradu. C. Ducam, præceptor.

COLL 42.

Hypodidasculus, Tiliacus.

HEus *Tiliace*, sequere me in cubiculum; est quod ego te seorsum monere velim. T. Adsum præceptor. H. Nunquàmne maturè in scholam venies? T. Non possum venire citiùs. H. Semper istud dices; quid impedit? T. Nemo est domi nostræ qui me expergefacerit. H. Nemo? T. Prorsus nemo. H. Non habetis ancillam? T. Habemus quidem, sed non curat me excitare. H. Imò, tu (ut opinor) non curas surgere; nonne verum dico? quid taces? responde nunc tandem aliquid. T. Me miserum! quid agam? H. Nihil est quod verearis, taterere verum. T. Quid si confessus ero? H. Ego tibi ignoscam, crede mihi. T. Ah pudet! H. Nè pudeat verum fateri, quæso, alioqui vapulabis. Pergin' tacere? Heus observator, vise ad matrem ejus & roga. T. Nè mittas, oro præceptor, dicam tibi rem omnem, nihil reticebo. H. Agè, esto animo bono. T. Sic est profectò, ut dixisti. H. Non satis istud est: volo audire sigillatim omnia. Narra mihi planè quemadmodum sese res habeat. T. Cùm venit ancilla me excitatum primum nihil respondeo, quasi seriò dormiam; deinde, si magis urgeat, attollo agè caput, sedeo in lecto, thoracem injicio humeris quasi statim surrecturus. H. Quàm pulchrè narras! Ità me Deus amet, nunc te magis amo quàm unquam. Perge. T. Quamprimum egressi est ancilla cubiculo, tum ego reclinò caput in pulvinum, ac demitto pedes. H. Etiamne redormis? T. Ego verò redormio bene placidèque.

H. Quam-

H. Quamdiu? T. Donec ancilla secundò veniat. H. Cùm redit, quid tibi dicit? T. Exclamat, vociferatur, insanit. H. Quibus utitur verbis? T. Hem! nebulo (inquit) quando eris in schola? Ego dicam præceptori tuo, ut te bene verberet; tu nunquam vis surgere nisi bis aut ter excitatus fueris. H. Bonâ fide promittis facturum te posthac officium? T. Si unquam recidero, causam non dico quin palam cædar virgis, idque acerbissimè. H. Bellè quidem promittis; sed quomodo præstabis promissa? T. Adjuvante Domino Deo. H. Qua ratione flectes illum? T. Fide & assiduis precibus. H. Alioqui nihil possis obtinere. T. Credo equidem. H. Non satis est credere, nisi cures efficere diligenter. T. Curabo pro viribus, ac dies noctesque id unum meditabor. H. Optimè loqueris, dam tamen memor esse pergas. T. Quomodo possem oblivisci? Nunquam desinunt istud monere concionatores; tu verò ferè quotidie ad id nos hortaris, & benè facis, præceptor, quia omnes sumus valde negligentes, sed ego primus omnium. H. Da igitur operam, ut tu omnium primus mores istos mutes, ac memento præcipuè semper verax esse. T. Faxit Deus, ut nunquam mentiar. H. O quàm felix esses! T. Satis in præsentia felix ero, si tantum me absolveris. H. Faciam quod tibi sum pollicitus; sed eâ lege, ut promissi tui memineris, & re ipsa præstes, quemadmodum nunc mihi recitasti. T. Quid igitur restat, quò minùs abeam liber? H. Imò aliquid restat; mane & audi etiam nunc. T. Quamdiu voles, præceptor. H. Inter cætera excutias oportet istam pigritiam, quæ te in lecto detinere solet. *Non enim decet studiosum adolescentem somniculosum & inertem esse, sed alacrem & experrectum, cujusmodi vides aliquos ex condiscipulis.* Non tenes memoriâ divinum Petri Apostoli præceptum? T. Quid illud est? H. *Sobrii (inquit) estote. & vigilate.* T. O quoties audieram! sed (proh dolor!) nunquam usurpavi. H. Fac ut studiosè usurpes in posterum, neque illud solum, sed etiam cætera bene vivendi præcepta, quæ toties audivisti. Quod quidem si diligenter feceris, tibi imprimis bene consules, jucundus eris parentibus,

bus & mihi & condiscipulus tuis; denique (id quod est præcipuum) charus eris Deo, qui studia in gloriam sui nominis magis indies promovebit. T. O. quantum fructum sentio ex ista admonitione tua! H. Vehementer sanè gaudeo, & tua & condiscipulorum causâ. T. Quid si nar- ras illis meam pœnitentiam? H. Ego verò narrabo primo quoque tempore, ut exemplo tuo discant nihil esse accep- tius Deo quàm culpam agnoscere, & ad frugem bonam redire. Vale, fili, & adesto horâ tertiâ in auditorio. T. Ago tibi gratias ingentes, amantissime præceptor.

COLLOQUIORUM SCHOLASTICORUM

LIBER IV.

Paulò graviora continens, præsertim in moribus
& Christianâ doctrinâ.

COLLOQ. I.

Frysius, Samuel.

Obscuro te, *Samuel*, da mihi operam paulisper. S. Quid istud est? F. Nescio quid incidit mihi in oculum, quod me habet valde malè. S. In utrum oculum incidit? F. In dextrum. S. Vis inspiciam? F. Inspice, F. Non queo à nictu continere. S. Maue, ego met tenebo sinistrâ manu. F. Ecquid vides? S. Video aliquid minutum. F. Exime, quaeso, si potes. S. Quin jam exemi. F. O factum bene! quid est? S. Cerne tu ipse. F. Est mica pulveris. S. Est quidem usque adeò pusilla, ut vix cerni possit. F. Vide quantum doloris adferat oculis res tam exigua. S. Haud mirum quidem. Nullum enim è membris exterioribus oculo tenerius esse dicitur. Idè etiam fit, ut experiamur nihil esse nobis charius. F. Hec Deus approbat, cùm de

suo in nobis charitate loquens apud *Zachariam* (2 cap.) sic ait; *Qui vos tangit, tangit pupillum oculi mei.* S. O immensam Dei bonitatem, qui nos tantopere charos habet! F. Non mihi rubet oculus? S. Aliquantulum: nempe quia fricuiisti. F. Credin' tu mihi adhuc dolere? S. Quidni credam qui toties talem molestiam sum expertus? F. *Experientia est verum magistra.* S. Ità vulgo dicitur. F. Quid pretii dabo isti medico pro labore? S. Quantum pacti sumus. F. Brevis est conclusio, ergò nihil. Sed tamen habeo tibi gratiam; atque utinam detur referendi locus! S. Quin potius avertat Deus. F. Bene correxisti; dixeram imprudenter, at sine dolo. S. Sic accepi; sed interim joculari licet, præsertim ut in *Latina* lingua nos exerceamus. F. Faxit Dominus Deus, ut omnia studia nostra ad gloriam ipsius referantur. S. Faxit precor.

COLL. 2.

Alexander, Carolus.

Ecce! reddo tibi commodatum, & gratias ago maximas. C. Non est quòd agas: sed tu satisne usus eras? A. Satis diu usum concessisti, quæ tua est humanitas. C. Quoties opus erit, quæso nè parcas rebus meis. A. Non parcam, quando ità jubes. C. Pergratum mihi feceris. A. Gratiam habeo maximam; tu verò nostris utere si quis usus fuerit. C. Non est quod moneas; satis meâ sponte sum impudens. A. Imò verecundus nimis. C. Esto, aliquando tamen senties. A. Ità velim; bene vale. C. Te servet Dominus Deus.

COLL. 3.

Claudius, Quintinus.

CUR diligenter audire debemus Evangelium? Q. Ut discamus Deum colere ex voluntate ejus. C. Nihil aliud respondes? Q. Quid responderem? Nihil enim scio præterea. C. Nonne etiam ut sobriè & justè vivamus? Q. Declara mihi illa duo adverbia, quæso. C. *Sobriè*, i. e. continenter: *justè*, i. e. in justitia; nempe, ut suum cuique tribuamus. Ità fit, ut *sobriè* ad vitam cujusque privatam pertineat; *justè* autem ad charitatem, quam proximo debe

debemus. Q. Sed audi, mi *Cladi*, nonne cultus Dei omnia illa complectitur? C. Probè sentis, *Quintine*: sed volui experiri, an responsionem tuam rectè intelligeres. Q. Bene fecisti. Nam de sincero verbi divini intellectu nihil nimis dici potest. Et de hac re quidem tecum pluribus verbis libenter agerem; sed nos hora ipsa admonet, ut discedamus.

COLL. 4.

Observator, Baptista

FRater tuus semper in concione aut garrir, aut ineptit, aut aliquem incitat; ex quo fit, ut sæpe notandus sit, deinde vapulet. B. Quid vis faciam? O. Cur non sæpe mones? B. Nunquam desisto monere. O. Perge, precor. B. Nihil est quod mihi preceris: nunquam cessabo, donec (volente Deo) de aliqua ex parte se correxerit. O. Sic usurpabis *Catonis* præceptum. *Quando mones aliquem*, nōsti cætera. B. Sed oro te, mi *Nicolae*, ut quoties eum notaveris, id mihi renunties. O. Nunquam finis esset, adeò frequens est nomen eius in meis commentariolis. B. Saltem fac me semel certiore, cum primum commiserit, quo sit accusandus; tum ego dicam patri, cujus verba magis timet quàm verbera. O. Istud non est parvum bonæ indolis argumentum. B. Ità spero quidem. Facies igitur quod rogo? O. Ego verò, atque libens.

COLL. 5.

Castrensis, Richardus

Quid consilii tractabas modo cum præceptore? R. Si scire cupis, illum percontare. C. Cur me celas? R. Ut nè palam facias. C. Non ideo (crede mihi) te rogo, ut id proferam: quid enim proficerem? R. Quamobrem igitur tam cupidè rogas? C. Nimirum, ut mecum tacitus gaudeam, si quid boni audierim. R. Itane paratus advenis, ut à me extorqueas quod mihi uni, idque à præceptore, creditum est? C. Quod mihi dixeris, surdo & muto dictum puta. R. Egone tergum meum in fidem tuam committam? C. Id protestò potes, & quidem sine periculo. R. Nunquam dices sat commode ut istud mihi persuades. C. Dabo si-

dem

dem me taciturnum. R. Etiam si ter quaterve sanctissime iuraveris, *Non prodam*. Proinde tu desine percontari. C. Hem! Ubi est illa nostra amicitia? R. Nescis illud dictum Sapientis, *Quod taciturnum esse vis, nemini dixeris!* C. Audivi aliquoties; sed quod amico dictum sit, nemini dictum videtur. *Est enim amicus quasi alter idem*. R. Eadem tibi dicet qui scire ex te volet, & item alius, qui ex illo; atque ita ad aures omnium perveniet. Itaque si me tibi posthac vis amicum esse, me missum facito. C. Non sum Imperator, ut te missum faciam. R. Pergin' molestus esse? C. Abire malim, quam tibi molestiam exhibere.

COLL. 6.

D. N.

Quando vis adire domum? N. Nescio: Ubi Deo visum fuerit. Id enim pendet ex voluntate ejus, non mea. D. Quid si accersat pater? N. Tunc intelligam Deum sic velle, ideoque parebo. D. Quid alia fuerit Dei, alia patris tui voluntas? N. De hoc non est meum disputare, sed, ut confido, pater non temerè me accerset. D. Ego quoque non aliter sentio; sed volui tantisper tecum fabulari. N. Gaudeo hunc nostrum sermonem non fuisse fabulosum. D. Utinam in scholis frequentiores essent sermones ejusmodi! N. Tum erunt, cum Deus ipse puerorum animos timore sui affecerit. D. Ergò precemur eum, ut id brevi contingat.

COLL. 7.

Antonius, Hieremias.

QUA pecuniâ emisti librum istum? H. Quâ censes, nisi meâ? A. Miror unde habueris. H. Quid miraris? An tibi acbeo reddere rationem? A. Egone exigo? H. Videris exigere. A. Non exigo, inquam, sed sic solemus inter nos familiariter & liberè fabulari, ut *Latine* semper condiscamus aliquid. H. Ea res, fateor, plurimum confert nobis ad *Latine* loquendi facultatem. Sed nemo est tam lenis, quin interdum subirascat. A. Est ut dicis; sed est brevis puerorum ira. H. Quod autem de pecunia rogabas, eam à patre acceperam. A. Quando venerat? H. Abhinc octo dies

dies A. Miror quòd eum non viderim. H. Non est quod mireris. A. Quid ità? H. Quia vix sesquihoram hìc moratus est. Cum enim de equo descendisset, meque paucis esset alloquutus, *ascendamus, inquit, in tuum cubiculum, ut tecum liberius colloquar.* A. Sed, antequam narres cætera, velim scire quid sibi vellet adventus ejus tam inopinatus. H. Falso quodam rumore (ut sit) audierat me ægrotum esse. A. Quid ille, cùm præter spem te valentem invenit? H. Mirifice affectus est gaudio. A. Quis dubitat? H. Præterea Deo optimo maximo maximas egit gratias. Libenter hæc audio; perge quæso. H. Tunc me de valetudine percontatur, ut à precatur, non sine gratiarum actione; tandem quærit ecquid mihi opus sit. *Opus (inquam) Pater. Qua (inquit) re eges? Liber (inquam) decem assium.* Tum ille pròmit ex marsupio decussem, tum mihi in manum dat: & *vale* dicto, statim conscendit equum, atque abit. A. Cur tibi plus dedit quàm petiveras? H. Istud inepte quæris? Scilicet, irà lætus erat, quia me, præter spem, bene sanum offenderat; quod si vel coronatum petivissem, tam facilè dedisset mihi. A. O quantum debes illi summo Patri; qui tibi adeò bonum patrem dederit! A. Nè cogitari quidem potest quantum debeam. Nam etiamsi malum dēdisset, deberem tamen non parum. Sed quid cessamus auditum ire prælectionem? A. Jam instat hora tertia. H. Parata sunt mihi omnia. A. Mihi quoque. H. Eamus ergò in auditorium.

COLL. 8.

Senerius, Villaticus.

UBI nunc est frater tuus natus maximus? V. Ivit in militiam. S. Quid ais? in militiam? V. Sic res est. S. Sic ergò valedixit literis? V. Jam pridem literarum satietas eum ceperat. S. Quid ità? V. Nescio, nisi quia volebat liberius vivere. S. Quomodo permisit pater? V. Quid? putas permisisse? patre absente, matre invitâ, profectus est. S. O miserum adolescentem! V. Imò verò miserrimum. S. Quid faciet? V. Id quod cæteri qui sequuntur illud vitæ genus:

genus : nempe spoliabit, rapiet, ludet aleâ, potabit, scortabitur. S. Estne isthæc militum vita? V. Omnino. S. Unde scis istud? V. Audiui nuper ex parte, cum cœnaremus. S. Quorsum narrabat talia? V. Docebat nos nihil esse certius quam Deum timere, qui custodit parvulos, eosque in viam rectam paulatim inducit. S. Et præceptor ipse noster de his rebus sæpe nos admonet. V. Tanto magis debemus esse solliciti, ut parentes charos habeamus & præceptores, quorum opera Deus ad nostram institutionem utitur. S. Utinam utrisque præstemus quod ipse nobis in sua lege præcepit! V. Ita faxit ille. S. Faxit, precor.

COLL. 9.

Lucas, Orosius.

Audio fratrem tuum jam rediisse ex *Germania*. O. Sic est. L. Solusne rediit? O. Non omnino. L. Quis igitur cum illo? O. Quidam civis hujus oppidi, qui fere biennium illic habitaverat. L. Cur iverat frater? O. Missus illuc fuerat à patre, ut *Germanicè* disceret loqui. L. Quam igitur ob rem non fuit illic diutius? O. Jam non poterat ferre matris desiderium. L. O. tenellum adolescentem! quotum agit annum? O. Septimum decimum, si recte mater meminit, ex qua id audiui sæpe. L. Agè quo vultu à patre acceptus est ejus adventus? O. Rogas? pater non sustinebat aspicere: quin etiam nec salutatione dignatus, nec alloquio, jussit eum abire e conspectu. L. Quid præterea? O. Nisi mater cum lacrymis intercessisset, jubebat apparitorem accereri, qui miserum in carcerem conjiceret. L. Atqui non poterat injussu Magistratus. O. Nescio; tamen conabatur. L. Quid postea factum est? Cubuitne domi vestræ? O. Minime vero. L. Ubi igitur? O. Sororis mæx virum nostrum? L. Tanquam dignos. O. Eo missus est à matre, dum patris ira deservesceret. L. Quid tandem accidit? O. Egit mater cum propinquis & amicis nostris, ut iratum patrem mirigarent. L. Sic igitur frater tuus cum patre in gratiam rediit? O. Ille non fuit magni negotii. Jam enim pater ceperat poenitere.

quòd sic excanduisset, quòdque tam graviter accepisset filium. L. Nempe *dies ejus iram lenieras*. O. Eà tamen lege recepit illum, ut promitteret se in *Germaniam* rediturum statim à vindemia. L. Vide quàm ineptus sit iste in matres nostras affectus. O. Atqui ipsæ matres sunt in causa: cur enim adeò tenerè nos adamant? L. Naturam cogere difficile est. O. In hanc sententiam tenésne versum ex *Horatio*? L. *Naturam expellas furca licet usq; recurret*. O. Sed quid hoc? dum fabulamur, à lusu cessatum est. L. Nihil inde nobis accidit mali: ad disputationes conveniamus jam.

COLL. 10.

Conradus, Linus.

UBI fuisti hodie post prandium? L. In horto præceptoris. C. Quid illuc iveras? L. Ille me miserat petitem olera. C. Quæ tandem olera collegisti? L. Vix enumerare possum omnia. C. Saltem quæ occurrunt memoriæ. L. Sed cur illud quæris? C. Ut interim recordemur aliqua rerum nomina, quæ parvuli didicimus. L. Pulchra est exercitatio; præsertim cum aliquid nobis suppetat otii. Audi igitur; collegi allia, serpyllum, porros, cepas, nasturtium, cuminum, sceniculum, thymum, amaracum, hyssopum, apium, salviam, satureiam. C. Herbæ sunt olentes, quas adhuc numerasti. L. Sic institueram memoriæ gratia. C. Perge porrò. L. Pauca quædam restant, ut beta, cichoriū, lactuca, oxalis, eruca, brassica, portulacaque; plures non occurrunt. C. Qui potuisti tot meminisse? L. Præceptor mihi dederat scriptum catalogum. C. Et noveras omnes? L. Noram, alioquin eum interrogassem. C. Atqui ego non novi omnes, quamvis nomina didicerim. L. Ego tibi plures etiam demonstrabo, cum licebit nobis in hortum ire. C. Multumne attulisti? L. Nimis es curiosus: quid vis? De singulis attuli quantum opus fuit. C. Tamen si curiosus tibi videor, tamen hoc mihi velim respondeas: scin' tu in quem usum præceptor tot olerum genera curaret apparanda. L. Partim ut jus benè condiretur,

retur, partim ut minuta ex oleribus fieret. C. Quàm bene consulebat nobis! L. Optimè, sed tamen ea non erat causa præcipua. C. Quænam igitur? L. Legistine unquam *Moretum Virgilii*? C. Carmen quidem legi: sed *Moretum* nunquam edi, nec vidi, quod sciam. L. At videbis, spero: nam præceptor uxorem docuit conficere, & illa confecit ex ejus præcepto. C. An apponetur nobis aliquid in cœnam boni? L. Saltem jus carniū pingue, bene conditum, carnes optimæ, & minuta ex oleribus. C. Unde scis ista? L. Omnia vidi in culinâ cùm jussus essem adjuvare, præcipuè in meis oleribus repurgandis. C. Quid moretum? non saltem gustabimus! L. Imò dabitur nobis, nam confectum est quod satis sit omnibus. C. Ista mihi sapiunt magis præsertim æstate, quàm carnes ipsæ, aut pisciculi. L. Optarem profecto servari carnes in hyemem, ut totâ æstate olera & fructus esitarem. C. Atqui (ut accepi) ista minùs alunt. L. Id ego audiavi aliquoties; sed quid opus est tanto studiosis alimento? C. Non tanto fateor; si tamen parentes nos viderent palidos & macilentos; statim ejus rei culpam assignarent præceptori: nonne sic est? L. Non est dubium; sed quid agas? fere parentes (præcipuè matres) nobis indulgent nimium. C. Vera quidem dicis; sed tu interim matris indulgentiâ libenter frueris. L. Quati vero tu minùs. C. Ne mentiar, quod tibi ascribo, in me quoque frequenter experior. L. Non possumus parentum ergà nos affectum, nisi nostris vitiis, immutare; tantùm caveamus eorum abuti benevolentia; sed imprimis laudemus illum Patrem nostram benignissimum, qui nobis tales progenitores dedit. C. Ista libens audio; sed nos hora vocat. L. Agè, finem imponamus.

COLL. II.

Norileus, Dotheus.

U Nde redis? D. E Foro. N. Quid emisti? D. Carnem. N. Qualem? D. Virulinam. N. Ostende, quæso; fere nova res est hoc tempore. D. Vide. N. Bona videtur mihi. D. Non falleris, opinor. N. Quot sunt libræ? D. Nolant

lanii appendere vitulinam. N. Cur non ? D. Propter novitatem. N. Vide astutiam : scilicet quisque vendit quam potest carissimè. D. Rem acu tetigisti. N. Quantum putas pendere ? D. Duas libras & paulò ampliùs. N. Quanti emisisti ? D. Agè, divina. N. Non sum divinus. D. Atqui multi divinant, qui tamen divini non sunt. N. Fieri potest ; sed ex quibusdam conjecturis : alioqui divinatio vetita est in divinis literis. D. Divina igitur ex conjectura. N. Emisisti totum duobus affibus. D. Paulò minoris. N. Quanti ergo ? D. Tenta iterum. N. Viginti denariolis. D. Nolo te diutius torqueri de nihilo. N. Dic igitur fodes. D. Hoc totum conficit mihi sex quadrantibus. N. Profectò fortuna tibi pulchrè favit. D. Quam mihi fortunam narras ? N. Hic mos est loquendi. D. *Mos* (ut dicitur) *tyrannus est pessimus*, Atque utinam bonos mores tam studiosè coleremus, quam obstinatè retinemus malos ! N. Tunc meliùs se haberent omnia. D. Nos igitur fortunam illam *Ethnici* & impiis relinquamus. *Fortuna nihil est : solus est Deus, qui facit nobis, solus est adiutor & protector noster*. N. Istud quidem certò scio, fideliter credo, & verè confiteor : sed quid agas ? *Sape labitur lingua, nihil mali cogitante animo*. D. Oportebat te illud meminisse, *Ne lingua præcurrat mentem*. N. Istud quidem didicimus è septem *Sapientium* dictis ; sed non semper occurrunt ejusmodi pulchrè dicta ; licet ea mandaverimus memoriæ. D. Tanto igitur magis illa est exercenda, ut nobis cum opus est, suppetat. N. Isto tuo admonitu, discam esse alias prudentior. D. Sed audis signum dari ; desinamus.

COLL. 12.

Herus, Famulus.

Fuistine hodie in foro ? F. Fui. H. Quando ? F. Post concionem sacram ? H. Quid emisisti nobis ? F. Fere nihil. H. Quid autem ? F. Butyrum. H. Quanti ? F. Quadrante. H. Tantillum ? F. Non ausus sum amplius emere. H. Quid timebas ? F. Nè bonum esset. H. Satis prudenter factum. F. Cur istud dicis, here ? H. Quia malim te esse hanc in re timidiorè, quam audaciorem. Sed nunquid emisisti præterea ?

terea? F. Nihil. H. Eho! nihilne? F. Nihil prorsus. H. Vah, quàm parce nobis opsonatus es! F. Quid aliud emere potuissem? H. Quasi nescias quibus cibis oblectari soleari. F. Scio te amare caseum molliusculum, & pyra, & alios fructus recentes. H. Recte dicis; cur ergo non emebas? F. Caseus ipse carior erat pro nostra pecuniola. H. Quid fructus? F. Alii erant non satis maturi, de aliis ego dubitabam essentne boni. H. Miser, non poteras gustare? F. Atqui istæ mulieres nihil gustare permittunt, nisi te empturum affirmes. H. Nihil mirum; multi enim gustarent animi tantum gratiâ. Tu igitur esto alias prudentior. F. Quomodo? H. Si videris pulchrum aliquem fructum, eme aliquantulum denariolo, ut facias periculum. F. Quid tum præterea? H. Si tibi sapuerit, tum emitto amplius; sin minus, relinquito, & aliò te conferto. F. Bona est ista cautio. H. Memineris igitur, ut ipse postea utaris. E. Ergo, ut spero, meminero diligenter. Nunquid vis præterea? H. Ut cures quæ tui sunt officii, deinde literis incumbas.

C O L L. 13.

Caroletus, Quinius.

Adfuisti matutinæ precationi? Q. Adfui: tu verò ubi eras? C. Iveram ad patrem in cauponam. Q. Quid eo? C. Heri vesperi iusserat, ut se convenirem bene manè. Q. Qui ausus es tam manè prodire, idq; inconsulto præceptore? C. Jam heri veniam impetraram, antequam iretur cubitum; sed dic mihi, quid ille à precatione palam admonuit? Q. *Audivi* (inquit) *esse inter vos, qui sæpe numero Anglice fabulentur, & nemo interea vestrum mihi quicquam indicat; quod est argumentum consensimis omnia in eodem peccato.* Hæc fuit accusationis summa; deinde in suam sententiam multa dixit, quæ meminisse non potui. C. Sed quæ tandem fuit conclusio? Q. *Quantobrem* (inquit) *admoneo vos, ut alius alium ad Latine loquendum cohortemini diligenter, & eorum nomina, qui prætere noluerunt, ad me quæprimùm deferatis, ut huius mali remedium adhibeam.* C. Nullum igitur verbum licebit esse

terre Anglicum. Q. Quantum ex verbis ejus colligere potui, non ita rem intelligit. Non enim (ut scis) usque adeo est severus exactor, ut statim puniat, sicuti verbum aliquod inter colloquendum exciderit. C. Aliquoties (ut memini) palam dixit, edictum suum ad eos demum pertinere, qui cum *Latine* sciant, tamen semper latibula quærunt, ut *Anglice* fabulentur, idque de rebus ineptissimis. Q. Ea est quorundam pertinacia, ut malint sæpissime vapulare repugnando præceptis honestissimis, quam laudari atque etiam diligi obsequendo. C. Meministi'n' audire ex ipso præceptore, *Nisi in verum?* Q. Memini atque adeo est verissimum: tamen qui doctrinam *Christi* libenter amplectuntur, non studio peccant neque malitiâ. C. Istud præstat verus ille timor Domini. Q. Tales igitur, quod licet per naturæ infirmitatem, sedulo cavere nituntur, nè quid scientes faciant, dicant, aut cogitent, quo Deus vel minimum offendatur. C. Ergo studeamus & nos id ipsum cavere: studeamus rectè vivere, & Dei nostri parere voluntati; non modo nè vapulemus, sed magis ut illi optimo Pastri nostro placeamus. Q. Ita fiet ut verè simus non *tenebrarum*, sed *lucis filii*. C. Sed de his aliàs pluribus: ad disputationes nos accipiamus. Q. Ecce! vocat signum.

COLL. 14.

Albertus, Tiro.

Nunc demum redis à foro. T. Quid demum? Tanta est ad lanienam turba, ut vix accedere potuerim. A. Quas attulisti nobis carnes in diem crastinum? T. Bulum & vervecinam. A. Estne in foro carnum magna copia? T. Tanta profectò, ut mirer adeo caras esse. A. Nihil mirum: Ut multæ sunt carnes; ita multi qui carnes edunt quotidie. Sed quæ potissimum vidisti carnis genera? T. Vidi bubulum, vitulinam, ovillam, vervecinam, suillam, hædinam, agninam. A. Nihilne amplius? T. Quid velles præterea? A. Nihil erat ferinæ? T. Non queo referre simul omnia; imo etiam ferinam vidi. A. Qualem? T. Cervinam & aprugnam. O quam pinguis est aprugna! A. O quam ineptus es! T. Quid ita? A. Quia falleris

falleris in rerum nominibus. Nam quod in sue domestico dicitur *aruina*, id in sue fero (id est, apro) *callum* vocatur : & est in eo genere durissimum. T. Istud quidem audisse non memini. A. Nunc audisti, manda (si vis) memoriae. T. Tu verò, doctor, unde illud didicisti ? A. Domi nostrae ferina caro res est frequentissima. T. Unde vobis tanta est copia ? A. Pater habet ruri ferarum multarum vivarium, ex quo interdum solidi apri in urbem adferuntur. T. Quale est vivarium illud ? A. Locus est fere quadrangulari formâ, amplissimus, muris altissimis septus undique, consitus multis & proceris arboribus ; inter quas sunt demeta maximè densa. T. Quales sunt illic arbores ? utrum urbanæ an sylvestres ? A. Sylvestres fere omnes : sed in his potissimum quercus et fagi ; quarum glande pascuntur cervi, apri, damæ. T. O quantas merito gratias Deo deberis, qui vobis largitus est tantam rerum omnium abundantiam ! A. Non sumus immemores beneficiorum ejus. Pater enim plurima bona in pauperes erogat ; quod tamen tibi uni dictum esse velim. T. Cur ita ? A. Quia talia non vult prædicari. T. Tanto magis laudandus, quod *Christi* præceptum verè sequitur, cujus verba apud *Mattheum* scripta sunt ; *Cum facis* (inquit) *elemosynam*, & quæ sequuntur. A. Quoto capite ? T. Sexto, nisi me fallit memoria. A. Sed hæc hætenus. Satis enim sumus colloquuti, & jam ad disputandum convenitur. T. Eamus igitur. A. Sequere me, aut (si mavis) præcede. T. Ego neutrum faciam, sed una ibimus.

COLL. 15.

Grinandus, Moverotus.

Tantum igitur hodie e villa revertisti ? M. Hodie tantum, idque paulo ante prandium. G. Atqui dixeras te futurum illic modo biduum. M. Ita sperabam fore, & sic pater promittebat. G. Quid igitur obstitit quo minùs redieris citiùs ? M. Mater me detinuit, tamen si etiam cum lachrymis eam obsecrarem ut me missum faceret. G. Sed cur te tam diu remorata est ? M. Ut se comitarer in reditu. G. Quid verò agebas interea ? M. Colligebam fructus cum

rufficis nostris. G. Quos fructus? M. Quasi non sint tibi noti fructus autumnales & serotini, pyra, mala, juglandes, castaneæ. G. O jucunda exercitatio! M. Non est jucunda solum, sed etiam frugifera. G. Sed hoc malum, quod interim quinque aut sex prælectionum fructus tibi periit. M. Non omnino periit, spero: curabo pro viribus, ut aliqua ex parte recuperem. G. Quid facies? M. Describam quam potero diligentissime. G. Quid tum postea? M. Ediscam ipsam auctoris orationem. G. Sed sententiam non satis intelliges. M. Ipsa me juvabit præceptoris interpretatio, ut sensum magna ex parte assequar. G. Nec tamen id satis erit. M. Tu (si placet) aderis mihi per otium, ut conferamus una. G. Libenter equidem faciam. Sed nè istud quidem sufficiet. M. Non habeo quod possim ampliùs. G. Quanto præstitisset vivam audire magistri vocem! M. Multo sanè præstiterat; sed quando id mihi non contingit, nec meà culpa factum est, nihil habeo quod me accusem in hac parte. G. Recte dicis; fac igitur habeas animum bonum. Nam quod ego tecum pluribus verbis de hac re disputavi, non ideo feci, ut vellem te adducere in desperationem; sed totum illud profectum est ex meo in te amore singulari. M. Haud mihi dubium istud est; quo fit, ut majorem tibi habeam gratiam. G. Sed ecce! vocat vos ad coenam tintinnabulum. M. Nuntius opportunus.

COLL. 16.

Johannes, Rubens.

SAlve, Rubete. R. O *Johannes*, auspiciatò advenis; valésne bene? J. Optime, gratia Deo: tu verò ut vales? R. Recte sane, Dei beneficio: sed quando rediisti domo? J. Nudiustertius. R. Bene habet, opportunè venisti. J. Nempe sciebam instare vacationis terminum. R. Placétne ut otiose aliquandiu confabulemur? J. Maxime, dummodo semotim ab hac turba clamosa ludentium. R. Bene mones; secedamus in auditorium illud quod est apertum. J. Quàm apte hic sedemus? Agè, loquamur liberè. R. Suntne pericula vestrae vindemiæ? J. Omnino. R. Quantum temporis posuistis in toto opere? J. Dies circiter quindecim. R. Tu

R. Tu igitur semper interfuisti? J. Nullum intermisi diem.
R. Quid agebas? J. Uvas sæpius colligebam. R. Cum verbo *Colligebam* debuisti aliquid addere. J. Quidnam, quæso? R. *Et Edebam*. J. Quid opus fuit? De hoc nemo dubitare potest. Quis enim fructus bonos & maturos legit, quin edat etiam ex optimis? R. Profectò recte loqueris: euge! responsum laudo. J. Jamne putabas os occlusisse mihi. R. Istud me cogitavi quidem. J. Quid igitur? R. Non expectabam tam promptum, tamque prudens responsum. J. Nihil est quod mireris. Nam, ut est in proverbio, *Sæpe etiam est olitor verba opportuna loquutus*. R. Cui debes hoc preverbium? J. Magistro *Juliano*. Is enim dictat nobis interdum proverbialia ejusmodi, & pulchras sententias ex bonis auctoribus. R. Optime vobis consulit; sed quibus horis solet id facere? J. Nonnunquam à cœna, sæpius autem cum auditorio nihil habemus reddere. R. Utinam sic omnes facerent, dummodo non essent impedimento quotidianis scholæ exercitationibus? J. Bene subjunxisti istam exceptionem per adverbium *Dummodo*. Sunt enim quidam pædagogi, qui suis dictatis & privatis lectionibus sic onerant pueros suos, ut non possint in schola satisfacere. R. Inde fit, ut ipsi præceptores interdum conquerantur de talibus pædagogis. Sed quid agimus? Redeamus ad sermonem institutum. J. Placet. R. Fuisse semper occupatus in uvis colligendis? J. Opus illud in paucis diebus absolvitur, propterea quod ita magnus operariorum numerus ad id locari solet. R. Quid deinde fit? J. Calcantur uvæ, vinum hauritur e cupis majoribus, eadem operâ diffunditur in dolia: deinde uvæ ipsæ nondum expressæ subjiçuntur prælo in torculari; postremò exportantur & abjiciuntur vinacea. R. Atqui non curabas ista? J. Imò curabam aliqua ex parte. Nam agendis omnibus intereram, maxime ut sollicitarem operarios. R. Eras ergò illic tanquam præfectus, & quasi magister operum. J. Imò etiam reverà magister operum & præfectus, pater enim me præfecerat. R. Quàm gaudebas isto magisterio! Quàm pulchrum erat videre te cum tua gravitate

vitate aliis imperantem, alios adhortantem, alios denique
 arguentem ! J. Profecto si vidisses me, dixisses alium esse,
 quam in schola discipulum. R. Ut video, non eras otio-
 sus. J. Imò, ut bonus paterfamilias, adhibebam sæpenu-
 mero manus operi, ut ipsos operarios meo exemplo insti-
 gare. R. Non abs re (ut apparet) pater te huic muneri
 præfecerat. J. Nempe aliis in rebus expertus erat meam
 diligentiam. R. Absit tamen verbo jactantia. J. Ego sic
 intelligo ; sed libere sic loquor, quia cum familiari meo.
 R. Sed pergamus. Quanta est vobis vini copia ? J. Medio-
 cris, qualis fere hoc anno ubiq; esse dicitur, tametsi vinum
 rubellum habemus affatim, album non item. Verum quic-
 quid est, contenti sumus, & de manu Domini cum gratia-
 rum actione recipimus. R. Quot implevistis dolia ? J. Plus
 minùs quadraginta : sed sunt alia aliis majora. R. Papæ ?
 Non tibi videtur magnus proventus ? J. Satis quidem ;
 sed non pro ratione anni superioris. R. Quid refert ? quan-
 tò minor est quantitas, tantò etiam pluris venduntur. J. Sic
 ferè solet evenire : sed nonne tibi videor satis narrare de
 vindemiis ? Quid præterea desideras ? R. Quoniam sic
 abundamus otio, volo etiam aliquid ex te audire de fru-
 ctibus arborum. Est enim quasi altera vindemia. Nonne
 habetis multos ? J. Plenis tabulatis, quæ est Dei benig-
 nitas. R. Quando collecti sunt ? J. Quo tempore vinum fa-
 ciebamus, familia colligebat. R. Quæ sunt vobis ejusmodi
 fructuum genera ? J. Mala, pyra, castanea, juglandes : sed
 malorum & pyrorum multa est varietas. R. Quid coto-
 nea ? Non etiam habetis ? J. Imò habemus, sed ea sub ma-
 lorum genere continentur ; unde & alio nomine appel-
 lantur mala cydonia. R. Quid autem attulisti huc rediens ?
 J. Nihil nisi quasillum uvarum selectarum ; sed singulis
 posthac hebdomadibus mihi afferentur plenis saccis ma-
 la, pyra, castaneæ. R. Interea da mihi, quæso, aliquot ex
 uris tuis. J. Eamus in cubiculum meum, illic dabo tibi.
 R. Equidem paratus sum ; eamus. J. Illic etiam agemus
 de repetendo ultimo in diem *Lunæ* colloquio : nam, ut
 opinor, id præceptor inprimis exigit.

COLL. 17.

Eustatbius, Boscomellus.

Audivi patrem tuum venisse hodie in Gymnasium. B. Verum audisti. E. Quà venerat gratià? B. Ut pro meis alimentis præceptori numeraret pecuniam, simul ut me illi commendaret. E. Nunquàmne te commendarat? B. Imò sæpissimè. E. Quid sibi vult istà commendatione tam frequenti? B. Amore vero me prosequitur. E. Quid tum? B. Ideo cupit me diligenter erudiri. E. Quid si commendet, ut sæpius vapules? B. Ea est fortasse causa; sed quid inde? non propterea me diligit minus. E. Unde istud colligis? B. Quia *puero tam necessaria est correctio quàm alimentum*. E. Verum quidem dicis, sed pauci ita judicant. Nemo enim est quin panem quàm virgam malit. B. Illud est naturale omnibus; quis negat? sed tamen *patienter ferenda est pœna, præsertim justa*. E. Hæ habentur in bello morali sententiæ: *Quod merito pateris, patienter ferre memento*. Sed, quid si pœna sit injusta? B. Ea quoque patienda est nihilominus. E. Cujus causà? B. Propter *Jesum Christum*, qui mortem injustissimam, eamque acerbissimam tulit pro peccatis nostris. E. Utinam id nobis in mentem veniret quoties aliquid patimur! B. Præceptor id nos sæpe monet, quoties occurrit occasio: sed *surdus narratur fabula*, ut est in proverbio. E. Ergò demus operam, ut simus posthac diligentiores. B. Ita faxit Deus.

COLL. 18.

Grandinus, Thomas.

CUR non interfuisti hodiernæ concioni? T. Occupatus eram in scribendis literis. G. Non poteras disferre negotium? T. Urgebat tabellarii festinatio. G. Atqui præceptor docet nos, omnia postponenda esse Dei negotiis. T. Docet quidem, neque id mihi dubium est; sed nunquam sumus adeo perfecti quin sæpe Deum terrenis istis postponamus. G. Istud malum est. T. Pesimum verò; semper homines sumus, nisi Deus nos Spiritu suo immutaverit. Sed dic, quæso, fuitne fre-

quens

quens auditorium? G. Non admodum; pro more solitio.
 T. Unde fit istud? G. Ignoras populum nunc esse occupa-
 tum in vindemiis? T. Non ignoro; sed non possunt homi-
 nes divinis rebus unicam horam impendere? G. De hoc
 non est meum tibi reddere rationem; hoc tantum dico,
Turpi est doctori, cum culpa redarguit ipsum. T. Papæ! quan-
 tum colaphum empegistii mihi! Vale: verbum non am-
 plius addam. G. Esto igitur alias prudentior.

COLL. 19.

Molinæus, Cararius.

Tu igitur cras (ut audio) discessurus es. C. Cras si Do-
 minus permiserit. M. Eho! cur tam cito? C. Urget me
 pater. M. Imò, tu urges patrem. C. Itane tibi videtur? Quo-
 modo patrem urgere possum? M. Assiduà missione lite-
 rarum. C. Tantum semel scripsi instare vacationem scho-
 lasticam. M. Quando misisti literas? C. Hebdomade supe-
 riori. M. Quo die? C. *Veneris.* M. Quid facies domi? C. In-
 stat vindemia, interim colligendi sunt fructus arborum.
 M. Poteras expectare dimissionis diem. C. Nescio quan-
 do sit futurus. M. Spero fore ad finem proxime hebdoma-
 dis. C. Sed istud non est in nostro situm arbitrio. M. Ne in
 præceptoris quidem. C. Cujus igitur? M. Solius Dei qui
 hominum consilia suo nutu gubernat. C. Atqui *Satanas*
 videtur interdum gubernare. M. Quantum Deus ipsi per-
 mittit. Sed ista sapientioribus relinquamus. C. Tutius est:
 monet enim proverbium, *Nè sutor ultra crepidam.* M. Sæpe
 istud ex præceptore audivimus. C. Idem quoque non se-
 mel docuit nos illa *Pauli* sententia, *Noli aliud sapere,*
sed time. M. Illud etiam frequenter habet in ore, *Altiora*
te nè quæseris. C. Sed audia' tu ad cœnam signum dari?
 M. Adhuc pulsat aures meas tintinnabulum. C. Eamus
 in aulam, nè desinus precationi. M. Cras ante discessum
 te salutabo.

COLL. 20.

Petrinus, Croteranus.

Quo ludi genere hodie te exercuisti? C. Juglandium.
 P. Ecquid lucri fecisti? C. Imo, perdidisti. P. Fortuna
 igitur

igitur tibi adversa fuit. C. Nescio quæ fortuna; tantum scio, meâ culpâ accidisse; sed ita volente Deo. P. Cur Deus id voluit? C. Ut hinc discam ferre graviora cum acciderunt. P. Quasi verò Deus lusiones puerorum curet. C. Curat profecto; quinetiam *nihil fit in rerum naturâ sine Divina providentia*. P. Siccine philosopharis? Quisnam te ista docuit? C. Non tute audivisti toties ex concionatore nostro? P. Fieri potest ut audierim: sed qui agas? fluxa est mihi memoria. C. Nimirum, quia illam non exerceas. P. Quomodo exercenda est? C. Primùm diligenti attentione, hoc est, diligenter advertendo ea quæ audivimus, aut legimus; dein de eadem sæpe repetendo; denique docendo alios ea quæ didicimus. P. Ista nobis sæpius inculcantur à præceptore; sed (me miserum!) quam supina est hæc mea negligentia? C. Sic sumus omnes, nisi Spiritus ille Dei nos excitet. P. Quid igitur faciam? C. Expergiscere, mi *Peirine*, toto animo totisque viribus ad Deum aspira, illum assidue & pro affectu precare, vigilans esto, pravos fugito, versare cum bonis, tum moribus facillimis effice ut eos tibi familiares reddas. P. Quid tandem consequar? C. Rogas? Si te istis moribus assuefeceris, Dominus Deus suâ clementiâ tui miserebitur, brevi que animum tuum immutatum senties. P. O quam opportunus hic mihi congressus fuit! Obsecro te, mi *Corterane*, ut sæpius colloquamur. C. Per me non stabit, quoties utrique licebit per otium. P. Grattias ago maximas. C. Non est quod agas; recipiamus nos in auditorium.

COLL. 21.

Ægidius, Massucius.

CUR hic dispergebas pisâ? M. Quando? Æ. Post prandium. M. Id faciebam animi causâ. Æ. Sed pisâ illa unde habueras? M. Acceperam è conchula, ubi reposita erant ut crastino die coquerentur. Æ. Debuisti sine animi causâ malum facere? M. Non putabam id esse

esse malum. Æ. Annon est malum conculcare panem pedibus? M. Istud ego nollem facere. Æ. Cur nolles? M. Quia *panis est nobis maxime necessarius*. Æ. Et pisca ipsa, & cætera quæ eduntur, Deus in usum nostrum creavit. M. Non ignoro illud; quinetiam pisis libenter vescor, si bene cocta & condita sunt. Æ. Præterea, vellésne abuti rebus tuis? M. Minimé. Æ. Tanto minùs alienis debes. M. Istud satis intelligo. Æ. Ergò non rectè fecisti. M. Non rectè, fateor: non tamen animo malo. Æ. Cur igitur fecisti? M. Mea ineptia me ad illud incitavit. Æ. Quid inde meruisti? M. Plagas. Æ. Rectè dicis, (sed opinor) non ex animo. M. Imò certè, nè me accuses, oro. Æ. Quandoquidem sponte fateris, non accusabo: sic enim velle se dixit præceptor sapissimé. M. Quid ille dixit? Æ. Ut de rebus ejusmodi levioribus neminem ad ipsum deferamus, qui modò culpam libens agnoverit. M. Istud ergò beneficium tibi debebo, mî *Ægidi*! Æ. Nihil velim mihi debeas hoc nomine; sed mecum precare Deum, ut à malo nos liberet. M. Quotidie in schola quater aut quinque palam precamur. Æ. Quid tum? M. Præterea privatim quoties cibus sumitur, quoties cubitum itur, quoties cubitu surgitur: Nonne satis hæc sunt? Æ. Præter illa, sæpe monet præceptor, ut interdum pro se quisque precandi causâ secedat aliquò in secretum locum; meministi? M. Memini probe: sed (ut scis) difficile videtur esse, ut pueri secretis precibus assuescant. Æ. Et tamen paulatim assuescere optimum fuerit. M. Progressu temporis Deus ipse noster ad eam rem nos incitabit, atque assuefaciet. Æ. Ita fore sperandum est; si tamen in verbi ejus tum lectione, tum auditione sedulo proficiamus.

COLL. 22.

Varro, Casiriovanus.

Quid est quòd hodie tam citò à patruo redieris, præsertim cum fuerit convivium? C. Quid illic fecissem diutius? V. Cœnam expectasses, ut ederes de prandii reli-

qui-

quii. C. Satis ederam in prandio. Præterea, jussit patruus ut domum reducerem præceptorem, quem ego ad convivium deduxeram. V. Quid frater tuus patruelis? cur in ludum vobiscum non rediit? C. A matre retentus est in unum aut alterum diem. V. Quamobrem? C. Ut illi refarciantur vestimenta. V. Illa est mulierum cura. Sed Age, quoniam nunc otiosi sumus, narra mihi (quæso) aliquid de convivio. C. Quid de illo scire cupis? V. Primum qui convivæ fuerint; deinde, quam lautum & opiparum convivium. C. Convivæ fuerint hi præcipui, quatuor Syndici, subpræfectus urbis, & alii duo primæ notæ Senatorum numero. V. Nōstine? C. De facie quidem: sed eorum non teneo nomina. V. Nulline præterea? C. Duo ex patrui mei familiaribus. V. Quotus accumbebat præceptor? C. Quotus esset non observavi: sed erat in media ferè mensa, e contraria parte mei patrui. V. Tu vero? C. Hui inepte, qui istud roges! Egōne homunculus cum tantis viris epularer? Satis hoc mihi honorificum fuit, quod ministrarem. V. Nullæne erant mulieres? C. Nulla præter uxorem patrui, quæ quidem sedebat in mensa extrema. V. Quid illa tam remota? C. Sic voluit ipsa, ut identidem commodius surgeret propter ordinem ministerii. V. Quid filius? C. Juxta matrem assidebat. V. Habeo de convivis; nunc expecto de convivio. C. Onus mihi valdè magnum imponis ac difficile, maxime propter memoriam: sed quando (ut dixisti) plusculum otii nacti sumus hoc pomeridiano tempore, dabo equidem operam ut aliqua ex parte expleam desiderium tuum. V. Pergratum mihi feceris. C. Ea tamen lege, ut par pari referas, si quando dabitur occasio. V. De hac nihil est quod dubites. Incipe. C. At ego interea, sedere volo, quia longa est narratio. V. Eamus sub pergulam, ut in umbrâ commodius fabulemur. C. Audi nunc jam. V. Quia (ut ais) longa est narratio, dic mihi primum, quotâ horâ accubitum est? C. Fere decimâ. V. Quotâ resurrectum? C. Paulò ante meridiem. V. Sedebantne omnes commodè? C. Commodissimè. V. Nunc ad rem aggredere. C. Accipe igitur mensæ præludia. V. Appone, cum voles.

C. In-

C. Imprimis apposita sunt tenella, craftula, mellita opera pistoris cum aromate. V. Optimum sanè exordium, & ad conciliandos animos aptissimum. C. Omitte, quæso, istas interpellationes, ne mihi perturbetur memoria. V. Posthac non interpellabo, nisi si quid opus erit requirere. C. Sequuntæ sunt pernæ salitæ, hilla infumata, lucanicæ, linguæ bubulæ sale quoque & fumo induratæ. Atque hæc ad excitandam appetentiam, & sicim acuendam. V. Quasi verò non satis acueretur Solis æstu & fervore. C. Sic docti solent facere convivatores. V. Isthæc audio libenter, præsertim cùm exprimas omnia propriis & significantibus verbis, Perge porrò. C. Eodem ordine interposita sunt acetaria è lactucis capitatis, avium intestina frixa, minutalia ex vitulina, cum ovorum vitellis integris. Et hæc hætenus de præludiis, qui missus primus fuit. V. Nihil interim bibitum est? C. Indigna homine quæstio. Quis enim vino hic parceret? Vix tres, & quidem strenuissimi, fundendis potibus sufficebamus. Sed de potibus agam posterius; sine me cibos expedire. V. Age, sino. C. In secundo missu hæc ferè fuerunt, artocrex, pulli gallinacei elixi cum lactucis, bubula, vervecina, vitulina, suilla recens & salia, jus carniū ovorum vitellis croco & omphacio suavissime conditum, aliquot item juscula ex oleribus. V. Hic plus opinor fabulatum, quàm esum fuisse, quia scilicet assa expectabantur. C. Vix mensam attigerant, cùm illa tollere iussi sumus. Venio igitur ad tertium missum, in quo assa hæc fuerunt exposita, pulli gallinacei, pulli columbini, anserculi fartiles & fuculi, item cuniculi, armi vervecini; postremo, ferina, duorum generum, opere pistorio incrustata. V. Quid præterea? C. Quia? Hem! (pene prætermisi) duæ perdices interjectæ, cum lepusculo, fabæ virides frixæ, & pisa cocta cum siliquis. V. Nihilne piscium? C. In tempore admones. Erat trocta ingens, quæ divisa fuerat in partes quatuor præter caudam; prægrandis item lucius ad eundem modum quadripartitus. Taceo minutos pisces

pisces & mediocres, partim elixos, partim affos aut fri-
 xos, item canculos fluviatiles; magno omnia numero: sed
 hæc magis ad ostentationem quam ad necessitatem; de iis
 enim fere nihil gustatum est. V. Unum mihi videris præ-
 tormisisse. C. Quid illud est? V. Nulline erant intinctus?
 C. Imò singulis propemodum ferculis addita erant scitifi-
 simi saporis embammata, quæ coquus ipse miro artificio
 concinnaverat. Nec verò defuerunt capparides ex oleo
 & aceto, mala citrea, olivæ conditivæ cum sua muria,
 acetum rosaceum, succus oxalidis. V. O quot & quanta
 gulæ irritamenta! C. Adde etiam, corporis & animi im-
 pedimenta. V. Sed quis, quæso, fuit ultimus actus fabulæ?
 C. Tandem cum jam nec carnes nec pisces ullus ederet,
 jubet patruus apponi bellaria; in quibus hæc fuerunt præ-
 cipua, caseus recens pinguisissimus, itemque vetus multi-
 plex, scriblitæ, placentulæ, oryza in lacte cocta, & bene
 saccharata, Persica præcocia, ficus, cerasa, uvæ passæ, cary-
 otæ, tragemata serotina, salgama multorum generum, &
 alia, quæ nunc mihi non occurrunt. Tanta denique fuit
 omnium esculentorum affluentia, ut mensa ipsa vix susti-
 neret. Quid quæris? quater aut quinquies mutati sunt or-
 bes & quadrulæ. Cibos crassos & duriores magnâ ex par-
 te integros in culinam referebamus; adeò pauci attinge-
 bant, propter delicatiorum copiam. V. Quid confert
 tanta cibariorum abundantia & diversitas? C. Ad gra-
 vandum stomachum, & morbos complures generandos.
 Sed quid agas? Sic fere hoc tempore vivitur. V. Qui tali-
 bus viris convivia faciunt, cœtare videntur de copia, de
 apparatu, de splendore & lautitia. C. Et tamen extant in-
 ter hujus civitatis leges quædam (ut audiui) sumptua-
 riæ. V. *Silent leges inter convivia*, ut obiter è Cicerone
 detorqueamus aliquid. C. An putas omnes convivas illâ
 sumptuum immanitate delectari? V. Non puto, nisi
 forte sunt lurcones, aut asoti, aut *Apiciani* (ut ita di-
 cam) ventriculæ. Cæterum, quid est causa? C. Rogas?
 Convivatorum non modo stultitia, sed etiam insania.
 V. *Mixta pars hominum morbo jactatur eadem*; ut

ait *Horatius*. C. Sed nos hanc censuram omittamus juxta proverbium, *Nè sutor*, &c. V. Redeamus igitur ad propositum. Quale vinum appositum est? C. Si de colore quæris? album, nigrum, fulvum, sanguineum, deque singulis coloribus vina multiplicia. Si de bonitate; omnia ferè generosissima: sed imprimis commendabant illud vini genus ex *Burgundia*, quod vulgò vocatur *Ambrosium*. V. Unde hoc petebatur? C. E patruì cella vinaria. V. Habèrne multum ejusmodi? C. Duos cados vini *Helvetii*, duos item albi limpidissimi. V. Quis fuit prandii exitus? C. Ubi videt patruus convivas omnes pene defessos edendo, bibendo, colloquendo: tunc vinum fundi jubet singulis, omnes ad extremum potum invitat. Hinc ordine tolluntur omnia, insternuntur mensis latiora mantilia ex lino tenuissimo, datur aqua odorifera manibus leviter abluendis; ego & patruelis, de more, Deo gratias agimus; ipse verò patruus clara voce agit universo cœtui. Tandem primus Syndicus, convivarum nomine, satis accurato sermone, publicas agit gratias convivatori, simul objurgat eum quòd tam munifico & sumptuoso apparatu convivatus fuerit. Imo (inquit patruus) *mibi quæso ignoscite, quòd vos pro dignitate non satis ampliter tractaverim*. His dictis, surgunt è mensa universi, magna pars *valedicto* statim discedit; cæteri manent, stantes & colloquentes in aula. V. Quid vos interea, qui ministraveratis ad mensam? C. In culinam ad prandium nos recepimus, corpus illuc otiosè ex animi sententia caravimus. V. Ubi erat interim præceptor? C. Patruus illum seorsum vocaverat ad alloquium. V. Credo, ut te & filium suum de meliore nota commendaret. C. Istud est verisimile. V. Nescis quæ fuerit causa tanti convivii? C. Quid mei scire refert? V. Tantò minus igitur meâ. C. Rectè colligis, & sic exspectabam. V. Atqui non sum Dialecticus. C. Tibi est naturalis Dialectica. V. Eandem habent rustici. C. Sed age, dic mihi serio, non ego te tractavi magnifice? V. Tali convivio nunquam interfueram. C. Gaudio stomacho tuo satis esse factum. V. Est Deo gratia, qui

qui dedit nobis otium tam jucundum. C. Surgamus tandem : nam audio pueros à lusu discedere.

COLL. 23.

Pastorculus, Pasfatus.

Tityre qui patula resides sub tegmine mori :
Tunc hic solus eris, iam lætus tamque supinus ?

P. O Melibæe, Deus nobis hæc otia fecit ;

Ille Deus magnus, qui nostrum fecit in usum

Omnia, dans propriam cunctis animalibus escam :

Qui mare, qui terras, & quod tegit omnia, cælum

Condidit ille opifex rerum, qui summus habetur.

Pa. Carmina mitte loqui, nunc me liquere Camæna :

Est mihi mens alibi, cupio certare merendâ.

P. Sed tamen hac mecum poteris residere sub umbra :

Namque hic (ut cernis) locus est satis amplus utrique.

Pa. Mittamus ergo versiculos & merendas nostras conferamus. P. Per me non stabit ; scrutemur peras : agé explica tuam. Pa. Expecta parumper ; dic mihi priùs, quid

habes in merendam ? P. Panem. Pa. Quasi vèro sine

pane merenda esse soleat. P. Ne panem quidem paupes

semper habent. Pa. In tempore admones ponendæ

erunt reliquiæ nostræ in eorum corbulam. P. Quid si

reliquiarum nihil fuerit ? Pa. Saltem restabit panis, &

hoc satis erit. Sed dic tandem, nunquid habes opsonii ?

P. Etiam dubitas ? Mater mea nunquam committeret,

ut me in scholam mitteret sine aliquo opsonio. Pa. Dic

ergo quid est ? P. Divina. Pa. Non sum vates, nec velim

hanc merendæ horam in nugis terere. P. Saltem

periculum facies quàm valeas conjecturis ; qua de re jam

aliquid in Rhetoricis audivimus. Pa. Aut caseus, aut caro

est residua ex prandio ? P. Neutrum. Pa. Dic sodes, ut ac-

cingamus nos operi. P. Ne te diutiùs torqueam, sunt py-

ra præcocia. Pa. Ain. tu ? res nova ; nondum hoc anno

videram. P. Vide nunc. Pa. Quàm matura sunt ! P. Cur

non addis etiam, Quàm bona ! Pa. Sed nondum gustavi.

P. Satis acutè me reprehendis. Accipe, & gusta. Pa. Papæ !

quàm mitia quàm boni succi ! P. Nonne meritò maximas

gratias

gratias agere debemus Deo nostro, tam benigno Patri, qui nobis indignis tot bona, tamq; varia largitur? Pa. Qui non facit, is profecto est ingratus. P. Agedum, vescamur bonis ejus cum gaudio & gratiarum actione. Pa. Jamdudum esurio. P. Sed tu nullum habes opsonium? Pa. Vide frustum crassum vetusti casei. P. Edamus primum pyra, caseo claudemus stomachum. Pa. Sed maturemus, nè forte hora nos opprimat. P. Neutrum cessare video: certe quod ad me pertinet, non queo comesse citius. Pa. Nè tamen ita devores, porcorum more. Ecquid pudet? P. Quia dicebas esse festinandum. Pa. *Maturemus* dixeram, non autem *festinemus*. P. Ego non adeò scrupulosè inter hæc verba discrimen facio. Pa. Vult tamen præceptor, ut propriè loquamur, quantum per ingenii captum licebit. Nam bene loquendo bene etiam scribere condiscimus. P. Contrà, diligenter scribendo consuescimus etiam rectè loqui. Pa. Hæc duo inter se conjuncta sunt. Sed, heus! otiosè (inquam) edamus; satis habemus temporis. P. Nonne tota hæc hora ad merendam libera est? Pa. Hodie quidem libera: sed tamen desinamus, ne panis deficiat nos, & nihil reliqui fiat pauperibus. P. Eamus ergò ad puteum, ut aliquantum potemus. Pa. Hem! verborum proprietate semper abuteris; istud *bibere* est, non *potare*. P. Quòd mihi non parcas, habeo sanè gratiam. Ex prava institutione prima hæc vitia contraxi. P. Verissime igitur *Quintilianus* dixit, *Hæc ipsa magis pertinaciter hærent, quæ deteriora sunt*: meministi? P. Memini; sed interim juva me, ut hauriamus aquam è puteo. Pa. Enitere validius; nimium me laborare sinis. P. Tantò libes jucundius. Pa. Bibitum satis est; recipiamus nos in aulam, nè precationi desimus, & actioni gratiarum. P. Tu præcede, dum urinam illuc eo redditam,

COLL. 24.

Leonardus, Pellio.

DEmiror tuam negligentiam. P. Qua in re tandem? L. Quod te non curas diligentius. P. Ego verò me curo fortasse nimis, Satis edo, bibo, dormio; quæ est
Dei

Dei erga me benignitas: præterea pecto capillum, lavo manus, faciem, dentes, oculos, & hæc mane præcipue: quinetiam, cum tempus postulat, corpus exerceo, relaxo animum, & ludo cum cæteris. Quid vis amplius? L. Mitæ-
tamus ista; non ea sunt, quæ in te reprehendo. P. Quid igitur? L. Circumspice vestimenta tua, a calce ad verticem nihil integrum invenies; omnia sunt lacerata & obsole-
ta. Ista profecto nequaquam vestrum genus decent; si sal-
tem curares vestitum tuum sarcendum, aut quoquo modo instaurandum. P. Loqueris tu quidem quæ libet; quod si parentes haberes tam procul remotos, fortasse non esses elegantior. Si mihi pecunia suppeteret, non paterer me usque adeo pannosum esse. L. Nec ideo tamen cares negligentia. Cur enim non petis alicunde mutuò? P. Unde peterem? L. Si non alicunde, certè à præceptore pos-
ses. P. Quid si dare nolle? L. Nemini denegat ex discipulis domesticis, siquidem videt opus esse. P. Id ego non ignoro; sed sum verecundior, quam ut audeam ex eo petere. L. Ah! rusticus est iste pudor. P. Malo tamen verecundus esse, quàm impudens. L. *Verecundia* (ut dixit quidam) *est bonum in adolescente signum*, sed ubiq; adhibenda est mediocritas. P. Ego eo sum ingenio, ut semper verear offendere quempiam. L. Ingenium laudo; sed *est modus in rebus*. Nam ille offendendi metus habere locum debet in rebus turpibus, aut certe indecoris: hic verò nihil tale video. Est usitatum in hominum societa-
te, ut alii aliorum operà indigeant. Quis igitur mihi vi-
tio dabit, si quid ab amicis aut commodato petam aut mutuò? P. Nemo reprehendet, nisi fortè rebus ejusmodi abuti velis. L. Tu vero (quantum ego te novi) abuti nol-
les. P. Apage istum abutum! L. Quid ergò jam obstat, quo minùs petas, præsertim ab homine facillimo, tuique (ut apparet) amantissimo? P. Agè, petam; sed per epi-
stolum, quod ut reddas, tibi dabo. L. Reddam profecto libentissime, tæque illi commendabo diligenter. P. Equi-
dem non parvam tibi gratiam habeo, quod me tanti fe-
ceris, ut ad hanc filuciam hortarer. L. Nunc restat,

ut scribas quod dicis epistolum, reliqua mihi committas.
P. Bene vertat Deus quod cœpimus. L. Nè dubites; res
prosperè succedet.

COLL. 25.

Clavellus, Quercetanus.

Nescis quid mihi his diebus in mentem venerit?
Q. Quid istud, quæso? C. Cogito in gymnasium
me recipere. Q. Quid in gymnasium? Habitandi causâ?
C. Non ut inquilinus habitem; sed ut vobiscum vivam in
mensa præceptoris. Q. Utinam istud ex animo ac vere
diceres! C. Ex nostra mutua consuetudine atque amici-
tia deberes satis intelligere, me nihil apud te neque si-
mulare, neque dissimulare solitum. Q. Planè istud jam-
pridem intelligo; sed audito ex te isto verbo, me rapuit
affectus in eam exclamationem; ita prorsus oblitus eram
mei. C. Non aliter dictum tuum accipio; sed ad rem, pa-
ter quidem non cogit me, sed ex vultu & verbis ejus satis
video, id illi placere maximè. Q. Nempe hoc illud est,
novit pater tuus, vir prudentissimus, *liberalia ingenia*
cogi nolle, duci facile. Sed tamen non dubito id fieri di-
vini instinctu numinis; tu verò quid judicâs? C. In ea-
dem sum sententiâ, præsertim cùm ego quoque in eam
partem spontè propendeam. Q. Magnum argumentum,
istud esse ex Deo consilium. C. Id ego crediderim; nam
qui ad eam rem coguntur à parentibus, serò quærunt
subterfugia quibus detrectent imperium. Q. Ego
(ut fateor ingenuè) aliquando id in me sum expertus,
antè scilicet quàm ingressus essem. Quid enim censes?
Audiebam ex istis *Saturnæ* mancipiis tot maledicta,
tum de præceptore, tum de disciplina; ut mihi videret
carcerem aut pistrinum ingredi veriùs quam gymnasium.
Quòd si tu quoque in aliquam ejusdem pestem incidis-
ses, non dubium est, quin ille manibus pedibusque ob-
nixè conatus esset abstergere te ab isto tam sancto propo-
sito. C. Nemini adhuc palam feceram. Q. Quod mi-
hi dicis, non est palam facere. C. Satis scio, sed mihi
istud excidit ex *Terentio*. Nunc pergamus ad reliqua.
Q. Quid

Q. Quid restat, nisi ut Deum preceris, & pergas gnaviter in sententia? Audies de quotidiano victu in vestra mensa, de præceptoris & hypodidascali familiaritate in audienda prælectionum repetitione, de facilitate præceptoris in ipso convictu, de illo à cœna placido studiorum certamine, de libertate colloquendi per otium de honestis, de libera inter nos reprehensione. C. De his (inquam) omnibus satis multa narrasti mihi aliàs, quæ quidem valde placent omnia; mihi tamen nihil videtur utilius, quàm illa perpetua *Latine* loquendi exercitatio. Quis enim major est studiorum fructus? Quid honestius? Quid jucundum magis; præsertim ubi alius alium sine odio aut invidia liberè reprehendit? Quid, quòd victi in earum rerum certamine pudore tantum puniuntur, victores etiam præmio donantur? Omnes denique vestræ excoitationes vel auditu ipso me delectant mirificè. Q. Quanto magis illud diceres, si videres ista? si, dum geruntur, interesses? C. Ego (Deo volente) intererò. Q. Utinam propediem! C. Ità spero quidem; unus tamen, restat mihi scrupulus, quo me faciliè (si voles) liberabis. Q. Faciam bonà fide, si potero; sed interim vide nè *nodum in scirpo* queras, ut antea vidimus in *Terentio*. Agè, qui tandem scrupulus iste est? C. Suspecta est mihi vestra disciplina scholastica: non quòd velim ob id incepto desistere; sed ut alacrius veniam, & jucundius, ubi ea de re te audiero. Q. Nisi tu is esses, qui (ut ego novi) me nec vanum nec mendacem existimas, equidem malletm de hoc omnino tacere, quam ea tibi referre quæ sentio. C. Quid ità tandem? Q. Quia difficile est ea verisimilia facere, quam alioqui verissima cùm de his vulgus hominum pessima quæque dicat & judicet. C. Quorsum istud, quæso? Q. Nam improborum mendaciis adeo male audit nostra disciplina inter istos idiotas, ut mirum sit unum aliquem habitare in schola nostra velle; tametsi (quod est opus Dei) quò pejus audimus, eo plures ad nos conveniunt. C. Nihil opus est tam longà insinuatione; dic mihi planè omnia: nè timeas, non me absterrebis.

Omnia percepi atque animo mecum antè peregi. Q. Adverte igitur animum, dicam brevissimè quicquid alicujus esse momenti videbitur. Imprimis illud velim tibi persuadeas, Præceptorem esse nobis multò humaniorem, quàm in schola palàm apparet. Tam enim familiariter versatur inter nos, quàm prudens pater solet inter liberos. Cur igitur (inquies) est palàm tam severus? Respondeo, Quia sine tali severitate (ut ex ipso audiui, cùm aliquando familiari cuidam narrarer) tanta turba scholastica, tamq; variis moribus prædita, nec coerceri, nec in officio contineri posset. Suo enim quisque more, suo quisque arbitrato vellet vivere. C. Quinetiam miror ego mecum sæpissime tantam esse in tota schola reverentiam, tantum silentium, tantam denique modestiam. Q. Multò magis mirarere, si unquam vidisses scholas paganicas. C. Vidi aliquando, atque consideravi diligenter. Plus est silentii in gymnasio nostro sexcentario, quàm quadraginta puerorum, imò triginta in istis scholis trivialibus. Sed perge, quæso; vereor, ut sis Orator *Asianus*: Jam enim incipit oratio tua quasi longius aberrare. Q. Atqui etiam interpellas ipse. C. Nihil extra propositum dixi; sed nunc proseguere. Q. Vis in summa dicam tibi? Disciplina hæc domestica, licet paucis improbis odiosa videatur, bonis tamen & studiosis propter utilitatem valdè placet. Nam, si domi res esset dissoluta, quid nobis tutum foret contra lascivorum & petulantium insultus? quæ nobis quies? quæ studiorum tranquillitas? Itaq; disciplina ipsa veris studiorum amatoribus est perfugium, & quasi propugnaculum non secus ac nautis portus in tempestate. Denique quisquis est inter nos pacificus, & ad recte semper agendum paratus, is est à disciplina tutissimus. Nec verò id agit præceptor, ut nos plagis & verberibus trahat ad literarum studia; sed nos potius inducere nititur his maximè rebus, honestà & liberali tractatione, benevolentia, humanitate, facilitate morum, beneficiis, denique virtutis & studiorum amore. Ex quo fit, ut major pars nostrum sic affecta sit, ut illi ex animo parere studeat, cùm caveat

caveat offendere, cum tanquam parentem diligit, observet, revereatur. C. Alioqui discipulorum officio non fungere mini: Q. At sunt quidam verberones, qui nec Deum timent, nec parentes, nec verbera, qui & literarum studia oderunt *cane pejus & angue*, ut verbis utar *Horatii*: talibus inquam severa interdum adhibetur disciplina; quia videlicet necessitas cogit. C. Sat habeo. Nunc enim video quorsum spectat vestrae disciplinae severitas. Q. Nimirum, ut mores bonos tueatur, malos autem ut corrigat, aut expellat. C. Ego disciplinam istam sanè deosculor, tantum abest ut reformidem. Te autem, mi *Quercetane*, amo equidem de ista loquendi libertate, quā mihi stimulos acriores addidisti. Q. Ego verò immortales gratias ago Patri cœlesti, qui tibi mentem bonam dederit & sincerum iudiciū. C. Vale igitur, & me (si Dominus permiserit) expecta in proximam hebdomadem. Iterum vale, & inceptum nostrum tuis precibus *Christo* commenda etiam atque etiam. Q. Precor tibi noctem quietam, & somnum placidum.

COLL. 26.

Florentius, Basilium.

Quid est, quòd ita te tristem video? B. Me miserum vix sum compos animi, ita sum timore percutus. F. Quid (inquam) istud est? B. Præceptor nos deprehendit. F. Qua in re? furtione? B. Ah! minimè gentium. F. In quo igitur? B. In secreta computatione. F. Indignum facinus! B. Heu me miserū! me miserum! quid agam? F. Ah! nè te afflites tantopere. Qui aderant tecum? B. *Fluvianus* & *Forensis*. O perditos, qui me huc impulerunt! F. Ubi id tactum fuit? B. In cubiculo *Fluviani*, qui utinam hodie lecto non surrexisset. F. Quomodo tandem deprehensū estis? Non erat obseratum cubiculum? B. Imò erat, sed (ut scis) præceptor claves habet omnium conclavium; præterea, putabamus illum in conventum hodiernum fratrum accessisse; alioqui pectus obdidissemus ostio. F. Utunque res habet. Deo volente accidit. B. Sic omni-
no

nò sum persuasus; sed ferè ità solemus nostra omnia, siue bona, siue mala, vel prudentiæ nostræ attribuere, vel imprudentiæ. F. Qui occasione computationem istam occiperatis? B. Illi duo (quod satis nôsti) non sunt convictores. F. Quid tum? B. Domo allatæ fuerunt eis ad victum nescio quæ cupediæ; quæ utinam in via periissent. F. Sed noluit Deus: perge. B. Et quia illos interdum per otium doceo, heri post cenam, ad istas epulas me invitârunt in hodiernum jentaculum. F. Tibi infaustum jentaculum; sed quid? eratne vinum? B. Imò plus satis erat vini. Habent enim vini doliola in cella præceptoris. F. Quid præceptor ubi vos sic epulantes vidit? annon excaudit gravissimè? B. Nihil prorsus commotus est; sed subridens, *Volo (inquit) esse de isto symposio, si placet.* F. O molestum convivam! Quid vos? B. Attoniti omnes obmutescimus. Nam, eo dicto, statim se proripuit. F. Omnia signa video hic esse pessima. B. Quis ità non judicet? F. Oportet præceptorem aliunde rem olfecisse. B. Suspectus est mihi quidam, qui nos indicaverat. F. Quem suspicaris? B. Dicam tibi post rei exitum. F. Quod invenietis huic malo remedium? B. Nescio: valde stupemus omnes, tametsi duo illi convivatores mei nihil videntur esse solliciti; habent enim in promptu causam. F. Quid tandem causari queunt? B. *Iveramus jentatum*, inquit; *quia manè, eum cæteri jentarent, eramus cum parentibus, qui berè nobis attulerant alimenta.* F. Istud quidem est aliquid; sed non tamen sic pœnas evadent. B. Cur non? F. Quia id fieri debuit in triclinio palam, non autem clanculum in cubiculo. Illud etiam causam gravabit, quod te (cùm sis convictor) quasi ad crapulandum adduxerint, quod quidem ipsi præceptoris est maxime odiosum: tua tamen causa est longe pessima. B. Cedo igitur quid faciam, mi *Florenzi*. F. Agè, conferamus consilia, quibus (si fieri potest) absolvaris. B. Nihil est quod a me expectes in eo genere; (neque enim consilii locum habeo, neque ullam remedii copiam;) sed tu, (obsecro) explica vires ingenii tui ad me citò juvandum. Animus
pendet

pendet mihi : instat pœna, satis vides, ea (nisi quid impediat) post cœnam exigetur. F. Id nequaquam fiet. Cùm enim crimen publicum non sit, non erit pœna publica. B. Sive publice, sive privatim id futurum est, non differtur. F. Rectè judicas. B. Id causæ est, quam obrem nunc ad opem tuam confugerim : quòd si me deferis, actum est ; dabo pœnas gravissimas. F. Ad Deum potius confugiendum fuit sine quo nullum valet consilium, à quo item salus omnis & petenda & speranda est. B. Res est manifesta satis, & ego priusquam te audirem, non prætermisi precandi officium : sed tamen vult ille Pater clementissimus, ut iis utamur auxiliis quæ nobis offert ipse & quasi in manum dat. Quare te oro per nostram arctissimam necessitudinem, consilio tuo nunc mihi succurras. Hic non est cessandi aut tardandi locus ; huc igitur vires tuas intende ; hanc causam suscipe, obsecro. F. Quandoquidem sic instas, ut vim adferre quodammodo videaris, dicam ex animo & verè quod sentio. Nostin' præceptoris ingenium ? B. Novi (opinor) ex parte aliqua. F. Ergo memoriâ tenes, nihil esse illo clementius, iis quidem quos videt submissos esse & culpam ingenue confiteri ; superbis autem & contumacibus vix aliquid potest ignoscere. B. Egomet ista non semel observavi. F. Scin' igitur quid facias ? B. Dic mihi quæso ? F. Dum tua res adhuc integra est, tibi suadeo, ut hominem solus adeas in musæum, & orationem habeas in hanc sententiam : " En ego, præceptor humanissime, graviter peccavi, fateor ; sed (ut scis) prima est noxa, quam admiserim. Nunquam enim antea quicquam admiseram quod flagris dignum videretur. Quam obrem clementissime præceptor, hanc primam culpam (si tibi placet) pristinae integritati meæ condonabis : quòd si unquam posthac recidero, causam non dico, quin plectar severissimè. Hac aut simili oratione illum (ut spero) exorabis. B. O consilium prudens & opportunum ! F. Utere si tibi videtur. Tale certe est, quâle mihi dari vellem in ejusdem malo. B. Sed unum restat, de quo sum sollicitus. F. Eho ! quid restat ? B. Non

B. Non potero tam breviter & commodè dicere in conspectu præceptoris quam tu nunc dixisti. F. Non debes alio de verbis meis esse sollicitus, modo teneas sententiam. B. Propemodum teneo. F. Bene habet; scribe nunc crasso malo ut poteris; deinde conferamus unà: postea edisces ad verbum diligenter. B. Hoc nihil est neque tutius, neque certius: sed quo tempore censēs illum adiri posse oportune? F. Cū primū videbis eum à prandio se recipere in bibliothecam: aut si fortè (ut solet) ambulatū in horto solus iverit; tunc illum statim sequere. B. Quo tū utar exordio? F. Non opus est alio, quam quo apud illum uti solemus omnes. B. Quid est illud? F. *Præceptor, licetne pauci?* B. Bene vertat Deus omne consilium tuum. Nunc eo scriptum quod dixisti, deinde te revisam. F. Matura: nam instat hora prandii.

COLL. 27.

Ambrosius, Gratianus.

Subtristis mihi videris, *Gratiane*; quid rei est? G. Dies noctesq; de patre absente cogito & ob eam rem interrim mecore conficior. A. Quamdiu absuit? G. Quatuor abhinc menses. A. Nihil ad vos interea scripsit? G. Ex quo discessit, ne verbum quidem audivimus. A. Fieri potest, ut scripserit: sed aut literæ interciderunt, aut fuerunt interceptæ. G. Quod dicis verisimile est. Nam antea, ubicunque esset, solebat nobis scribere. A. Nonne hac ætate iverat *Luzian*? G. Eo certe consilio tunc sese in viam dederat. A. Consilio salvum esse. G. Ego quoque non distulo; sed non ideo meus allevatur dolor. A. Quid ait mater? G. Fere semper lamentatur: inde fit, ut mihi duplicetur ægrotudo. A. Sed tamen non usq; adeo te macerare debet; potius enim de illo bene sperare oportet, quam te sic macerare. Quid enim sunt quatuor menses? Quotula est pars eorum, qui tot annos domo absunt, interim iacti per varios casus, per tot discrimina rerum! G. Sed qui i me consolantur aliorum casus & pericula? A. Vile tamen, ne sis nimium delicatus, qui patris desiderium

rium tantillo tempore ferre non queas. G. Ferrem equidem æquo animo; modò illi bene esse saltem intelligerem. A. Cui potest esse malé; qui in Deo spem omnem collocavit? *Sive enim vivimus, sive morimur, Dei semper sumus*; ut divus *Paulus* ait. G. Nihil dubito istud esse verissimum; sed ea est carnis hujus infirmitas. A. Quid faceret igitur, qui in *Christo* spem nullam habet? G. Nescio. A. Sed cave tamen nè ista tuà impatientià Deus ipse offendatur. G. Delictum meum subinde agnosco, & supplex imploro veniam. A. Facis, ut debes. Sed audi quæso, quid mihi nunc in mentem venerit. G. Quid illud est? A. Quid si pater tuus navigaverit in *Britanniam* negotiandi causâ? Illic enim nunc est libertas maxima. G. Quam libertatem dicis? A. Evangelium, quod illic auditur liberrimè. G. Ain' tu Evangelium nunc esse in *Britannia*? A. Certa res est. G. Atque Idololatriam profligatam? A. Omnino. G. O auditu jucunda Evangelia! A. Imò jucundissima. G. Sed unde scis ista? A. Unde sciam, rogas? N. iror ego te adhuc ignorasse quod in ore est omni populo. G. Mirari defines, si scias ubi nos habitemus. A. Ubi quæso? G. In angulo totius urbis remotissimo. A. Atqui putabam vobis esse domicilium in vico ad *Molardum*. G. Jam antè migraveramus quam peregrè pater esset profectus. A. Quod igitur ignorabas, nunc habeto certissimum, utque magis credas, hoc audi præterea; Major pars *Britannorum*, qui ob Evangelium in hanc urbem, tanquam ad asylum, sese receperant, in patriam remigrabant jam ante dies quindecim. C. O mi *Ambrosi*, quantum me isto nuntio de *Britannicis* rebus hodie recreasti! qualem adhibuisti meo dolori medicinam? A. Sic solet Deus noster suis adesse in extremis angustiis. G. Mirum ni pater est in *Britannia*. Jampridem enim sæpius querebatur, quod non esset tutus illic accessus ad mercaturas obeundas. A. Quinetiam *Britannus* quidam homo, neque levis, neque nugator, narrabat his diebus patri meo, se literas certas illinc accepisse, in quibus hoc erat inter cætera, omnes undique ob *Christi* nomen profu-

gos in ipsa *Britannia* excipi humanissimè, tractariq; benignissimè. G. Quid est igitur, quod amplius dubitemus? A. Nulla (ut audis) restat ea de re dubitatio. G. Tantùm superest, ut imprimis Dei optimi maximi bonitatem extollamus, quantà possumus laude & gratiarum actione, deinde sedulo atque assidue precemur, ut sua beneficia non modo confirmet, sed etiam indies magis ac magis augeat. A. Igitur mi *Gratiæ*, memineris patris salutem ipsi Deo per *Christum* sæpissime commendare; idque votis & precibus ardentissimis. G. Utinam ille suo Spiritu sic afficiat animum meum, ut ex imo pectore ejusmodi preces effundere valeam, quas ipse dignetur exaudire! A. Votum sanctissimum, modò (quod quidem credo) ex animo profectum. G. O mirabilem consolatorem Deum nostrum! O quantum valet in adversis rebus veri amici consilium & consolatio! A. Sed quò nunc is? G. Domum recta propero, ut hæc matri quamprimum nuntiem, atque ejus animum omni expleam gaudio. A. Faxit Deus, ut illa serio exhilaretur. G. Ita precor.

COLL. 28.

Disfingens, Jonas.

SAlve, *Jonas* optatissime. J. Salve & tu, vindemiator jucundissime. D. Quomodo se habet schola? J. Optimè. D. Jamne redierunt multi? J. Vix quarta pars nunc abest. D. Quid agitur? J. Docetur, legitur, scribitur, repetitur, D. Ista sunt generalia, & quotidiana; sed quid fit in nostra classe? J. Idem quod in cæteris, & quod fiebat ante vacationem. D. Ergone jam serio habentur prælectiones? J. Jam abhinc octo dies. Nam quid aliud fieret? D. Solebamus per aliquot dies exerceri in iis repetendis, quæ antea didiceramus. J. Tribus diebus totis nihil aliud actum est. D. Quid probatio? jamne incepta est? J. Huius incepta? propemodum finita est. cras sexta classis interrogabitur. D. Me miserum? exclusus sum a præmio. J. Etiamne præmium sperabas? D. Qui sperarem? Unicusque sperare licet, præsertim si diſſo. J. Malim ego nihil

hil sperare. D. Quid. ita ? J. Nam si nihil contigerit, nulla eris mihi frustratio, neque molestia, sin consequar aliquid, id ego in lucro deputabo. D. Nunquámne legisti, *Vivere spe vidi, qui moriturus erat* ? J. Imo vero legi, & memoriâ teneo ; sed hoc nihil ad propositum. D. Cur non ? J. Quia illic loquitur *Ovidius* de spe illa quæ in rebus adversis retinenda est ; quem sensum expressit *Cato* noster hoc disticho ;

Rebus in adversis animum submittere noli.

Spem retine. Spes una hominem nec morte relinquit.

D. Tu igitur nihil speras ? J. Spero vitam æternam. D. Dicebas modò sperandum esse in adversis rebus. Quæ tibi sunt adversa ? J. Ea, quæ me oppugnant quotidie. D. Quæ tandem sunt illa ? J. Propria caro, *Satan*, & improbi homines, qui me injuriis afficiunt. D. Ex quo tempore factus es Theologaster ? J. Nec sum Theologus, nec Theologaster ; sed quod dico, id ego didici è sacris concionibus. D. Laudo equidem : sed agè, dic mihi seriò ; estne acta classis nostræ probratio ? J. Jam tibi seriò dictum puta. D. Dolet mihi non interfuisse. J. Citiùs venisses : quid agebas ? D. Mater me coegit vindimiæ exitum expectare. J. Credo ; sed tu tuâ voluntate coactus es. D. Ut fatear ingeruè, libenter expectavi. Sed quid agas ? *Homines sumus*, ut aiunt. J. Imò pueri. D. Sed vix credam quàm sit jucundum rusticari, præsertim ubi tanta est omnium fructuum affluentia. J. Estne vobis magnus vini proventus ? D. Tantus profectò, ut majorem vidisse non meminerim. J. Quid aiunt rustici in hac tantâ ubertate ? D. Nihil aliud quàm potationes & crapulas crepant ; quinetiam, vino jam perinde abutuntur, quasi aqua fontana sit. J. Ea est stultæ plebis dementia, ut Dei beneficiis nunquam rectè uti sciat. D. Scilicet istud est quod dicitur, *Nunquam sapiunt stulti, nisi in angustiis*. J. Ergò plectuntur meritò. D. Quod admonitiones etiam irident. J. Sunt qui nullam omnino ferre possunt, quin bene & comiter etiam morientibus

tibus irascuntur. D. Audi aliquid gravius; fuerunt, qui mihi verbera minarentur, cum eos humanissime admonerem. J. Istud mihi novum non est. Nam & quidam mihi aliquando pugnum intentavit; quod nisi veritus esset mei patris auctoritatem, profecto vapulasssem acerrimè. D. Sed omnittamus eos, qui cæci sunt, nec tamen se tales esse intelligunt. Jactant se probe callere quid sit Evangelium; cum revera Evangelio adversentur. J. Si verbi divini Ministros, & Pastores suos non audiunt; quæ putas fieri posse, ut nos au liant? D. Sequimur ergo quod præcepit *Christus, Nolite sanctum dare canibus.* J. At sunt quidem simplices & benevoli, qui auditione verbi divini mirum in modum delectantur; hi sunt, quos docere est jucundissimum. D. Quam gaudeo quoties in tales incido! ut ego illos comlector libenter! J. Nec immerito. Nam ubi eos docueris, tum demum frueris laboris tui fructu, non sine voluptate maximâ. D. Sed nos quid cogitamus? Non vides, ut nox fere nos oppresserit? J. Decedamus igitur, & cras (si Dominus permiserit) pluribus verbis agemus unâ de studiis alacriter repetendis.

COLL. 29.

Rufinus, Sylvester.

Pater tuus (ut accepi) rediit e *Gallia*. S. Rediit sanè. R. Quando? S. Die *Lunæ*, vesperi. R. Adventus ejus non tibi molestus fuit? S. Quid? molestus? Imò verò jucundissimus: sed cur istud rogas? R. Quia forsitan illo absente liberiùs vivendi est tibi potestas. S. Nescio quam mihi libertatem narres. R. Potandi, ludendi, cursitandi. S. An igitur putas me nihil aliud agere, dum pater abest? R. sic fere solent omnes. S. Dissoluti quidem. Nam, quod ad me attinet, absente patre sic vivo, ut eo præsentem. Non potò, sed bibo quantum satis est; ludo cum tempus postulat; non discuro, sed cum boni matris veniâ in publicum prodeo, cum aliquid habeo negotiû. R. Etiamne matri tantopere subditus es? S. Equè ac patri. Quid enim

enim putas ? Nonne de utroq; æquale est præceptum Domini ? R. *Honora* (inquit) *patrem tuum & matrem tuam*. S. Quid *Ethnicus* ille auctor *Distichorum Moralium* ?

* *Dilige non agra charos pietate parentes :*
Mec matrem offendas, dum vis bonus esse parenti.

Quid *Paulus* noster ? *Filii* (inquit) *obedite parentibus in Domino*. Nonne *parentis* nomine *pater & mater* continentur ? D. Istud à *Latinis* observatur auctoribus. S. Quinetiam, si quod esset reverentiæ discrimen, videtur optimo jure plus deberi matribus ; ut quæ dolores tantos ac labores propter nos pertulerunt. R. Novi ego ista, & quæ dixisti placent mihi omnia. S. Cur ergò mihi repugnabas ? R. Ut eà quasi repugnantia nobis accerserem sermonis materiam. Nam (ut tute nōsti) præceptor sæpe nos exhortatur, ut nostrum otium ejusmodi sermonibus impendamus. S. Bonum sanè otium, quod honesto in negotio consumitur. R. Huc pertinet illud *Africani* apophthegma, qui dicebat, *Se nunquam minus otiosum esse, quam cum otiosus esset* ; ut ex *Cicerone* didicimus. S. Sed jam tempus monet, ut huic sermoni finem imponamus. R. Rectè mones ; fortasse enim tuà causà cœna trahatur domi. S. Plura (si Dominus permiserit) in proximo congressu. R. Precor tibi noctem prosperam. S. Et ego tibi placidam per membra quietem.

COLL. 30.

Nomenclator, Desiderius.

Non satis mirari possum, te non esse diligentiorē. D. Qua in re videor tibi negligens ? N. Quòd manè fere nunquam ades in tempore ; atque indè fit, ut penè quotidie noteris in catalogo. Cur tu es adeò somniculosus ? D. Mea sic fert natura. N. Corrige naturam istam ; hoc est naturæ vitium. Quid tibi profuit *Catonis* nostri dictum ? D. Quodnam, quæso ? N. *Plus vigila semper, nec somno deditus esto*. D. Nè plura ; ego probè memini. N. Nichil prodest meminisse ; nisi ad usum tuum accommodes. D. Utinam & hoc, & alia præcepta salubria, tam

facile ad bene vivendi usum transferemus, quàm ea facile ediscimus! N. Ut verum fatear, *præcipere quàm præstare multò est facilius*. Sed tamen enisi debemus, ut vel *mentis vel precibus proficiamus aliquid, & indies evadamus meliores*. D. Qui id non facit ejus salus desperanda est. Sed nihil difficilius emendatur, quàm naturale vitium. N. Omnia ferè vitia nobis sunt naturalia; &, nisi Dei bonitas servaret nos, essemus omnes sceleratissimi. D. Quid igitur faciendum? N. Fortiter cum vitiis nostris pugnandum est. D. Quo duce? N. Ipso Deo. D. Quibus armis? N. Divinis & spiritualibus. D. Ubi tandem inveniuntur? N. In epistola Sancti Pauli ad *Ephesos*. D. Quoto capite? N. Sexto. D. Quid si locum per me non intellexero? N. Non omnino intelliges, satis scio: sed præceptor erit consulendus. D. Quid, si mecum adfueris? N. Adesse volo, certum est: verùm captanda erit opportunitas. D. De hac igitur aliàs consilium capiemus. N. Quando istud erit? D. Proximo die *Mercurii*, si tibi ita videtur. N. Quotà horà? D. Post meridiem primà. N. Placet sententia. D. Nunc igitur discedamus.

COLL. 31.

Trapezita, Raimundus.

Licetne malum malo rependere? R. Cur istud queris? T. Ut iis respondere possim, qui in hac re mihi contradicunt. R. Breviter interrogasti, respondebo brevissimè, *Non licet*. T. Cur non? R. Quia vetuit *Christus*, & post eum, Apostoli. T. Quid igitur faciendum est? R. Malum bono compensandum. T. Annon satis est bonum bono rependere? R. Non satis *Christiano* quidem. T. Quamobrem? R. Nam *Christianum* oportet *Christum* præceptorè imitari. T. Quid fecit *Christus* in eo genere? R. Salvavit eum, qui ipsi colaphum impeggerat; precatus est pro iis, qui ipsum in crucem sustulerant; alia item multa fecit ejusmodi. T. Nihilne igitur facit, qui gratiam pro gratia rependit? R. Tantum facit, quantum faciunt *Ethnici*. T. Quid illi faciunt? R. *Amicos diligunt, & referunt grati-*

gratiam illis, à quibus acceperunt. T. Nihilne amplius? R. Nihil. Nam quid amplius expectes ab iis, qui verum Deum non noverunt? T. Quid faciunt inimicis? R. Quibuscunque modis possunt, eos persequuntur. T. Estne *Christiano* peccatum? R. Si non licet (ut jam tibi probavi) concludere id peccatum esse. T. Atqui (ut vulgo dicitur) *vim vi repellere licet.* Quam sententiam nobis quidam Poeta etiam latius interpretatus est his verbis.

Pellere vim vi jura sinunt, & vulnere vulnus.

Quid ad hoc respondes? R. Istud quidem permittunt *Ethnicorum* leges; sed lex divina longè aliter loquitur. T. Quid est divina lex? R. Idem quod Dei verbum. T. Quicquid ergo sit contra Dei verbum, estne peccatum? R. Proculdubio peccatum est. T. Potèstne ista probare ex divinis literis? R. Quidni possum? nihil facilius. T. Adfer mihi, quæso, sententias. R. Non credis id, quod est omnibus in confesso? T. Imò verò indubitanter credo. R. Quid igitur opus est testimoniis? T. Ut contradicentibus certò respondere possim. R. Rectè intelligis: sed, quia non possis extempore memoriæ mandare, expecta dum tibi describam in chartula, in qua etiam sit locorum annotatio, ut possis quibus voles etiam digito demonstrare. T. Optimum extempore consilium; quantò istud mihi commodius fuerit! sic enim per otium ediscam ut ad manum habeam, quoties erit opus. Sed quando mihi dabis? R. Cras (si libet) huc ad me revertere. T. Quotà horà? R. A meridie primà. T. Sat habeo; interea vale. R. Te servet Dominus Deus.

COLL. 35.

Grimondus, Bleuetus.

VIs emere hoc cingulum? B. Cur emerem? Unum mihi satis est; tu verò cur vis vendere? G. Quia sunt mihi duo. B. Nec tamen licet ut vendas, nisi vis in pœnam incurrere. G. Quid vetat me vendere res meas? B. Nihil adhuc tuum habes. G. Eia! nihil? unde probas istud? B. Quia

nondum es tui juris ; sed sub patris potestate : deniq; vis audire breviter tibi istud non licere ? G. Maximè velim. B. De hoc lex est scholastica, cujus hæc est sententia ; *Pueri injussu parentum, nec vendant aliquid, nec emant, nec permittant, nec alienent quovis alio modo. Qui contra fecerit, virberibus plectitor.* G. Istud ego non ignorabam ; sed volebā periculum facere, an constans esses in observandis legibus. B. Tu igitur es simulator. G. In hæc simulatione nihil video esse mali : num tu interpretaris malè ? B. Minime verò : nihil enim nocuisti mihi. G. Quid si nocuissem ? B. Tulissem æquo animo, ut *Christianum* decet. G. Utinam adversa omnia sic feramus propter *Christum*, qui nihil non tulit salutis nostræ causà ? B. Feremus certè, si exemplum ejus semper nobis proponamus ob oculos. G. Difficile id quidem est. B. Imò impossibile nisi illius Spiritu semper adjovemur : quod quidem assiduis precibus est impetrandum. G. O quam suavi sermone tantillum otii consumpsimus !

COLL. 33.

Sartor, Odetus.

ECquid hodie precatus es domi ? O. Cur quæris istud ? S. Quia non interfuisti matutinæ precationi. O. Quis scis ? S. Observavi. O. Atqui tu non es observator. S. Non sum. O. Quamobrem igitur observabas ? S. Quia es mihi charissimus. O. Quid tum ? S. Dolebit mihi si vapulabis. G. Quid ? an ego notatus fui ? S. Etiam dubitas ? O. Cùm recitaretur catalogus, nemo me excusavit ? S. Nemo, quod sciam. O. Si me tantoperè amas (ut dicis) cur tute non excusasti me ? S. Quid causæ dixissem ? O. Commentus esses aliquid. S. Ergò mentitus essem. O. Quid indè ? S. Sed ex verbo Dei mentiri vetitum est. O. Fateor : sed erat leve mendacium. S. *Nihil leve judicandum est quo Deus offenditur.* O. Negare id non possum ; sed levia ista facilè remittet nobis propter *Jesum Christum* ; qui est deprecator noster & ad vocatus. Nam quotusquisque non peccat quotidie sæpiusne ? S. Profecto nullus

nullus; quinetiam vix precamur, aut aliquid boni operamur, in quo non insit aliqua peccati species. G. Quid ergò futurum esset nobis, nisi Deus facile ignosceret? Unde & quotidie precantes dicimus, *Remitte nobis debita nostra*. S. Nihil dubitare debemus, quin remittat, si errata nostra serio & vere agnoscamus, si ex animo petamus veniam, si fidelem habeamus nobis ignosci. O. Quid igitur restat? S. Illud restat, ut neque delectemur peccatis; neque in iis persistamus; neque malitiose, scienter, & de industria peccatum committamus. Nimis enim multa sunt, quæ per carnis infirmitatem peccamus, & etiam per ignorantiam. O. Nihil dubito de peccatis illis, quæ ex carnis imbecillitate perpetramus; qualis fuit *Petri* abnegatio. Sed quæ sit, ut peccemus per ignorantiam? S. De hoc *Pauli* exemplum habes, qui scribens ad *Timotheum*, in priore Epistola palam profitetur se, quamvis Ecclesiam Dei persequutus fuerit, tamen veniam esse consequutum, quia ignorans id fecerit. O. Isto exemplo mihi abunde satisfacisti (nam & ego id legisse memini:) sed scin' tu quæ Epistolæ capite id scriptum sit? S. Equidem non soleo vexare memoriam in retinendis capitum numeris; mihi hoc tempore satis esse videtur aliquot sententias quasi raptim annotare, quas memoriæ mandare liceat, si quid interdum otii suffurari possum ex quotidianâ studiorum præsentium occupatione. O. Utinam ego quoque id facere possem! S. Quid impedit? O. Vix ego queo satis præceptoris facere in exercitationibus scholasticis; tantum abest, ut aliis studiis aliquid temporis impertiri concedatur. S. Satis profecto quotidie sumus occupati; sed hæc tamen ferenda sunt, quam liu nobis opus esse, ipsi Deo & parentibus nostris visum fuerit. O. Ego propterea libenter fero, ac tolero omnes ejusmodi labores. S. Quæ spe toleras? O. Quia futurum spero, ut primi sint gradus, quibus ad majora aliquando perveniam. S. Sed de his alias pluribus: nunc agamus quod instat. O. Quid istud est? S. Audin' tu ad cœnam lignum dari? G. Bonum lignum nuntias; jam se itiebam esuriem. S. Nimirum, quia

quia merendam prætermisisti. O. Utinam eâ tam facile semper abstinere possem, quàm hodie carui libenter!

S. Ego vero non libenter careo, nisi occupatus necessario negotio.

COLL. 34.

Phrygo. Stephanus.

Salve, ambulator optatissime. S. Et tu salvus sis cessator occupatissime. P. Satisne recte vales, mi *Stephane*? S. Imò rectissime; quæ est Dei optimi maximi benignitas. P. Equidem ex animo gaudeo, tibi quæ vehementer gratulor redditum istum incolumem. Ubi fuisti hoc toto anno? S. In *Italia*. P. Quam ob causam animum induxeras illuc proficisci? S. Ob famam regionis, de quâ tam multa ubique prædicantur. Nec ignoras quàm finis rerum novarum cupidi. P. Sic est naturâ comparatum: sed quid illic invenisti? S. Certe multo plura quàm ex fama audiveram. P. Sed multa (credo) vidisti, quæ minime velles. S. Nempe scelera: sed, quod ad regionem attinet, terra est longe fertilissima, omni optimorum fructuum genere valde abundans, præcipuè vino præstantissimo. P. Scilicet ea potissimum res tibi arridebat. S. Ut verum fatear, mirè afficiebat palatum; nam quale dicas hoc nostrum vinum esse; villum verè dicas, si cum illo compares. P. Inde ergo tibi se offerebat pulcherrimû Dei laudandi argumentum. S. Pulcherrimum. Sic enim sæpe cogitabam; "Quam-bonus es, Domine Deus, qui nos amavisti usque
"ad delicias! Non enim solum ea creasti nobis ad victum
"quæ terra sponte suâ producit; sed etiam tot genera
"rerum delicatissimarum, quæ (si moderatè sumamus &
"cum gratiarum actione) & corpus suavissime nutriunt,
"& ipsum animum mirificè exhilarant. O! quibus ver-
"bis, quibus operibus satis dignè glorificemus nomen tu-
"um Domine? Deniq; sic afficiebar animo, ut nihil magis cuperem, quàm divinas laudes semper in ore habere; sed (proh dolor!) aliis atque aliis subinde conceptis cogitationibus ignis ille palatim exstinguebatur. P. Istud apud me non est novum: nam sæpe tale quid mihi solet acci-

accidere. S. Ea est naturæ nostræ inconstantia. P. Horis ferè omnibus istud experimur; sed quid tandem egisti in tua *Italia*? S. Invisi, animi gratiâ, aliquot urbes celebriores: alicubi etiam studui aliquandiu. P. Quas urbes invisisti potissimum? S. Multas quidem vidi in transitu: sed paucas contemplatus sum otiosus? nimirum, *Genoam*, *Florentiam*, *Venetiam*, deniq; *Roman* illam, quæ olim mundi caput dicebatur: nunc autem est omnium abominatiorum fons & origo. Vidistine magnam illam *Bestiam*? S. Vidi obiter, cum per vicos (opinor) spectaculi gratiâ portaretur. P. Sed (ut ad rem) in quibus tandem oppidis commoratus es studiorum gratiâ? S. *Româ* rediens transivi *Bononiam*, *Patavium*, *Mediolanum*. In eorum oppidorum singulis menses circiter tres versatus sum in vario literarum genere. Volui enim è singulis paucula quasi degustare. P. Quid autem vidisti novi in tot celeberrimis oppidis. S. Rogas? ferè mihi omnia nova videbantur: sed longum foret tibi omnia narrare, præsertim nunc, cum mihi est aliquò properandum. P. Quò tandem? S. Ad patrum, qui me ad cœnam invitavit. P. Nolo igitur te remorari diutiùs: sed quando licebit nobis magis otiosè confabulari? S. Cras à prandio, si volueris. P. Ego verò id percipio. S. Ad horam igitur primam expecta me in cubiculo. P. Fiet, hora est ad merendam opportuna.

COLL. 35.

Magister, Hypodidasculus.

Quid? quod hisce diebus inter nos egeramus satisne cogitasti? H. Etiam atq; etiam cogitavi. M. Ecquid placet tibi conditio, quam obtuli? H. Maximè. M. Quid mensa, seu convictus? H. Nihil in ea re desidero. M. Quid restat igitur? H. Ut (si tibi non molestum est) præscribas mihi quas operas à me tibi præstari velis. M. Id verò est æquissimum: accipe igitur præcipua officii tui capita; quorum hoc primum est;

Quotidie mane diligenter curare, ut omnes domestici mei discipuli maturè cubitu surgant pro ratione temporis

cām hyberni, tum æstivi : ubi surrexerint, ea curent, quæ ad cultum & munditiem corporis pertinent ; postremo, ut adsint privatæ nostræ precationi.

Secundum, Ter quotidie in aulam deducere, manè scilicet, & ante horam undecimam ac tertiam pomeridianam. Illic (nisi egomet adero) expectare, donec aliquis ex doctoribus adfuerit ; interea curare recitandos catalogos, & precationem dicendam : item observare sedulo, num quis ex ipsis doctoribus absit ab auditorio suo ; si quis aberit mihi statim renunciare, aut ejus partes agere.

Tertium, Manere cum pueris domesticis, quoties non docentur in scholis : interea minores ad lectionem & scripturam instruere ; cæterorumque repetitiones audire, quantum tempus & opportunitas patietur : omnes denique in officio retinere, admonere, arguere, objurgare, virgis etiam, ubi opus fuerit, castigare.

Quartum, Feriatis diebus eos ad sacras conciones ordine deducere, ac domum similiter reducere.

Quintum, Quoties ludere permissum erit, subinde observare, ne quid præter officium & bonos mores vel factis vel dictis admittant.

Sextum, Suppeditare illis ex pecunia quam tibi in manus dabo, chartam, pennas, atramentum, & alia quædam duntaxat parvi pretii necessaria ; eaque omnia in expensorum codicem referre. Id autem *Mercurii & Sabbati* potissimum diebus fieri solet.

Septimum, Quæ ad eorum libros, vestimenta & curam corporis pertinebunt non negligere ; hoc est, interdum ab illis librorum & vestimentorum rationem exigere, valetudinis & cultus corporis rationem habere, & alia ejusmodi (in pueris præsertim minoribus) curanda & observanda.

Octavum, Docere pueros tum in classe mea, tum in cæteris, præter tres superiores ; siquando necessitas postulabit.

Nonum, Interdum (si opus fuerit) me, & domi & foris in privatis negotiis adjuvare.

Hæc-

Haëtenus audisti quæ mihi abs te præstari, velim officia, quæque etiam ab illis domesticis hypodidascales exigere soleam. Eorum tamen omnium non adeò severus exactor fuero, quin ipse, quoties per otium licebit, aliqua tibi remittam, in quibus ego quasi vicarii partes agam. Intellexit in hæc omnia? H. Ego verò diligenter omnia; sed unum te oro; ad memoriam renovandam, des mihi eorum commentariolum & simul cogitandi ac deliberandi spatium. M. Quantum temporis postulas? H. Diem unum naturalem. M. Ego verò duos integros dabo. Interea (ut ccepisti) nullo tuo sumptu nobis perges convivere & commorari tam liberè, quàm si esses domi tuæ. H. Istud non sine humanitate facis; quò fit, ut majori beneficio me devincias. L. Habebis à prandio quod requiris commentarium, cùm primùm meâ tibi manu conscripsero. H. Quid si mihi dictares? M. Malim egomet scribere, nè quid fortè inter dictandum excidat. H. Ut libet,

COLL. 36.

Quæstor, Benignus.

Quam doleo me non interfuisse manè repetitioni vestræ! B. Cur non venisti in ludum citiùs, ut ferè soles? Q. Me miserum! non surrexi in tempore. B. Quamobrem? Q. Quia nemo me expergefecit. B. Quis te solet excitare? Q. Hospes noster, aut ejus ancilla; sed absente illo ancilla sæpe obliviscitur, aut certè negligit. B. Ubi erat hospes? Q. Sub auroram prodierat ad sua negotia, ut postea rescivi. B. Quid hospita? nihilne curat? Q. Quid putas eam curare? Quotidie, ex quo surrexit, semper intenta est partim curandis filiis, partim cæteris domesticis rebus. B. Nullosne habes contubernales scholasticos? Q. Prorsus nullos. B. Ah puer infelix! qui neminem habes, quocum de studiis conferas! Q. Ob eam rem mea est miserrima conditio, quantum ego judico. Non enim possum arbitrio meo studere propter tantum merca-

mercatorum turbam, qui domum illam frequentant, & mihi toto die obstreunt. B. Non habes tibi cubiculum? Q. Quid mihi prodest habere? Est enim ita conjunctum gradibus & cochleis, ut nè felis quidem aut ascendat, aut descendat, quin feriat aures meas aliquis strepitus. B. Magna prefecto molestia. Q. Illa verò multò major, quod supra meum cubiculum est amplissimum conclave, ubi merces asservantur: unde fit ut horis omnibus aliquæ graves sarcinæ vel importentur, vel exportentur. B. O Deum immortalem! quomodo illic potes vivere? Q. Quid ais, vivere? equidem non vivo, sed langueo potius. Neque nunquam mihi videor esse liber, nisi cum sum in schola tecum una & cum cæteris nostris condiscipulis. B. Quàm doleo vicem tuam! Q. Utinam liceret mihi tecum habitare in his ædibus scholasticis! B. Nihil esset mihi jucundius: sed quid impedit? Q. Patris vetus amicitia cum illo hospite meo. B. Deberes patrem admonere de studiorum tuorum incommodis. Q. Sæpe quidem monui, & coram & per literas. B. Quid ille respondit? Q. Frustra monetur, quasi *surdo narratur fabula*. B. Quid ita? Q. Quia nunquam in discendi ludo versatus est: ideòq; in studiorum ratione nihil intelligit. B. Ego tamen, si mea res ageretur, omnem moverem lapidem, ut voti compos efficerer. Q. Quid si præceptor ipse ad patrem meum scriberet? B. Nunquam istud illi persuaderes. Q. Cur non? B. Quia non vult ambire quempiam, ut discipulorum turbam sibi comparet: abhorret enim ab omni tum ambitione, tum avaritiâ. Q. Quid igitur mihi faciendum suades? B. Unicum habeo consilium. Q. Nè mihi, obsecro, reticeas. B. Ea res per amicos tentanda est. Q. Idem mihi quoque aliquando in mentem venerat, sed nunquam ausum experiri. B. Quid dubitas? Q. Vereor ut hec parùm succedat. B. Rei exitus in manu Domini: sed quid tentare nocebit? Q. Tentemus sanè. Nihil enim mali (ut coniecto) inde potest accidere. At ego nescio quâ ratione hiutendum sit. B. Dic mihi, non expectas ut brevi pater in hanc urbem veniat? Q. Spero venturum propediem. B. Quan

B. Quando igitur? Q. Ad calendas *Quintiles*. B. Optime est, Scin' igitur quid sit opus facto? Q. Doce, quæso. B. Fac singulatim convenias duos aut tres, ex paternis amicis præcipuis, qui sunt viri graves & honorati: nempe, ut plus valeat eorum auctoritas apud patrem tuum. Q. Bene mones: quid illis dicam? B. Narrabis diligenter omnes incommoditates studiorum tuorum. Q. Nihilne amplius? B. Docebis insuper quonam modo tibi provideri possit, ut tempus redimas; quod apud istum hospitem tam misere hætenus perdidisti; & nisi eo remedio tibi mature consolatur, actum esse de studiis tuis & eorum progressu. Deniq; nè antè destiteris monere, orare, obsecrare, donec persuaseris, ut tibi promittant se acturos esse serio cum patre tuo negotium. Q. Quid si recusabunt? B. Vix fieri potest, ut recusent omnes! Q. Non est verisimile, præsertim cum sint mei amantissimi, & mihi patris nomine gratificentur adèò libenter. B. Ad hæc res ipsa urgebit eos, nempe tanta studiorum tuorum jactura. Q. Pluribus verbis opus non est. Auxilio Dei fretus aggrediar primo quoque tempore. B. Sed interim memor esto, ut in divinas preces dies noctesq; incumbas. Q. Ipso volente Deo, id curabo pro viribus. Satis enim scio nullum consilium mihi esse profuturum, nisi quoad illa juverit. B. Sed jam tempus est ut domum te recipias, nè forte hospes offendantur. Quid cessas? Q. Cogito nè quid prætermiserim, de quo esses admonendus. B. Si quid alterutri nostrum præterea occurrerit, cras otiose tractabimus. Q. Vale igitur, mi *Benigne*, & perge, quæso, me tuis precibus adjuvare, quemadmodum juvisti optimo consilio. B. A Domino Deo profecta sunt omnia, qui ut consilium dedit, sic dabit effectum. Q. Ita tore confido. Iterum vale. B. Vale, *Quæstor* suavissime.

C O L L. 37.

Athanasius, Benjaminus.

Hicce, me insciente, abiit pater tuus; ut mihi non liceret eum convenire? B. Cur à prandio non venisti in dispersonarium ejus? A. Quia putabam tantum cras illum esse dis-

discessurum. B. Ego quoque idem arbitrabar ; sed nolui occasionem prætermittere, quæ se extempore obtulerat. A. Adhuc ille meminit *Catonis* distichon illud.

*Quamprimum captanda tibi est occasio prima ;
Ne rursus queras, quæ jam neglexeris ante.*

B. Illud opusculum sic memoria tenet, ut in eo videatur ætatem contrivisse. A. Vide quanta vis sit memoriæ in iis, quæ rudibus annis didicimus. B. Ea est *Quintiliani* super hac re sententia ; cuius verba (ut opinor) meministi. A. Memini ; sed (ut ad rem) quæ fuit patri occasio, ut ante discesserit quàm instituerat ? B. Quidam *Lugdunenses*, quibuscum ad mercatum huc venerat. A. Aderāsne cūm profectus est ? B. Præstolabar illum in diversorio. A. Unde scieras mutasse consilium de professione ? B. Eram in prandio, cūm inter ipsos convenerat, ut (expeditis quibusdam reliquis in urbe negotiis) equos sub horam secundam conscenderent. A. Quod superest, satīsne ex animi sententia rem suam fecit ? B. Itā feliciter, ut me ob eam rem ad divinas laudes vehementer horatus fuerit. A. Tu nunc igitur (opinor) bene num natus redis. B. Mēne rides ? A. Cur ego id facerem ? B. Pro tuā libidine. A. Quasi verò animi gratia solē irridere cæteros. B. Atqui ita putabam. A. Longe aberras Nam aliud est *jocari*, aliud *irridere*. Alterum caret vitio, estque inter amicos satis frequens ; alterum est vitiosum, atque odio dignum ; utpote quod ex contemptu fere proficiscitur. B. Ignosce igitur mihi. A. Non gravis est culpa. Sed dic, rogo ; nihil tibi pecuniæ dedit pater ? B. Ne petivi quidem. A. Tamen sponte delit. B. Aliquantulum. A. Quantum igitur ? B. Perpaullum. A. Dic, soles. B. Cur tam avide inquiris ? A. Ut amicum nunc more tibi gratuler. B. Nihil est gratulatione dignum. A. Fatere tandem quid sit. B. Soli asses quinque. A. Huius tantillum ? O stulte, qui non petieris duos aut tres decussēs argenteos ! B. Non ausus sum. A. Quid verebare ? B. Ut plane denegaret, atque egre ferret quod

pecc-

peterem. A. Nunquam id fecisset, modò petendi causam addidisses. B. Credo equidem; sed quid causæ attulissem? A. Rogas? Nonne sunt res sexcentæ, quibus indiget usus scholasticus? B. Multæ sunt, fateor. A. Tu verò adeone abundas rebus omnibus, ut tibi desit nihil? B. Imò desunt plurima; sed quibus facillè caream. Præterea, satis novit pater quæ mihi opus sunt, cum studiorum causâ, tum ad victum cultumque corporis. A. Novit quidem, sed alia multa sunt illi & curanda & cogitanda. B. Credo esse illi præcipuam liberorum curam. A. Sed nimis ab eo remotus es. B. Sine me pervenire quo volo. A. Agè fino, B. Novit etiam pater me nondum esse idoneum ad rectè tractandam pecuniam. A. Cur non? An tu ad eam rem non satis ætatis habes atque prudentiæ? B. Isthinc absim longissimè. Itaque pater dedit præceptori in mandatis, ut omnia mihi suppeditet ad usus vitæ & studiorum necessaria; ad quam rem præbet illi quantum satis est pecuniæ. A. Eſto. B. Ergò si quid à patre peterem, me statim ad præceptorem remitteret; fortassis etiam irasceretur, & me graviter objurgaret. A. Facile est objurgationem pati, modo nè sequantur verbera. B. Facile est, credo; sed iis duntaxat, quos neque pudor movet, neque nulla parentum reverentia. Ego autem ipsa verbera ferre malim, quam patris irati objurgationem. Ex quo fit, ut sedulo caveam, ne quid illi præbeam causæ ad irascendum; id enim sub quinto præcepto Divinæ Legis continetur. A. Facis, ut pium decet adolescentem. B. Ejus rei laus non mihi, sed soli Deo tribuenda est. A. Nempe à quo proficiscitur quicquid nobis inest boni. B. Faxit ille, ut quæ bona inspirat nobis, ea sequamur animo promptissimo. Sed, ut ad rem redeam, seriòne reprehendas quòd nullam pecuniam à patre rogàssem? A. An ego te vellem ad fallendum patrem inducere? B. Mihi quidem non fit verisimile: me tamen ipsum fefellisti. A. Quomodo? B. Quia serio loqui videbaris, adeò apte vultum verbis ipsis accommodabas. A. Sed quid censes de hac nostrâ confabulatione? B. Argumentum satis apertum dedisti nobis

nobis in hoc otio nostro vespertino. A. Ecquid habuit sermo noster quod reprehendisset observator, si forte (ut solet) nos observasset ex insidiis? B. Nihil, ut opinor. A. Profecto verum est quod sæpe nobis præceptor inculcat. B. Quid illud est? A. *Latine* linguæ copiam & facultatem comparari his potissimum rebus, sæpe scribendo, confabulando, legendis auctoribus. *Anglica Latine*, aut *Latina Anglice* convertendo. B. Ergo his rebus, diligenter nos exerceamus, adjutore Domino Deo, in cujus manu sita sunt stultiæ nostra omnia. A. Item faxit, ut ejus erga nos beneficia vero cultu dignisque laudibus perpetuo celebremus.

B. *Hic opus, hoc studium parvi properemus & ampli:
Hæc sit vitorum summa, suprema, precor.*

A. Sed audi horologium. B. Nos opportunè admonet: itaque desistamus. A. Alioqui Solis occasus nos hinc opprimet.

COLL. 38.

Honoratus, Vivianus, Pratenfis, Pædagogus.

Quid caret alternâ requie, durable non est;
Hæc reparat vires, fassaque membra levat. Ovid.
V. *Nec me offenderit lusus in pueris; est & hoc alacritatis
signum.* Quintilianus.

Pr. *Nulla res est quæ perferre possit continuum laborem.*
Quintilianus.

Pæ. Video quorsum spectant ista; nimirum ut vos ambulatum ducam: sed eandem cantilenam semper ferè recantatis ut solent nostræ aviculæ. H. Quid ergò vis dicamus, præceptor? Pæ. Dicite posthac suam quisque sententiam ex *Novo Testamento*. V. Euge! nihil erit nobis facilius: habemus enim in promptu multam earum copiam. Vis ergò præceptor, ut jam nunc incipiamus? Pæ. Sane velim; quando (ut ais) tanta est vobis copia. V. Quis incipiet? P. Tunc, *Honorate*, vis honoris tui causâ hujus rei speciem edere? H. Id ego libenter faciam; sed Dei honoris causâ. Pæ. Laudo istud verbum, Divinus
enim

enim honor & gloria omnibus in rebus est præferenda. Eia! incipe siquid habes. H. *Nisi abundaverit justitia vestra plus quam Scribarum & Phariseorum, non potestis ingredi in regnum cælorum*, Matth. quinto capite:

V. *Deposito mendacio, loquimini veritatem quisque proximo suo*, Ad Ephef. capite.

Pr. *Filii, obedite parentibus in omnibus, hoc enim placet Domino*, Ad Coloss. tertio.

Pæ. Euge! bonam speciem: videte ut progressus respondeat: hoc est, ut pergatis in posterum diligenter. H. Qui nobis principium dedit, dabit idem successus prosperos. Pæ. Ita sperandum est. Parate vos, ut prodire maturemus. H. Mox aderimus paratissimi. Pæ. Sumite suum quisque pallium, ut prodeatis honestius. Sed heus, pueri! Pr. Quid vis præceptor? Pæ. Videte ut *Psalmos* etiam adferatis: alicubi in umbra cantabimus. Pr. Ità fiet ambulatio nostra jucundior.

COLL. 39.

V. M.

Fuistine hodie in Gymnasio? M. Ubi ergo fuisses? tu verò quid agebas? V. Eram domi occupatus. M. Id evenit præter morem tuum: soles enim abesse rarius. V. Quam possum rarissime: quid autem actum est? M. Nihil prorsus. V. Ergone remissionem habemus? M. Certo. V. Quamobrem? M. Propter mercatū hodiernum. V. Quis dedit? M. Ludimagister; permissu tamen Rectoris. V. Quid concessit? M. Vacationem ab omni munere scholastico. V. An in totum diem? M. A mane ad occasum usque Solis; tametsi diligenter & multis quidem verbis admonuit, ut in otio de negotio cogitarem, nè cras in ludum veniremus imparati. V. Quid igitur nos? hodie abutemur otio? M. Id verò ætatem nostram decet minimè. V. Tu ergo quid putas facere? M. Me recipere in musæolum, nisi fortè tibi magis placet in susquihoram aliquò prodeamus ambulatum. V. Ergone recusarem? imò nihil est, quod nunc magis velim. Nam & nos interea tractabimus aliquem sermonem literarum,

& simul copus exercebimus. M. Eamus igitur extra muros. V. Quonam? M. Usq; ad ripam lacûs. V. Valde istud mihi arridet; sed tu (si placet) me expectabis. M. Quamdiu? V. Tantisper, dum crepidas eo mutatum calceis. M. Ubi vis expectari? V. Ad portam Franciscanam. M. At vide nè me fallas. V. An ego amicum fallerem, cum sciam etiam inimico servandam esse fidem! M. Abi, festina: ego, dum te operior, aliquid interim legam. V. Salve, Marcelle. M. Quis iste saluator? V. Ecce! redii. M. Eho! tam citò? mihi videris volasse. V. Nimirum affectus ipse pedibus alas addidit. M. Eamus nunc, ducente Deo. V. Solus Deus est qui suos ducit ac reducit. M. Maturemus: satis longè hinc lacus abest. Tantò melius prandebimus, perge.

FINIS.



4

1